

## THRENI.

**Editio Duacensium theologorum libro Lamentationum Expositionem annexit Paschasii Ratperi, qui circa annum Domini 880 floruit. Hanc certe, ut annis quadraginta Ratperio senior, non novit Walafridus, et ideo nunc omittendam censuimus, mox inter Opera Paschasii Ratperi suo loco daturi. (Edit.)**

## PROPHETIA BARUCH.

### PRÆFATIO.

Liber iste, qui Baruch nomine prænotatur, in Hebreo canone non habetur, sed tantum in Vulgata editione <sup>a</sup>, similiter et epistola Jeremiæ. Propter

notitiam autem legentium hic scripta sunt, quia multa de Christo novissimisque temporibus indicant.

(Antiqua exemplaria Glossæ ordinariæ textum tantummodo Baruch exhibent, nulla comilante expositione.)

<sup>a</sup> Vulgata editio, de qua fit mentio in prologo super Baruch, exponitur in prologo super Ezechielem. Cætera plana sunt.

## PROPHETIA EZECHIELIS.

(Vide Expositionem B. Hieronymi in Ezechiem et homilias B. Gregorii in eundem. Quæ ex aliis auctoribus exhibet editio quam sequimur, cuncta expositorum Walafrido juniorum sunt.)

## PROPHETIA DANIELIS.

(Vide Commentarium B. Hieronymi, Operum ejus tomo V, col. 493.)

## LIBER DUODECIM PROPHETARUM.

(Vide B. Hieronymum, ubi supra.)

## MACHABÆORUM LIBRI DUO.

(Vide Expositionem Rabani Mauri in eosdem libros [Operum ejus editionis postea tomo III], quæ ad verbum mutuatus est Walafridus Strabus.)

## EVANGELIUM SECUNDUM MATTHÆUM.

### PROLOGUS.

Matthæus cum primo prædicasset Evangelium in Iudea, volens transire ad gentes, primus Evangelium scripsit Hebreos : quod fratribus a quibus ibat, ad memoriam reliquit. Sicut enim necesse fuit ad confirmationem fideli Evangelium prædicare, sic et contra hereticos scribi. Cum autem plures Evangeliorum scripserint, quatuor tantum habent auctoritatis testimonium : quia per quatuor mundi partes fidem nuntiant Trinitatis, et sunt quasi quatuor rotæ in quadriga Domini, quæ vehit eum per prædicationem Evangeli, et genus humanum quadrifida

A morte peremptum eorum erat prædicatione vivificandum : unde et aliorum evangelia deciderunt, nec recepta sunt : quia nolebant præfanitum numerum cassari propter virtutem sacramenti. Designantur etiam evangelistæ quatuor figuris, quæ non sunt deceptoriarum, sed jucundi mysterii sibi conscientiarum. Matthæus in homine intelligitur : quia circa humanitatem Christi principaliter immoratur. Marcus in leone, quia agit de resurrectione. Lucas in vitulo, agens de sacerdotio. Joannes in aquila, scribens sacramenta Divinitatis. Christus vero quem describunt, homo fuit de virgine natus : vitulus in imbu-

latione, leo in resurrectione, aquila in ascensione. A primitur, ut eum cognosceres qui ex ejus stirpe fuerat promissus.

*Incipit Evangelium secundum Matthæum.*

### CAPUT PRIMUM.

VERS. 1. — *Liber generationis.* (HIER.) Hebrei voluminibus suis a principiis nomen imponunt, ut liber Genesis, etc., usque ad sed hic mos est in multis, maxime in prophetis, ut visio Isaiae, subauditis hæc est.

*Fili David.* Ordo præposterus ne præmisso Abraham, generationis contextio interrumperetur. Horum duorum specialiter dicitur Filius : quia unus primus inter patriarchas, alter inter reges ad quos facta est de Christo promissio, ut Judæis Christum ex lege venturum aperiret, in quo viderent vaticinia impleri.

*Fili David filii Abraham.* Hos duas de omnibus elegit quorum Filius dicitur Christus, ut Judæis quibus scribit, scientibus ex lege Christòm venturum, appareret hic esse qui diu erat promissus, in quo viderentur similes omnia vaticinia; his enim solis in Veteri Testamento legitur facta promissio Abrahæ, et benedicentur in semine tuo omnes gentes terræ (Gen. xiii).

Abraham et David sunt duæ columnæ versantes in lege quasi in vestibulo ante ostium quod est Christus: quas ambit suniculus duodecim cubitorum, id est fides apostolorum. Amplectitur hos in genealogia patres, de quorum medio ostium Christus aperitur credentibus.

VERS. 2. — *Abraham genuit Isaac: Isaac autem genuit Jacob.* Ab eo congrue sit generationis exordium cui promissus est primum, in quo est benedictio omnium.

Matthæus generationem incipit, ab exordio propagationis. Et etiam usque in finem libri hæc agitur, ut quæ ex hac generatione natus est, Deus et homo intelligatur.

Ab initio ab eo cui primum facta est promissio fidei incipit, ut in hoc patre discant cui primum facta est promissio, quæ et quales esse debent qui volunt in ejus semine benedici. Matthæus generationem descendendo incipit vel computat : quia humanitatem Christi ostendit, per quam Deus ad homines descendit. Lucas ascendendo referens formam sacramenti aperit. A baptismo enim incipiens usque ad Deum ascendit, ostendens baptizatos ascendere ad hoc, ut sint filii Dei.

*Genuit.* Matthæus ponit, *genuit* : qui naturæ filios tantum numerat. Lucas : *Qui fuit* : qui aliquos secundum legem vel per adoptionem filios interponit. Matthæus ponit genuit, et non generavit, forsitan ut ille cognosceretur in fine ostensus de quo dicitur : *Ego hodie genui te* (Psal. ii).

*Judas et fratres.* Ideo solus Judas nominatum ex-

Fratres Judæ memorat prætermissis fratribus Isaac et Jacob : quia illi a populo Dei quasi alieni sunt repulsi : hi velut haeredes in libro vitæ scripti, et quasi patriarchæ duodecim, in quibus et humeros apostolorum signatur. Sed nominatim non exprimuntur, ne ultra numerum sacramenti generatio extendatur.

In semipe prædictorum patrum Christus intravit in Ægyptum quod præsagiens inimicus populum premebat, et non feminas, sed mares interimebat, ut eum extingueret.

De Iuda Christus quem omnes gentes suscepunt : quo veniente jam Herodes alienigena principabatur.

VERS. 3. — *Judas autem.* Judas genuit Phares et Zaram antequam intraret Ægyptum in quam ambo postea cum patre transierunt.

*Phares autem genuit Esrom.* In Ægypto genuit Phares Esrom, et Esrom Aram, et Aram Aminadab, et Aminadab Naasson : et tunc Moyses eduxit eos de Ægypto. Naasson fuit dux sub Moyse in tribu Juda per desertum, in quo genuit Salmon. Iste Salmon fuit princeps in tribu Juda, qui cum Josua in terram promissionis intravit. Iste Salmon in terra promissionis genuit Booz de Raab.

Christus est Phares, id est divisio, quia separabit oves ab hædis. Ipse est Esrom, id est sagitta vel atrium, quia penetrat corda auditorum. Habet etiam latitudinem charitatis, qua et iniunctus dilexit.

VERS. 4. — *Aram autem.* Aram Christus electus vel excelsus interpretatur : *Electus de quo propheta : Ecce puer meus quem elegi* (Osc. xi). Et alibi : *Excelsus super omnes gentes Dominus* (Psal. cxii). Ipse est Aminadab, id est voluntarius, qui dicit : *Voluntarie sacrificabo tibi* (Ibid. xxxiii). Idem est Naasson, id est augurium, qui novit præterita, praesentia et futura. Vel Naasson serpentinus, quia Christus more serpentis omnes cavit insidias.

VERS. 5. — *Salmon autem genitit Booz.* Christus est Salmon, id est, sensibilis, quia omnia sentit. Ipse accepit Raab, id est Ecclesiam de gentibus. Raab, fames, vel beatitudo, vel impetus : quia Ecclesia gentium esurit et siti, iustitiam, et dilatata per orbem terrarum impetu doctrinæ philosophos et reges convertit. Raab ostendit coccinum in fenestra, id est in ore per confessionem Christi passionem declarat. Raab meretrix quæ nuntijs domini inscripta, quam Salmon princeps tribus Judæ sibi copulavit, significat Ecclesiam de gentibus, quæ principi ex Iuda, id est Christo copulatur. Et sola eam suis salvatur, dum Jericho, id est præsens seculum, septem muris vitiorum vallatum, septem dierum tempore turbis prædicationem circumvallatur, donec in novissima mors destruatur.

*Booz autem.* Booz Christus de quo dicitur : *Eos dominus de te in fortitudine pergit*. (Ist. xl). Nata

*nullam de sanctis feminis in genealogia Christi assumi, sed quas Scriptura reprehendit. Debuit enim de peccatoribus nasci, qui pro peccatoribus venerat, ut discerent sui peccata patrum sibi non obesse. Unde agnus in Pascha immolandus jesus est assumi ex capris et ovinis id est ex justis et peccatoribus generandus*

*Ex Ruth. Moabitide, ut ostendat impletum vaticinium Isaiae : Emitte agnum, Domine, dominatorem terre (Isa. xvi). Per hanc semen Abrahæ ad Christum deducitur. Ecclesia de gentibus per Ruth significata, priusquam ad Booz, id est ad Christum veniret, ex patre diabolo erat.*

Ruth significat Ecclesiam quæ est de Moab, id est de gentibus, quæ ex patre diabolo et petra deserti propter idolatriam de qua Deus suscitavit filios Abrahæ : oblita prioris gentis venit ad Booz, qui fortis dicitur, id est ad Christum, qui suscitat scmèn fratris sui, id est Moysi qui obiit sine liberis, quia nihil ad perfectum adduxit lex (Hebr. vii). Ruth videns vel festinans ; quia Ecclesia puro corde Deum videt quæ festinat ad bravium supernæ visionis et diffinit perseverare in fide et dilectione.

*Jesse autem. Pater David saepius nominatur Isai, sed binomius fuit. Hic autem ideo dicitur Jesse : ut sciret eum venisse ; de quo Isaia : Egredietur virga de radice Jesse (Isa. xi), etc. Hic est flos quem odorat Isaac, dicens : Ecce odor filii mei sicut odor agri pleni (Gen. xxvii), quia Spiritus eum abundantissime replevit.*

*Regem. Non quod solus in hac genealogia rex, sed quia primus rex de Juda et regum principium, propter quem et ceteri in solio regni servantur : et per hunc ordo generationis decurrit ad Christum qui habet regnum David.*

*Vers. 6. — David autem rex. Mysticæ David, id est Christus qui Goliam, id est diabolum superavit. Ipse est manu fortis, vel visu desiderabilis. De eodem dicitur : Dominus fortis et potens (Psal. xxiii), etc. Et iterum : Speciosus forma præ filiis hominum (Ibid. xxv).*

*Uriæ. Uriæ, lux mea Dei scilicet, id est, diabolus, qui dixit : Similis ero Altissimo (Isa. xiv) : cui Ecclesiastim conjugatam Christus de solario paternæ majestatis adamavit, et pulchram factam sibi matrimonio copulavit. Urias qui est figura diaboli, lux mea Deus interpretatur, qui adhuc transformat se in angelum lucis, et lumen Dei se facit.*

*Vers. 7. — Salomon autem. Christus est Salomon, id est pacificus, quia ipse est pax nostra qui fecit utraque unum. Ipse est Roboam, id est impetus populi, qui velociter populos convertit ad fidem. Roboam. De isto dicitur : Dabo ipsi Roboam tribum Judam, ut remaneat lucerna David cunctis diebus in Israel (III Reg. xi). Quod ad litteram non potest accipi, quia nec Israel cunctis diebus existit, nee de David post Christum dux aliquis in Israel fuit. Sed Christus lucerna est æterna in coelesti Israel, et ideo servatur semper. Super solium autem David dicitur*

A sedere Christus, quia regnum David temporale figuravit æternum Christi regnum. *Abias. Pater Dominus, id est, Christus, qui dicit : Ego ero illi in Patrem, quia tanquam Dominus omnia quæcunque voluit fecit (Psal. cxiii). Qui etiam est Asa, id est, attollens, quia ipse abstulit peccata mundi.*

*Vers. 8. — Josaphat, etc. Juditans vel judicium Dei, scilicet Christus qui judicat orbem terræ in æquitate. Joram autem genuit. Christus est Joram, id est excelsus, qui ait : Nemo ascendit in celum nisi qui descendit de celo filius hominis qui est in celo (Joan. iii).*

*Vers. 9. — Ozias autem. Sub Ozia, Joathan, Achaz et Ezechia, prophetavit Isaías de Christo. Propter peccata principum claudebantur ora prophetarum. Ezechias. Fortis Dominus, ipse est qui dicit apostolis : Nolite timere. Ezechia cum esset sine liberis dictum est : Dispone domui tua, quia morieris tu et non vives (Isa. xxxviii). Ideo flevit non propter longiorem vitam, cum sciret inde placuisse Deo Salomonem, quia non petiisset ampliores annos : sed quia dubitabat ne promissio Dei impleretur cum se sciret esse de genere David per quem oportebat venire Christum : et ipse erat sine liberis unde et dicebat (Ibid. xxxviii) : Non videbo Dominum Deum, item, non aspiciam hominem ultra, etc. E contra credebat, quia fidelis est qui proniserat. Deus autem sententiam quam dederat, ad probacionem fidei immutat, et spatium generandi dat.*

*Vers. 10. — Manasses. Obliviosus. Iste est qui quasi converso peccatori dixit : Omnia iniquitatum ejus non recordabor (Ezech. xviii). Amon, id est fidelis vel nutritius, significans Christum de quo dicitur : Fidelis Dominus in omnibus viis suis, qui convocat filios, ut gallina pullös suos (Psal. cxliv).*

*Vers. 11. — Josias, id est salus Domini vel incensum. Ille est qui dicit : Dirigatur oratio mea sicut incensum (Psal. cxl), etc.*

*Josias, rex justus, quod non filii ejus quos genuit, non in transmigratione, quia nunquam transmigravit : sed secundum predestinationem Dei ad transmigrandum, Jechoniam et fratres ejus simul ponit, ut quorum est communis iniquitas similis sit et miseria. Jechonias preparatio Domini, quia tam patrem quam filium Dominus ad transmigrandum præparavit.*

(Isid.) Veritas historiæ habet, quod duo fuerunt Jechonias, ut unus scilicet pater sit in fine præcedentis tesseradecadis, alter in principio sequentis. Sed mystice secundum Augustinum unus et idem est in fide præcedentis et in principio sequentis. Sed quare pretermisso est Joachim pater Jechonias? forsitan ut typum Christi ficeret Jechoniam bis numeravit, et Joachim ne numerus augeretur prætermisso.

Omnis qui a David usque ad transmigrationem Babylonis numerantur, reges fuerunt.

*Jechonias. Prior Jechonias, resurrectio Domini, sequens Jechonias præparatio Domini dicitur. Utrum-*

que congruit Christo, qui est *resurrectio et vita* **A**mine Joseph? Sed non est consuetudo Scripturarum, ut ordo mulierum in generationibus texatur; et ideo non per Mariam, sed per Joseph inducitur, cum de una Joseph et Maria tribu fuerint. Unde et eam quasi propinquam cogebatur accipere, ne tribus in aliam se confunderet: unde etiam simul tanquam de una stirpe profiterentur in Bethlehem redire cum singulis in suam civitatem.

**VERS. 12.** — *Salathiel.* Petilio mea Deus, Christo convenit qui dicit: *Pater sancte, serva eos quos dedisti mihi, ut sint unum sicut et nos* (*Joan. xvii*).

**VERS. 13.** — *Zorobabel autem genuit Abiud.* Magister Babylonis, id est confusionis. Illi convenit qui inundum ab errore idololatriæ ad viam veritatis revocavit. Fuerunt viri studiosi ex Judæis dicti Heriles propter propinquitatem generis Christi, erantque Nazaræi, qui ordinem genealogie Christi partim memoriter, partim ex libris Dierum, partim ab avis et proavis retinentes secundum ordinem scripserunt. *Abiud*, id est, *pater meus*. Iste Christo convenit, de quo dicitur: *Ipse invocavit me: pater meus es tu* (*Psal. lxxxviii*), etc. *Eliachim.* Dominus resuscitans. Ille qui dicit: *Omnis qui videt Filium et credit in eum, habebit vitam æternam, et ego resuscitabo eum* (*Joan. vi*), etc.

**VERS. 14.** — *Azor.* Adjutus. Ille est qui dicit: *Ecce Deus adiuvit me, Dominus susceptor est animæ meæ* (*Psal. lxiii*). *Sadoch.* Jūstus, id est Christus, de quo dicitur: *Justus Dominus et justitius dilexit* (*Ibid. x*). *Achim*, id est, *frater meus iste*. Quis alias quam ille qui homo fieri voluit, ut possit habere fratres, de quibus diceret: *Nuntiabo nomen tuum fratribus meis* (*Ibid. xxi*). *Eliud*, id est, Deus meus convenit Christo qui dicit: *Deus meus ut quid dereliquisti me* (*Matth. xxvii*)?

**VERS. 15.** — *Eleazar*, id est, *Deus meus adjutor*. Ille est qui ex persona hominis dixit: *Deus meus sperabo in eum* (*Psal. xc*). *Mathan.* Donans vel donatus. Ille est qui dedit bona hominibus, et de quo dicitur: *Sic Deus dilexit mundum, ut Filium suum daret* (*Joan. iii*).

Per hos patres Christus in mundum, et omnium horum in se gerebat officium. Et dignum est ut per eandem lineam sanctitatis ad eum ascendamus, per quam ad nos descendere est dignatus.

**VERS. 16.** — *Joseph.* Apponens Christus qui Judæis gentes apposuit, qui et pater Christi dicitur, quem de sua conjugi natum adoptive suscepit: sed et putative pater dicitur. *Joseph* Matthæus dicit filium Jacob, et Jacob filium Mathan. Lucas Joseph filium Heli, et Heli filium Mathat, sed Mathan et Mathat de eadem uxore Hesta nomine singulos genuerunt. Mathan qui per Salomonem descendit, eam prius duxit, et relicto uno filio Jacob obiit, et postea Mathat qui per Mathan descendit de David, eandem duxit et genuit Heli, sic Jacob et Heli fratres sunt uterini. Jacob autem uxorem Heli fratris cui sine liberis defuncti, ad suscitandum semen ejus, recipiens, genuit Joseph natura suum, sed secundum segem Heli filium. Quod dicitur filius nomine ejus vocari cui suscitur, non est verum cum Booz eum quem genuit ex Ruth, non Elimelech cui suscitur, sed Obeth vocavit.

**Virum Mariæ.** Quid ad Christum generatio ex David deducta ad Joseph, cum Christus non ex se-

pari consensu continentiam posse permanere, conjugiumque vocari non permisto corporeo sexu, sed custodito mentis affectu. Unde et Joseph vir Mariæ dicitur, quia conjugium verum est ubi conservatur amoris effectus, et in Maria fructus nuptiarum invenitur.

**VERS. 17.** — *Omnis itaque.* Decurso ordine generationis tandem, in fine concludendo, evangelista recapitulat sub mystico numero.

**VERS. 18.** — *Christi autem generatio.* Sine additamento, Jesu, ponit, ut eum intelligas de quo propheta: *Unxit te Deus tuus.* Jesus, quod substantia liter illi convenit, angelo reservat, ut qui post dicturus est conceptum de Spiritu sancto, nomen ei proprium ex salvationis officio sublimius declareret. *Sic erat.* Sic dictum est, ut ex Joseph, origo Mariæ, quæ et de David claresceret: et Christus, non ex ejus semine, ut Deus et homo, per genealogiam homo, per hoc, de virgine de Spiritu sancto Deus ostenditur. Sic, inquam, erat ut prescripta est et mox dicetur, sicut postea signis et prodigiis manifestatur, ut totus liber Deum et hominem natum demonstraret: quod est credendum ut possit intelligi. Hic enim sensus deficit humanus, ubi non est natura, sed virtus: qui non credit non intelligit quod virgo peperit, quod verbum caro factum est.

*Cum esset desponsata.* (ORIG.) Ideo desponsata ut significaret Ecclesiam, quæ virgo est et sponsa: et ut per Joseph, etc., usque ad despensatio fiebat per aliquot dies ante assiduam cohabitationem, et interim erat uxor sub custodia viri.

*Antequam convenirent.* Non quod postea convenirent: ut si dicerenus antequam præniterit, morte præventus est. Non quod postea convenerint; sed ostendit proximum tempus nuptiarum, in quo nuptiarum solennia celebrantur.

**D***Inventa est in utero habens.* Invenit Joseph in utero habere, sed non de Spiritu sancto sciebat esse: cum postea ut dubius deliberaret dimittere eam, apostolus autem hoc addit ne interim surreperet suspicio lector. Quomodo hoc factum sit, et quo ordine, vel in qua civitate Christi concepcionis sit celebrata, hoc prætermissum a Luca exponitur.

**VERS. 19.** — *Justus.* Per fidem, qua credebat Christum de virginē nasciturum, et voluit se humiliare ante tantam gratiam.

Quod justus erat, hoc est testimonium castitatis Mariæ, ut qui servat innocentem, justus dicatur: sed et pius dum pollet propalare, ex conscientia castitatis justus, ex timore pius. Sciebat illam esse

incipitabilem : sed unde vel quid esset ignorabat : et ideo medium elegit viam effugiendi, ut neque innocentem proderet, neque rei incognitæ consentiendo se reum faceret coram Deo. Vera virtus est, cum nec pietas sine justitia, nec sine pietate justitia, quæ separata ab invicem dilabuntur.

*Et nolle eam.* Quam despontaverat in conjugium ducere, ne videtur quod ignorabat celare. Vel traducere ad poenam in qua noverat non esse infamiam, quia sciebat se eam virginem accepisse, intactam servasse.

Vers. 20. — *Hec autem eo cogitante.* Hic docemur diu deliberandum esse in incertis, ne peccetur temeritate levitatis. *Ecce angelus Domini.* Quia sic pie cogitat, consolari meretur, et consilium suum meliori consilio mutatur. *Fili David.* Recognoscet quod promissum est domui David, de qua tu es et Maria, et vide impletum in ea. *Noli timere.* Quamvis tantum sit quantum credis, et ne timeas pro reatu, sed amplectere charitatis intuitu. *Conjugem.* Conjux erat non concubitus, sed affectu, non coniunctione corporis, sed copulatione animorum.

Nota conjugem dici a prima fide desponsationis. Igitur dispensationis est, si quis permititur aliam ducere post sacramentum sponzionis, et si nunquam dchium solvere possit.

Bene Joseph vir, et Maria conjux dicitur, cum in eo servatur affectus amoris, quod verum conjugium, et in ea sine coitu est fructus nuptiarum.

*In ea natum est.* De ea nasci, est in lucem produci. In ea vero nasci, est concipi, vel secundum præsentiam angeli quam habet ex Deo : cui futurum quasi præteritum, natum dicitur. *De Spiritu sancto est.* Spiritus sanctus dicitur Deus, et donum Dei, et charitas, et sola charitas eum incarnari fecit.

Vers. 21. — *Pariet.* Ne videretur Joseph non esse necessarius ei, subdit : *Pariet.* Et ita eris necessarius procreationi. *Et vocabis nomen ejus Iesum.* Idem dicit isti quod prædixerat Mariæ ut promissum Salvatorem jam venisse tam viris quam feminis representet ex voce. *Ipse enim.* Nomen interpretatur.

Vers. 22. — *Hoc autem,* etc. Quod propinquo est desponsata : quod inventa est in utero habens : quod peperit virgo : quod Jesus vocatus est : quod salvat. Hoc enim ait Evangelista, quando jam omnia impleta erant.

*Ut adimpleretur.* Isaiae prophetia, signum est præscientiæ Dei, quia quod dicit certum est a Deo præscribi : et ideo ab homine debet timeri. Nullum autem signum quod designat, efficit : sed tantum signat quod ostendit, sic prophetia non necessitatem eorum facit quæ prædictit, sed signum est præscientiæ Dei.

(HIER.) Non est necessitas rerum ex eloquio prophetarum, sed sola exhibitio veritatis. Prophetia non fecit necessitatem eorum quæ dicit, sed signum est præscientiæ Dei.

Prophetia alia est ex prædestinatione Dei, quam necesse est omnibus modis evenire, ut sine nostro

A impletatur arbitrio : ut hæc de qua hic agitur. Alia est ex præscientia Dei cui nostrum admisetur arbitriu. Alia est, quæ comminatio dicitur, quæ fit ob signum animadversionis divinæ, ut fugiant a facie arcus electi, et juste pereant incauti, et non ex præscientia : quia longe aliter scitur, quam futurum comminetur.

Vers. 23. — *Ecce virgo.* Admiratur propheta Isaías, et quasi omnes de somno suscitans, ait : *Ecce virgo in utero habebit* (*Isa. vii.*). Spiritui sancto præsens erat quod in tempore nondum erat. *Ecce virgo,* etc. Dicunt Judæi quod non est hoc nomen integratissimum, sed ætatis puella. Sed quomodo tunc est signum? Sensus Isaiae sequitur, non verba. Pro concipiet, ponit : *In utero habebit* : et vocabunt, pro vocabis, vel vocabitur.

*Emmanuel.* Proprium est Christi, ut Jesus, quia cum his quos salvat, semper adjuvando perseverat.

Tribus de causis de Veteri Testamento astruit ea quæ ponit in Evangelio : pro testificatione, ut habeat testimonium a lege et prophetis : pro confirmatione fidei, quia filius credimus cum videmus impleta quæ sunt prædicta : pro conjunctione Novi et Veteris Testamenti.

Vers. 24. — *Exsurgens autem Joseph,* etc. (BEDA.) Moraliter. Quisquis a Deo movetur, solvat moras, surgat a somno : faciat quod jubetur. *Fecit sicut præcepit.* Perfecta obedientia. Fecit non tantum quod præcepit angelus, sed etiam sicut præcepit. Exhibitione servitutis, et effectu amoris obediens recte dicitur fecisse sicut præcepit ei. *Angelus Domini.* Non relinquitur mentiendi locus, ubi officium angelorum celebratur. *Et accepit conjugem,* etc. Ad vitandam virginis infamiam, ad celandum Salvatoris adventum, ad necessarium pueri nascentis obsequium.

Vers. 25. — *Donec peperit.* Non quod post, quod magis constat : cum multis modis cognovit Deum esse qui natus est.

Non quod postea cognoverit : sed ponitur donec, pro et, vel pro æterno, ut : *Donec ponam inimicos tuos scabellum pedum tuorum* (*Psal. cix.*). Dicitur quod Joseph Mariam facie ad faciem videre non poterat, quam Spiritus sanctus a conceptione impleverat penitus. Et ideo non cognoscebat facie ad faciem quam desponsaverat, donec uterus evacuaret : de quo hic non agitur. *Primogenitum,* etc. Primogenitum dicitur omne quod aperit vulvam, sive aliud sequatur sive non. Vel primogenitus inter omnes electos per gratiam. Proprie autem unigenitus Dei Patris vel Mariæ dicitur.

## CAPUT II.

Vers. 4. — *Cum ergo natus,* etc. Quamvis Matthæus nativitatem prætermittat, tamen advestum magorum referens, breviter eam commemorat, sic dicens : *Cum ergo.* (RAB.) Quatuor hic ponuntur a prophetis roborata, nativitas, nomen, locus et tempus, etc., usque ad de adventu magorum. *Lucus latet,* et Matthæus exponit.

*Bethheem Iudeæ.* Ad differentiam illius quæ est in Galilæa, in tribu Zabulon. Duæ enim sunt Bethlehem: Bethlehem prius dicta est Ephratha, Bethlehem domus panis, quia ibi nasciturus erat Panis vivus qui de cœlo descendit, qui ponitur in præsepio: ut irrationabiles pastos, faciat socios angelorum. Significat autem Ecclesiam, quæ est domus in qua panis vivus comeditur.

*In diebus.* (HIER.) Hoc non ponit tantum pro tempore, sed ut videatur impletum, etc., usque ad Judæi locum insinuant: tempus adventus non cognoscunt.

(AVG.) Manifestatus est Jesus non doctis nec iustis: prævalet namque, etc., usque ad ut nullus magnus superbiret, nullus infirmus desperaret.

*Venerunt.* Magi, non post annum: quia tunc non inveniretur in præsepio, sed in Ægypto, sed decima tertia die. Fuerunt autem de terra Persarum ubi et Saba fluvius a quo regio nominatur, juxta quam et Arabia est, ubi Magi fuerunt reges. Qui etsi tria munera obtulisse dicuntur, non ideo non plures quam tres fuisse probantur, sed ut per eos gentes quæ ex tribus filiis Noe natæ sunt, venture ad fidem præfigurentur: vel tot fuerunt principes, qui multos duxerunt in suo comitatu. Ideo Magi apud Jerosolymam præcipue rogant: quia per Balaam de Israel nascitorum audierunt. Nova enim stella novum hominem indicabat. Stella, Christus quem sequi debemus, qui nisi in cordibus oriatur, rex Judæorum in Oriente non quæritur.

*Vers. 2.* — *Ubi est, qui natus est rex,* etc. Confusio Judæorum est, ubi Christi nativitatem a gentibus discunt, et si non credunt, inexcusabiles sunt. *Vidimus enim stellam.* Hæc stella Dominicæ nativitatis nuntia nunquam prius apparuit, sed eam tunc puer creavit, et Magis deputavit: quæ mox peracto officio esse desiit. Christum nondum loquentem muta stella prædicat, postea loquentem apostoli nuntiaverunt Judæis, tanquam ratione utentibus; substantia rationalis, id est, angelus ortum Christi nunciavit. Magos vero primitias gentium nondum ratione utentium irrationalis, id est stella, perduxit. Pastoribus angeli, Magis stella, utrisque tamen loquitur lingua cœlorum, quia jam cessabat lingua prophetarum. Utrum stella orta sit in oriente, an ipsi ibi positi natam ad occidentem viderint, ambiguum est. Potuit enim nasci in oriente, et eos in Jerusalem perducere. Sed dum humanum quasi ex lege quærunt auxilium, divino deseruntur. Per stellam intellexerunt eum in Judæa natum, et ideo Jerusalem veniunt, ubi locum discentes tunc aggressi iter primum habent stellam præviam quam recognoscunt.

Allegorice. Stella est illuminatio fidei quæ ad Christum dicit. Dum divertunt ad Judæos, eam amittunt: quia dum a malis consilium quærunt, veram illuminationem perdunt.

(LZO.) Sequuntur tres viri superm̄ luminis duetum et prævii fulgoris indicium intenta contempla-

tione comitantes, ad agnitionem veritatis, etc., usque ad ut eos tantæ visionis mysterium non latet, et quod oculis ostendebatur insolitus, animis non esset obscurum.

*Vers. 3.* — *Audiens autem Herodes,* etc. Rex dicitur, ut collatione ejus qui quærerit, hic intelligatur extraneus, quia jam defecrat proprius.

*Audiens autem Herodes.* Alium regem Judæorum quam se quæri, volebat enim cum esset alienigena legitimus rex videri: et ideo codices quibus genealogia texitur creavit.

*Turbatus est,* etc. Vel quia exitum regni sui timet, vel propter iram Romanorum si hoc patetur, qui decreverant ne quis rex vel dominus sine eorum consilio diceretur. Nato rege cœli, rex terræ turbatus est, quia nimirum terrena altitudo confundit cum cœlestis celsitudo prædicatur.

*Cum illo.* Propter favorem: quia sæpe populus plus eis injuste favet, quos crudeles sustinent. Unde Salomon: *Rex injustus omnes ministros impios habet* (Prov. xxix).

*Vers. 4.* — *Et congregans omnes principes sacerdotum.* Nota diligentiam inquirentis, ut si invenerit faciat quod post se velle ostendit: sin autem, excusatus sit Romanis. Explorabat etiam, si rex eorum tristes vel lætos faciat Judæos. *Ubi Christus nascetur.* A Judæis quærerit locum, a Magis tempus, ut de utroque fiat certus.

*Vers. 5.* — *In Bethlehem Iudeæ.* Locum nativitatis exprimunt, quem testimonio Scripturarum didicерunt, ut ipsa eorum scientia illis fieret ad testimonium damnationis, nobis ad adjutorium fidei.

Ex hoc patet, quia non ex ignorantia, sed ex cordis duritia credere noluerunt.

*Vers. 6.* — *Et tu, Bethlehem.* Hoc sic ponit, ut ab eis dictum est, quia etsi non verba, veritatem sensus quodammodo ponunt.

*Vers. 7.* — *Clam vocatis Magis.* Remotis sacerdotibus et scribis; timebat enim ne Judæi quasi ex Dei oraculo promissum occultarent, si se velle eum perimere sentirent. Ideo etiam promisit se adorare, ne quis sentiret dolum ejus: sed sine suspicione ob gratiam favoris ei renuntiarent.

*Vers. 8.* — *Adorem eum.* Herodes devotionem promittit, sed gladium acuit: malitiam cordis depingens colore humilitatis. Finxit se vultu et verbis adorare eum, quem invida mente cogitabat occidere. Cujus personam repræsentant hypocritæ, qui scite Deum quærunt, nunquam merentur invenire.

*Vers. 9.* — *Et ecce stella quam viderant.* Ingressi Judæam deseruntur indicio stellæ, ut cogantur ex lege inquirere. Vel divino deseruntur auxilio qui quærunt humanum. Nec decebat signum infidelibus datum apparere domesticis legis et prophetarum; quia, si Moyse et prophetas non audiunt: nequæ si quis ex mortuis, etc. Non tenuit æthereas vias: sed multum domui vicina, aliter non discernerent dominum.

**Moraliter.** Stella est bona exhortatio ducens ad Christum. Vel potius fides quæ est mentis illuminatio, per quam ingrediens Christum videt qui est stella matutina : et eo viso gaudet gaudio et adorare non desinit.

**Vers. 10.** — *Gavisi sunt gaudio magno*, etc. Gaudio gaudet, qui propter Deum (qui verum gaudium est) gaudet. Addit et magno, quo nihil est majus. Et valde gavisi, quia de magno potest alius plus, alius minus gaudere.

**Vers. 11.** — *Et intrantes domum*, etc. Tres Magi uno itinere Deum venient adorare : quia in uno Christo (qui est via) inseparabilis Tripartita ab eis erat adoranda. *Puerum cum Maria matre ejus*, etc. Sæpe puer nominatur, ut eum agnoscant, de quo dictum est : *Puer natus est nobis*.

Cur non et Joseph cum Maria inventus est a Magis? Ne aliqua inde malæ suspicionis occasio daretur gentibus, quæ primitias suas statim nato Salvatore ad eum adorandum miserunt.

**Adoraverunt eum.** Sic confitentes Deum, quem actum esse hominem intelligent, et morituram quod per myrrham ostendunt.

**Et apertis**, etc. Fidem suam mysticis protestantur muneribus : Munera clausa, fides est cordis ; munera aperta, etc., usque ad vel per hæc tria in eodem Christo intimantur, regia potestas, divina maiestas, humana mortalitas.

**Vers. 12.** — *Et responso accepto.* Sicut Moyses latens clamabat, sic isti pio affectu interrogabant quid divina juberet voluntas. Hæc responsio non sit per angelum, sed per ipsum Deum, quia nullus aliis viam reversionis instituit, nisi ille qui dicit : *Ego sum via, veritas, et vita.* Non loquitur puer ad eos, ne divinitas ante tempus revelaretur, et vera humanitas habeatur. Unde et mox in Ægyptum mittitur : quia et fides nutrienda erat ad præmium, et vita doctrinæ præparanda est ad eundum, *Per aliam viam*, etc. In hoc forma datur credentibus, ut devoti ad Deum veniant : et quod jubeat intendant, scilicet, ne ad diabolum redeant : sed per semitas virtutum ad patriam veniant, et qui ceciderunt contempnendo resurgent obediendo.

(Leo.) Adorant in carne Verbum, in infantia sapientiam, in infirmitate virtutem, et in hominis veritate Dominum majestatis, etc., usque ad quia quod erat in substantiis proprium, non erat in persona diversum.

**Vers. 13.** — *Accipe puerum*, etc. (HILAR.) Cum desponsatam eam justo significabat, conjugem nuncupavit, sed post partum mater tantum Jesu ostenditur, ut quemadmodum justo Joseph deputaretur Mariæ in virginitate conjugum, ita venerabilis ejus ostenderetur in Jesu matris virginitas.

**Vers. 14, 15.** — *Qui consurgens.* Joseph figura prædicatorum, qui Christum, cum matre, id est, fidem Christi, et Ecclesiæ tulerunt ad gentes, relicto Herode, id est Judæorum infidelitate. **Nocte.** Quia

A occulte per fugam ad illustrandam Ægyptum descendit, relicta nocte Judæis.

Nocte tulit in Ægyptum, quia nocte ignorantiae his a quibus ipse recessit reliquit incredulis. Quando redit, noctis non sit mentio, quia in fine mundi, Judæi fidem tanquam Christum ab Ægypto revertentes suscipientes illuminabuntur.

**In Ægyptum**, et erat ibi, etc. Omnigenum Deum monstrat venerantem : quia Christus a Judæis non receptus, per prædicationem transit ad gentes. Fugit in Ægyptum sicut natus est, ut corruptam reparat naturam. Sic fugit, ut fugaces revocaret. Quod fugit, sacramenti fuit non timoris, ut exemplum fugiendi daret suis. Non fugit mortem qui mori venerat : nec insidias expavit qui venerat aperire versutias diaboli. De hac fuga prædictit Isaías : *Ecce Dominus ascendet super nubem levem*, id est, carnem sine peccato : *ingredieturque Ægyptum* (*Isa. xix.*). Septem autem annis in Ægypto latuit.

**Ex Ægypto vocavi.** In Osæa juxta Hebraicam veritatem hoc invenitur : vel in libro Numerorum, ut quidam asserunt : quia tolum dispositione Dei factum est.

**Vers. 16.** — *Tunc Herodes videns.* Verisimile est, quod cum Herodi nihil renuntiatum esset a Magis, credidit illos fallaci stella deceptos esse, et ideo ad se non esse reversos : unde et tandem quievit a pueri inquisitione. Deinde vulgatis his quæ in templo facta dictave fuerant, se a Magis sensit illusum, et in mortem Christi properans pueros occidit.

Verisimile est per annum et quatuor dies a nativitate Christi Herodem in pueros deservisse : quod forsitan ideo distulit, quia Romanus prefectus est, vel ibi accusatus, vel ut Romanos consuleret super his quæ de Christo dicebantur. Ideo forsitan tandem ab inquisitione pueri se continuit, ut sollicitius eum deprehenderet, neque elabi aliquo modo posset.

**Occidit omnes pueros.** Quam cito Christus apparuit mundo, incepit in eum persecutio : quæ figuravit persecutionem sanctorum : et dum infans quæritur, infantes occiduntur ; in quibus forma martyrii nascitur, ubi infantia Ecclesiæ dedicatur.

Figurat mors parvolorum passionem omnium martyrum, qui parvuli, humiles et innocentes occisi sunt : qui non in Judæa tantum, sed ubique passi sunt ab impiis, quos significat Herodes. Quod bimbi : quia doctrina et operatione perfecti. Illis occisis Christus evasit : quia corpora possunt perimi, divinitas non contingi.

**Et in omnibus finibus ejus.** Non est contentus va statione Bethlehem, sed adjacentia loca vastavit ; nec ullam misericordiam ætatis habuit a filio unius noctis usque ad filium duorum annorum, quin omnes occideret.

**A bimatu.** Ideo a bimatu, ut sicut præoccupaverat Herodes fines civitatis, ita et præoccuparet alium annum. Ideo etiam a bimatu : quia timebat, ne puer cui famulabantur sidera, paulo supra ætatem vel infra speciem sibi conformaret.

VERS. 17.—*Tunc adimpletum est.* Adimpletum diciatur : quia antequam fieret legentibus erat semiplenum, quia quod in littera sonabat, aliquid futurum occulte promittebat.

(CHRYSOST.) Dicit quod stella per annum apparuit, sicut in destructione Romanorum signa apparuerunt in cœlo, quando vox angelorum audita est : Transeamus ab his sedibus.

VERS. 18. — *Vox in Rama.* Id est, in excelso longe lateque diffusa est.

Allegorice. Vel, vox Ecclesiæ de nece membra- rum gementis usque ad solium superni ascendit iudicis. *Vox in Rama.* Propter uxorem Levite fornicatione peremptam, secundum numerum tribuum in duodecim partes divisam, omnis Israel tribum Benjamin præter trecentos viros delevit : eorum qui superfluerunt ploratus et ululatus auditus est usque Rama, qui est locus juxta Gabaa duodecimo millario a Bethlenem. *Audita.* Exaggerat, ut hyperbolice Rachel jam mortua, dolentis affectu filios jam fliere dicatur. Unde per hoc de Chaldaeis historia texitur quod similis esset ab eis cladi priori populo Judæorum futura vastatio. Sed verius revealante per evangelistam spiritu, prophetia de nece puerorum accipitur. Dicit ergo, quod tunc completem sit quod dictum est, quia etsi ad imminentem captivitatem sermo prophetæ respicit, tamen in eo sicut in umbra, futura veritas cedis infantium pronuntiatur.

*Rachel.* Quia sepulta est juxta Bethlehem, et ex terreno corporis hospitio matris nomen accepit. Vel quia multi de Benjamin et Joseph occisi sunt. De Rachel natus est Benjamin, ad cuius sortem non pertinet Bethlehem, sed ad tribum tantum Juda. Sed quia contignæ tribus sunt Juda et Benjamin in finibus Bethlehem, multi quoque de tribu Benjamin occisi sunt.

Nota quod melius per *Rachel* (quam si per Bethlehem ploras diceretur) figura sacramenti induitur, quia per eam in omnibus schema Ecclesie commendatur, quæ plorat non tam morte translatos, quam suppicio peremptos. *Rachel.* Id est Ecclesia, suos teneros agnos plorat peremptos : neque vult consolari in præsenti, quia non sunt : sed omnem spem et consolationem ad æternam transmittit vitam.

Plorat Ecclesia, et non vult consolari hic : quia filii sui non sunt de hoc mundo. Vel plorat : quia dum parit, justitiam habet unde dicitur : *Vos plorabitis*, etc., sed additur consolatio : *Tristitia vestra vertetur in gaudium* (*Joan. xvi.*).

VERS. 19. — *Defuncto autem Herode, ecce, etc.* Quia sopita Judæorum perfidia, et Helia et Enoch prædicantibus, Judæa verbum Dei recipiet.

Defuncto rege illico complices ejus pereunt, sic cessante persecutione Ecclesia ad cœlestia invitatur.

VERS. 20. — *In terram.* Non determinat in quam partem, ut dubitante Joseph angelus revertatur : et frequenti ejus allocutione Joseph certior reddatur. Quia non distinxit in quam partem, ideo Josephus intellexit Judæam quæ dignior pars regni erat. De-

*functi.* Tradunt quidam quia fecit Herodes super funus suum nobiliores Judæorum occidere, ut sic cogeret Judæos mortem suam flere.

VERS. 21. — *Qui consurgens.* Allegorice. Joseph gerit figuram apostolorum, quorum officio Christus circumfertur. Apostoli primum venerunt in terram Israel : quia primum prædicaverunt Judæis. Sed pro Herode, id est, manente hæreditaria infidelitate, metuunt et recedunt admoniti gratiam gentibus prædicare, et ad eas Christum transferre.

Nominata terra Israel visum est Joseph non ali cubi tales puerum debere habitare, nisi in Jerusalem ubi erat templum et celebratio prophetarum. Tamen angelus intelligi voluit Galilæam, quam et Judæi incolebant, quod ostendit sic fuisse prædestinatum, quia Nazareus vocabitur.

VERS. 22. — *Timuit illo ire.* Si timuit Judæam pro Archelao hærele paternæ crudelitatis, cur non et Galilæam, ubi Herodes alius frater ejus regnabat ? Quia Archelaus post patrem monarchiam totius regni obtinuit : sed insolescens a Tiberio Cæsare dejectus est Lugdunum in exsilium, et tunc divisum est regnum in quatuor tetrarchias, quarum unam, id est Galilæam, Herodes frater ejus obtinuit.

Quæritur : quare non timuit Joseph ire in Galilæam sicut in Judæam, cum et ibi regnaret Archelaus ? Sed melius potuit in Nazareth (quæ remota erat) latere quam in Jerusalem, ubi erat caput regni et assiduus Archelaus.

*C* *Secessit in partes.* Quod Christus illuc non transferatur ubi regnabat Archelaus, significat, quia illis abscondetur Christus, in quibus regnabit Antichristus.

VERS. 23. — *Nazareth.* Nazareth, *germen novellum vel flos campi* interpretatur, de cuius radice germinis sanctus sanctorum ad significandum æternitatis suæ substantiam ascendiisse legitur. Sicut ergo eligit tempus quo nasceretur et locum, ita et civitatem in qua coalesceret : cuius nomen indicio est, quod ipsa sanctitas, in sanctitate nutritus, sanctus sanctorum recte dicitur : unde et discipuli ejus prius Nazarei dicti sunt, sed postea a Christo Christiani vocati sunt.

Nazareth Galilææ quo transfertur, partem ejusdem gentis quæ fidem susceptura erat, significat. unde *flos* interpretatur : quia Ecclesia quo ardenter a terrenis ad cœlestia transmigrat, eo magis virtutum flore et germine abundat.

*D* *Per prophetas.* Prophetas pluraliter dicit, quia non habemus fixum de Scriptura exemplum : ostendit sensum non verba se sumpsisse. Vel eisdem verbis in Isaia juxta Hebraicam veritatem : *Nazareus de radice ejus ascendet* (*Isa. xi.*).

### CAPUT III.

VERS. 1. — *In diebus autem, Præterit multa, et transit ad prædicationem Joannis.* *In diebus.* Non solum pueritiae annos, sed omnes usque ad prædicationem Joannis comprehendit, id e-t, cum fere esset triginta annorum. Lucas significantius tempora exprimit : Anno quintodecimo imperii Tiberii Cæsaris. *Prædicans.* Manifestavit se qui prius siluerat, baptizando, viam

*præparans Dominum. In deserto Judææ.* Quia Judæi a Deo deserti erant, quibus necessaria est poenitentia, ut redeant.

VERS. 2. — *Poenitentiam.* Hoc præco nuntiat, quod post per seipsum Veritas; poenitentia præcedit, sequitur promissio regni: qui vere poenitet, in se præteritos errores, deinde erigit animum ad cœleste regnum. Si gratis in baptismo fit remissio, cur prædicatur poenitentia? Sed triplex est modus poenitentiae. Primus, errores et omnia mala ante baptismum abrenuntiare et condemnare: quod necesse est ad Christum venturis. Secundus, post baptismum lapsos per poenitentiam revocari. Tertius, quo sancti quotidie a talibus purgantur peccatis sine quibus vita non agitur.

Poenitere est ante acta deflere, et deflenda non committere. Poenitentibus regnum cœlorum adesse dicitur. Non terrena, ut in veteri lege: et hoc per obedienciam Christi. Et hoc regnum cœlorum primus Joannes prædicavit: *Poenitentiam agite.* Prima virtus est, per poenitentiam perimere veterem hominem, et vitia odisse: quod qui non facit, non modo virtutes non comprehendit, sed nec etiam supplicia fugit. Poenitentia virtus timore concipitur, qui est initium sapientiae. Poenitentia a puniendo, qua quisque punit quod illicite commisit.

Poenitentiam agere est dignos fructus poenitentiae facere. *Regnum cœlorum.* Id est Christus, per quem sancti regnant in cœlestibus. Vel Evangelium, quo invitat ad regnum.

*Appropinquavit enim,* etc. Nisi appropinquaret, nemo redire posset: quia infirmi et cæci via (quæ est Christus) carebant: quam parans Joannes poenitenti anteponit.

VERS. 3. — *Vox clamantis.* Joannes vox, Christus verbum, qui clamat in Joanne: Nullum verbum sine voce auditur, nec vox sine intelligentia verbi valet. Vox vianti verbo præparat, ut recipiatur. Unde: *Paravi lucernam Christo meo (Psal. cxxxii).*

*In deserto.* Forma poenitentibus: locus conversationis, non frequentia hominum, sed desertum. Vestitus non mollis ad fluxum, sed asper: victus tenuis et inusitatus.

Typice, desertum significat sanctorum vitam a mundi illecebris segregatam.

*Viam Domini.* Via Domini ad cor dirigitur, cum sermo ejus diligenter auditur.

VERS. 4. — *Ipsa autem Joannes.* Qui poenitentiam prædicat, habitum poenitentiae pretendit. In eo vilitas vestis et cibi laudatur, quorum usus in divite arguitur.

*Ipsa autem Joannes in semetipso erudit poenitentes,* et formam vitæ exhibet in deserto habitans, de locustis vivens, pilos camelii vestiens.

Servus Dei non debet habere vestimentum ad decorum vel ad delectationem, sed tantum ad tegendum nuditatem. Inde Joannes pilis vestiebatur.

VERS. 5. — *Tunc exibat ad eum,* etc. Quia nisi quis a malis exeat, non abluitur. Unde apte sequitur: *Baptizabantur ab eo in Jordane:* qui descendit inter-

A pretatur, quia de superbia veteris hominis ad humilitatem confessionis et emendationis descendebant. Jam tunc enim baptizandis exemplum dabatur confundi peccata et promittendi meliora.

VERS. 6. — *In Jordane.* Quia in eo figura baptismi præcessit, et ex nomine descensum de superbia exigit, quod congruit baptizatis. *Confiteentes.* Confessio peccatorum, conscientia est testimonium timentis Deum. Qui enim timet judicium Dei, peccata non erubescit confiteri. Perfectius timor solvit omnem pudorem. Confessio peccati pudorem habet, et ipsa erubescencia est gravis pena. Ideoque jubemur confiteri peccata, ut erubescientiam patiamur pro pena. Nam hoc ipsum pars est divini judicii.

VERS. 7. — *Multos Pharisæorum,* etc. Hi sunt ex B hæreticis Judæorum, et Pharisæi observationum et traditionum præferunt justitiam. Unde et Pharisæi, id est, divisi a populo per privatam justitiam dicuntur. Sadducæi, id est justi: vindicant enim sibi quod non sunt: hi negant resurrectionem, dicentes animam interire cum corpore: quinque libros Moysi recipiunt, prophetas respuant. Hos venientes ad baptismum Joannes increpat: quia maxime indigebant correctione et poenitentia.

*Progenies viperarum,* etc., id est, venenati venenatorum filii: quia bonis invident eosque persequuntur, proximos lèdent ut patres eorum.

Vipera patrem suum occidit, sic Judæi prophetas qui erant patres eorum.

C VERS. 8. — *Facite ergo fructus dignos.* (BEDA.) Quasi diceret: Quare prius venena non deponitis, ut sic ad baptismum, etc., usque ad gratia est quæ sentit, sentiens querit sanctitatem.

VERS. 9. — *Dico enim.* A carne retrahit, ut cogitent opera prædestinationis Dei. Prima sunt rudimenta fidei, credere Deum posse quidquid voluerit, ut omnia qui de nihilo creavit, possit de lapidibus vel de pulvere filios Abrahæ formare. *De lapidibus.* Demonstrative ad illos lapides quos Josue de Jordane transferre fecit, ad quos quasi digitum extensis ait.

Josue duodecim lapides de medio Jordanis in terram transportari fecit, et alios ex terra in eodem alveo restitui: per quos excæatio Judæorum et gentium ad lucem transformatio præsignatur.

Vel gentiles lapides vocat: et est sensus: Ne glorierint de semine carnis: quia hi tantum sunt filii Dei, qui per gratiam sunt illuminati et interiorius suscitati. Suscitare signanter dicit, quia Christus Sarum, id est Ecclesiam, accepit, et suscitat per gratiam filios Abrahæ defuncto sine liberis, ne tantus patriarcha privaretur promissis. In cuius rei præsagium olim Deus de Sara genuit filium.

VERS. 10. — *Jam enim securis.* Ne autem viderentur immunes, si se a talibus sacramentis separarent, comminatur. *Securis.* Christus, qui ex manubrio constat et ferro, id est, humanitate qua tenetur, et divinitate quia incidit. *Posita est;* quia etsi per paientiam expectat, videt tamen quid est facturus,

*Ad radicem.* Id est, finem Judaici populi, ut auferat de terra viventium eos qui in Christo non credunt. Vel, securis, sententia judicii, vel prædicatio Evangelii. *Ad radicem.* Nota non ad ramos, sed ad radicem. Cum enim filii malorum tolluntur, quid aliud quam rami infruituosæ arboris absconduntur? Cum tota progenies simul cum parente tollitur, arbor radicibus absconditur, ne quid remaneat unde iterum aliquid germinis oriatur. Radices sunt cogitationes, quibus plantati, vel sursum cœlo sustolluntur, vel ad ima inferni mittuntur. Arbor humanum genus: hujus rami, alii sunt aridi, id est, pagani incendio apti. Alii virides, sed sine fructu: ut hypocritæ, qui speciem sanctitatis prætendunt, sed intus vacui: alii fructuosi, sed venenosí, id est, hæretici: qui prædicando fructum pariunt, sed mortalem. Alii, id est, catholici, qui bonum fructum ferunt. *Omnis ergo arbor,* ut gentiles, hypocritæ, qui nullum, et hæretici, qui malum.

**Vers. 11.** — *Ego quidem.* Ne videatur sua auctoritate minari, incipit aperire quantæ sit dignitatis: cuius præsentia communatur, vel cuius beneficij persuadet: *Ego quidem baptizo vos in aqua.* Tantum corpora lavo, quia peccata solvere nequeo, ut sicut nascendo, prædicando, præcurso sic baptizando: ut penitentes, quos ego hoc signaculo ab impenitentibus discerno, ad baptismum Christi dirigam. *Post me venturus est.* Et si moneo dignos fructus penitentiae facere, superbiam abjecere: non tamen possum a peccatis solvere. *Fortior me est.* Quia ego baptizo in penitentiam, ille in remissionem. Ego spiritum habeo, ille dat. Ego regnum cœlorum prædicto, ille dat.

*Cujus non sum, etc.* Alli scribunt: Cujus non sum dignus corrigiam calceamenti solvere. Potuit autem Joannes utrumque dicere, vel contextim vel diverso tempore: ut alias evangelista hoc, alias illud assumere. Omnes tamen verum narraverunt. Intendit autem in hoc ostendere excellentiam Christi et suam humilitatem.

Vel secundum allegoriam. Calceamentum est incarnationis mysterium; corrigia, mysterii ligatura. Non ergo valet Joannes corrigiam solvere, quia incarnationis mysterium non sufficit investigare. Vel, Non sum dignus solvere corrigiam calceamenti ejus, id est, nomen sponsi mihi non usurpo, nec sponsus credi vel dici, sed amicus sponsi volo. Mos enim erat ut si quis eam quæ sibi competeteret accipere in uxorem nollet, ille ei calceamentum solveret qui ad hanc sponsus jure propinquitatis accederet. Joannes ergo, qui non sponsus, ait: Non sum dignus, etc. Ac si dicat. Ego redemptoris vestigia non valeo denudare: quia nomen sponsi non mihi usurpo.

Vel simpliciter se humiliat, vel Evangelii sacramenta non est dignus circumferre prædicando, quod non sibi deputatum, apostolis est commissum. Non sum dignus explicare naturam Divinitatis ad humanitatem. Vel, non sum dignus Evangelii prædicatio-

A nem portare, vel nomen sponsi usurpare. Joannes ut purus homo spiritum dare non poterat, quo remittitur culpa. Christus vero dat, quia Deus: et baptizat in verbo, de quo dicitur: *Et vos mundi estis propter verbum quod locutus sum vobis* (*Joan. xv.*); et alibi: *Mundans eos lavacro aquæ in verbo vitæ sanctificatæ* (*Ephes. v.*).

*In Spiritu sancto.* Vel spiritu sanctificationis, et igne, id est probatione tribulationis. Vel spiritu in præsenti abluit: post, si quæ macula surrepit, igne purgatorio ad purum exuret: quod de levioribus credendum est peccatis. Unde in Levitico, super altare semper ignis missus de cœlo ardebat, id est, ignis divini amoris, qui omnes in Christo (id est, qui super altare offeruntur), quasi rebaptizat et exurit B carnis eorum vitia.

**Vers. 12.** — *Cujus ventilabrum.* Ventilabrum in manu est examen judicii quo discernuntur leves et vacui a fructu boni operis. *In manu,* quia Pater non judicat quemquam, sed omne iudicium dedit Filio. *Permundabit,* id est, quotidie a variis temptationibus mundat. Vel, *Permundabit,* dum ob manifesta peccata perversus de Ecclesia ejicitur, vel post mortem damnatur. *Paleas autem.* Paleæ de origine unde et triticum oriuntur, id est de semine, zizania vero de diversa. Paleæ ergo sunt qui fidei sacramentis imbuuntur, sed solidi non sunt: zizania vero qui, et opere et professione secernuntur ab electis. De his dicitur: *Qui non credit, jam iudicatus est,* et ideo non sit hic mentio de illis. *Inextingibili.* Quia non extinguetur neque extinguet cruciatos, sed eternaliter puniet. Dicitur autem ad differentiam illius de quo dicitur: *Igne nos examinasti* (*Psal. lxv.*), etc.

**Vers. 13.** — *Tunc venit.* Quando Joannes prædibat et baptizabat, scilicet quando Jesus trigesima erat annorum, ostendens nullum debere sacerdotem vel prædicatorem fieri nisi utilis ætatis. Sicut Joseph tricenarius regnum Ægypti suscepit. David regnum ea ætate inchoavit: Ezechiel prophetiam promeruit. Venit Jesus his de causis ut baptismus Joannis comprobaret, et ut (quia homo erat) omnem impleret justitiam et legis humilitatem: et ut aquæ sanctificans, per columbam in lavacro, adventum Spiritus sancti ostenderet. Venit enim non necessitate ablutionis, sed ut nemo quantumlibet sanctus baptismi gratiam superfluam judicaret. *A Galilæa in Jordanem.* Galilæa, transmigratio: Jordanis, de-sensus. Qui ergo vult baptizari transmigret a vitâ, et descendens humilietur.

**Vers. 15.** — *Sine modo.* Sine modo me a te baptizari, ut postea quod a me queraris in spiritu baptizeris. Sicut enim decet dare exemplum impletæ omnis justitiae, ut discant omnes neminem sine unda baptismi esse perfectum.

*Tunc dimisit.* Cum tali ordine cognovisset impledam justitiam. Dimisit, quia vere est humilitas, quam non deserit comes obedientia.

Spiritus in momento eum docuit, quod prius nesci-

vit . et ideo quod prius timuit humiliiter, devotus implevit.

**Vers. 16. — Baptizatus autem.** Christus aquas baptismi sanctificavit : quia cuius est creare , ejusdem est et sanctificare.

Sicut homo constat duobus, id est, corpore et anima, ita duobus renascitur : aqua quae purgat sorores et conseperit Christo : et igne spiritus quo conflagranti ad cœlum rapimur. Sic Ecclesia post baptismum culmen virtutum quibusdam incrementis appetit, ut Christus baptizatus de aqua ascendit. Sic post baptismum ascendunt, qui ad virtutes proficiunt : et qui prius carnales et filii Adæ, fiunt spirituales et filii Dei.

**Aperti sunt**, etc. Et hoc ad impletionem justitiae. Non enim tunc primum sibi patuere celestia vel Spiritus sanctus est datus : sed nobis per acceptum baptismum aditum cœli patere, et Spiritum sanctum dari monstravit. Quod enim cœli aperti, quod Spiritus sanctus venit, quod vox Patris insinuit, etc., haec mystica insunt nobis.

Pater renatis aditus in cœlum per Christum, qui per Adam clausus fuit.

**Sicut columbam.** Verum corpus formatum ad horam habuit in specie columbae : quia aliter spiritus ab hominibus videri non posset sicut columba, non quia vera columba esset, sed quia spiritus in corporali specie, non tamen ipse corpus. Ita de hac figura sentitur sicut de aliis in quibus Deus apparuit : quæ expleto officio resolvebantur. Bene spiritus in columba quæ simplex et mansueta descendit, ut et suæ naturæ simplicitatem, et eum in quem descendebat, mitem misericordiae præconem datoremque indicaret. Similiter omnes baptismu renati septem virtutibus in columba significatis debent reperi. Columba a natalitia sellis est aliena, in quo prohibemur ab ira. Nullum ore vel unguibus lœdit, in quo notatur innocentia. Nec minimas aviculas invadit, in quibus aliæ aves se et pullos suos nutriunt : in quo prohibemur a rapina. Puro pascitur grano : in quo notatur abstinentia, alienos tanquam pullos suos sovet, ecce charitas. Gemitum dat pro cantu, ecce compunctionis. Super aquas sedet ut accipitrem prævisa in aquis umbra declinet : ecce sollicitudo. In columba super Dominum spiritus apparuit : quia venit nos per mansuetudinem colligere. Super discipulos in igne quos ad consumendum rubiginem peccati contra seipso veniebat accendere. Adam peccando cœlum amisit, Christus a Spiritu sancto per columbam glorificatus apparuit : flammarum vibrantem quæ viam prohibuit aqua baptismi extinxit : quia aqua est contraria igni.

**Complacui.** Id est, bene placitum meum constitui, ut tu in quo nihil nisi bonum placeas, et per te alii non in se, sed in te, id est, tibi fide et claritate uniti placeant.

#### CAPUT IV.

**Vers. 1. — Tunc Jesus.** Post baptismum, quia nulla est mora a tentatione : Ut mox doceat bapti-

A zatos de mundo exire, in quiete Deo vacare : sic filii Israel post transitum maris per desertum ascendent, et manna comedunt donec veniant ad terram promissionis. **Tunc Jesus ductus est**, etc. (RAB.) Hic est ordo rectæ conversationis, ut post acceptam Spiritus sancti gratiam contra diabolum arctius accingamus : ea via Samaritanus descendit, quia carne induitus easdem tentationes sustinuit.

**Spiritu Sancto**, qui quos replet ad pugnam mittit fortis. Sine hoc spiritu qui ad pugnam vadit, cito cadit. **Ut tentaretur a diabolo**. Non tentatur a diabolo, nisi quia ad desertum exierit, id est, bono studere coepit.

**Vers. 2. — Et cum jejunasset.** (BEDA.) Jejunat ut tentetur, tentatur quia jejunat, et exemplum jejunandi nobis dat, etc., usque ad et sic quandiu hic sumus, semper peccata ploremus : quia hoc numero præsens vita ostenditur.

(LEO.) Dum per varias actiones vitæ hujus sollicitudo distenditur, necesse est de mundano pulvere, etc., usque ad ut in cuius sumus resurrectione conresuscitati, in ipsius inveniamur passione comi mortui.

**Postea esuriit.** Hoc est vere humanitatis : et per hoc est occasio tentandi. Latet potestas, patet infirmitas.

**Vers. 3. — Et accedens.** Quia esuries est signum infirmitatis. Et sic nobis in abstinentia non deest tentatio. Per exteriorem infirmitatem Christum tentat in quo nullam legem peccati inveniebat. **Si Filius Dei es.** Aliud horum explorantis est, aliud tentantis, dum Deum confiteri videtur, et bujusmodi illudere conatur. Sic enim tentat ut exploret quod veretur. Sic explorat, ut tentando decipiat. **Si Filius Dei es.** Noverat Filium Dei venisse in mundum, seu per prophetas seu per angelos nuntiantes, seu per Joannem demonstrantem : sed quia humilia in eo videbat, quod de Deitate suspicatus est, ex superbia ei in dubium venit. Unde et callide exquirit : Nec indignum fuit Christum tentari qui venerat occidi, ut tentationes superando nobis potestatem daret superandi tentationes, sicut sua morte abstulit nostram mortalitatem.

(RAB.) Christus non nisi post baptismum se tentari permisit, insinuans ad se euntes graviores passus, etc., usque ad Christus vero sola suggestione tentatus fuit : quia delectatio peccati mentem ejus non momordit.

**Vers. 4. — Scriptum est.** Non utitur potestate, sed Scripturarum auctoritate, docens nos magis doctrina quam miraculis pugnare. **Non in solo pane vivit homo.** Quasi : Persuasio tua tentatio est : quia agis de cibo corporis, et non de cibo mentis. Inferior pars hominis pane sustentatur, alia verbo Dei reficitur : quia vero agis de inferiori, patet quod tentator sis. **Sed in omni verbo**, etc. Omne verbum charitas, in qua complentur omnia quæ procedunt de ore Dei, quia cujuscunque ministerio dicantur, non ejus sunt, sed Dei : sed si adversum quid inseritur, hoc non est

Dei. De uno verbo, id est, sapientia Dei procedit A quidquid loquantur sancti qui sunt os ejus.

VERS. 5. — *Tunc assumpit.* Prima et ultima tentatio in deserto, media quoque historialiter, ultima sicut postquam regressus est Jerusalem. Quia Matthæus non secundum ordinem historiæ, sed secundum tentationem Adæ prosequitur : Lucas vero ut res gesta est.

Quia ex responsione Christi victus et incertus remansit : post primam ad secundam accessit temptationem.

Quod permisit se assumi, non infirmitas fuit, sed patientia : in diabolo vero non virtus, sed superbia.

Nota hæc omnia corporeis sensibus esse completa. Nec mirum si se permisit circumferri : si sic accipitur assumptio, qui permisit se crucifigi.

*Supra pinnaculum.* (RAB.) In Palestina desuper plana erant tecta, et ibi erat sedes doctorum, unde, etc., usque ad ostendit ut cuicunque bona et alta imperanti obediamus, sed præcipitare volenti contraeamus.

*Si filius.* (BDA.) In omnibus temptationibus hoc agit, ut intelligat, etc., usque ad in specie hominis diabolum apparuisse verisimile est.

*Mute.* Hæc vox convenit illi, qui omnes præcipitare satagit : in quo infirmus ostenditur, quod nulli nocere possit, nisi prius ille se deorsum miserit. Suggerebat enim, ut aliquo signo exploraret quantum apud Deum posset. Sed nemo debet tentare Deum, quando habet ex humana ratione quid faciat. Unde quamvis omnia posset, ait tamen suis : *Si persecuti vos fuerint in civitate ista, fugite in aliam.* Et ipse idem fugit et abiit et latuit. Nunc autem poterat aliter de templo descendere, quam per jactantiam se præcipitare. Postquam deficit humana ratio, commendet se homo Deo, non tentando, sed devote confitendo.

*Quia angelis suis mandavit de te.* (BDA.) Quod bene dicitur de corpore, diabolus male interpretatur de capite, etc., usque ad sed de auxilio angelorum quasi ad infirmum loquitur, de sua concupiscentia tacet.

VERS. 8. — *Ieronim assumpit.* Hæc tentatio ordine præcessit, sed narratur præpostero, secundum quod factum est Adæ.

*Ostendit*, etc. Non quod visum ejus qui omnia videt ampliaverit, sed vanitatem mundanæ pompe quam amabat, quasi speciosam, etc., usque ad Non quod eam concupiscentie oculo intueretur sicut nos, sed sic hæc ostensio fuit in mente, sicut medici vident morbos sine lassione.

VERS. 9. — *Hæc omnia tibi dabo.* Hæc de arrogancia dicit : non quod totus mundus suus sit.

A principio quod Dei erat ut sibi usurparet diabolus laboravit : unde ut in eis coleretur, idola inventat. In his tribus notantur gula, avaritia, superbia.

(RAB.) Lucas avaritiam medium ponit, ultimum su-

A perbiā, etc., usque ad in his tribus omnia genera tentationum comprehenduntur.

VERS. 10. — *Scriptum est.* David Goliam tribus lapidibus de torrente prostravit, et Christus diabolum tribus testimoniis de lege. *Dominum Deum tuum.* Hoc vel ad diabolum dicitur : non quia ex devotione sit impleturus sed ut, econtra, quam ipse moliebatur scriptum ostendatur quod non ipse, sed Deus sit adorandus : vel, non diabolo, sed sibi secundum humanitatem et cuiilibet homini hoc præceptum esse insinuat. Similiter, et illud : *Non tentabis Dominum Deum tuum*, scilicet Filium et Patrem et Spiritum sanctum, qui est unus Deus. Deus adoratur, et specialiter ei propter se servitur.

Hic ostenditur, quod homo Christus, ut Deus et B Dominus sit adorandus ex debito.

*Servies.* Græce λατρεύεις : λατρεῖς enim servitus dicitur. Servitus communis Deo et homini et cuicunque, Græce δούλεια dicitur. Illa vero quæ soli Deo debetur, latra dicitur : unde idolatria, quæ quod soli Deo debet, idolis dat.

Nota diabolum in his vinci in quibus Adam vicit. Quem de gula tentavit, dum de ligno veltio gustare rogavit. De vana gloria, cum dixit (Gen. iii) : *Eritis sicut dñi.* De avaritia, cum ait : *Scientes bonum et malum.*

VERS. 11. — *Accesserunt.* Non quasi tunc primum adeentes, sed agonem Domini procul aspicientes, ne videatur eorum præsidio eguisse vel vicisse. Sed ut ille vicius abiit, parati ad obsequium venerunt. Sic ut in hoc agone militia nostra præstruitur, ita in obsequium angelorum gloriosa remuneratio doceatur.

VERS. 12. — *Cum autem audisset.* (RAB.) Hic Matthæus, sicut Marcus et Lucas, prætermittit primum adventum Domini in Galilæam, postquam, etc., usque ad *Hoc fecit initium signorum Jesus.* Et iterum : *Non dum Joannes missus era in carcere.*

*Joannes*, etc. Quod erat propter Evangelium. Jesus hoc idem perfectius prædicens ad tempus cedit et fugit, ut sit exemplum suis. *In Galilæam.* Duæ sunt Galilææ : una dicitur Iudeoruni, altera gentium propter inhabitacionem gentium, quam partem dedit Salomon regi Tyri qui gentes ibi posuit.

D VERS. 13. — *Nazareth.* (RAB.) Unde Christus Nazarens dicitur, vicus est in Galilæa juxta montem Thabor, etc., usque ad quia in medio gentium ad dilatandum verbum Dei fortiter consistit, ut credentibus refugium periclitantibus ostendat fidei portum.

VERS. 15. — *Terra Zabulon.* (Ib.) Quod primo positum est prætermittit evangelista ; scilicet : *Primo tempore alleviata est terra Zabulon et terra Nephtalim* (Isa. ix) : sicut et quod in medio est, etc., usque ad sed pro figura eorum qui vocandi sunt de gentibus, ea que gentium est hic memoratur.

VERS. 16. — *Populus.* (Arc.) Populus iste qui prior ductus est in captivitatem, et in tenebris vitiorum erat, prior lucem prædicationis Christii vidit. Deinde

in omnes Evangelium disseminatum est. Unde se-  
quitor : *Habitantibus in regione.*

**Umbra mortis.** Mors est in inferno. Umbra hujus mortis sunt peccata, quæ nunquam sine morte. Qui ergo vult fugere mortem, vitet umbram.

**VERS. 17. — Exinde.** Postquam baptizatus est. Baptismus idoneos facit ad prædicandum. *Exinde*, id est, tradito Joanne : quia lege desinente sequitur Evangelium, ut auroram sol. Humilis magister qui doctrinam discipuli non impedit, sed exspectat donec consummet cursum suum. In quo docet, ne quis ab inferiore persona sermonem contemnat. Unde Apostolus. *Si cui revelatum fuerit, prior taceat.*

**Pœnitentiam agite.** Eadem quæ præco prædicat : ut ostendatur non alius quain qui in voce clamaverat. Christus enim verbum quod clamat in Jordane organo et in omnibus qui ab initio aliquid divinitus dixerunt : et tamen iste solus vox, quia per eum præsens verbum ostenditur quod alii longe nuntiaverunt. Inter enim vocem et verbum nihil est medium, sed ut vox sonuit, mox verbum percipitur : sicut Joannes clausus destitutus : Christus virtutibus claruit. Unde Joannes est figura prophetarum et legis, qui vere sunt vox clamantis sapientie Dei, quorum Joannes est finis, quibus cessantibus solum verbum, quod in eis sonuerat, per se ostenditur.

(RAB.) Hæc prædicatio Christi in Capharnaum eoruscantibus miraculis incepta, dicitur, etc., usque ad Baptista incarceratedo prædicare incepit.

**VERS. 18. — Qui vocatur Petrus.** Vel quando pri-  
mum Andræas adduxit eum, hoc nomen inditum est ei, dum dicitur : *Tu vocaberis Cephas* (Joan. i), quod interpretatur *Petrus* : quanquam hic videtur de fu-  
turo promittere. Vel quando confessus est : *Tu es Christus Filius Dei vivi*, dictum est ei : *Tu es Petrus et super hanc petram ædificabo Ecclesiam meam* (Matth. xvi).

(BEDA.) Petrus, agnoscens : Andræas, virilis : quod doctoribus convenit : quia hi soli, etc., usque ad quia vero primus homo inobediens exivit, secundus obediens ingressus est. (RAB.) Matthæus dicit post habitationem Capharnaum discipulos vocasse. Joannes dicit, etc., usque ad ante autem quam veniret Jesus in Cana Galileæ, Andræas Petrum adduxit, sed nondum discipuli.

**Mittentes rete.** Quia quos sæpe terrenis lucris inhiaro considerat, cœlestibus desideris advocat, et per eos retibus Evangelii, alias de profundo iniquitatis eripit, unde subdit : *Venite post me, et faciam vos fieri piscatores hominum* (Joan. i).

**VERS. 19. — Piscatores.** Piscaturus per piscatoria vadit loca.

**Mystice.** Cum incarnatus carnem suscepit, divinitus vidit in mari mundi spirituales piscatores : et alii quid essent ostendit, quos ab æterno prævidit.

**Vers. 20. — Continuo.** Perfecta obedientia est qua imperfecta relinquere. Relictis retibus : quia et

A si postea resumunt, non cupiditate et proprietatis amore. In his datur forma volentibus sequi. Mutatur intentio non piscatio, mutantur retia in doctrinam, cupiditas in amorem animarum : sit mare sæculum, navis Ecclesia, pisces boni et mali homines.

**Vers. 21. — Vidi alios duos.** Ecce in his quatuor numerus evangelistarum præfiguratur, qui animas a mundo extrahunt de quatuor partibus mundi.

Bini et bini vocantur, quia caritas non nisi inter duos est. Vocatio dicitur : *Vel secundum electionem gratiæ. Unde dicitur : Quos vocavit (Rom. viii), etc. Vel secundum illud : Multi sunt vocati (Matth. x).*

(AUG.) Quærerit quomodo Matthæus et Marcus dicant binos vocasse Jesum : primo Petrum et Andræam, etc., usque ad ideo autem piscatores illiteratos misit prædicare, ut fides in virtute Dei, non eloquentia hominum putetur.

**Zebedæi et Joannem.** Zebedæus fugitivus, id est, diabolus. Jacobus, supplantator qui adjuvatur a Joanne, id est, a gratia Dei. *Et vocavit eos. Illi autem*, etc. Vocavit et alios, sed sufficit nominare istos.

**Vers. 23. — Et circumibat Jesus totam Galilæam.** Coadjutoribus vocatis prædicationi insistit, docens impigrum esse debere doctorem. *Docens in synagoga*is. Docens de moribus, vitæ activæ subditos. Prædicans de futuris vitæ contemplativæ perfectis. Docens naturales justitias, castitatem scilicet et humilitatem et similia quæ homo naturaliter habet. Prædicans Evangelium regni. Ad Evangelium pertinet mysterium justitiae, bonum initium, beatitudinis promissio, peccatorum remissio, adoptio, resurrectio, coelestis hæreditatis, angelorum societas.

**In synagogis.** Nec otiosus doctor in vacuum discurrat, sed ubi sunt plures prædicet.

**Evangelium.** Quia justitia est molestia viventi in carne, labor justitiae non suscipitur, nisi merces operis exspectetur. Ideo Christus evangelizat beatitudinem, ut excitet ad boni operis patientiam.

**Et sanans.** Curare languorem et infirmitatem non fuit magnum, cum postea morituri. Sed ideo factum, ut sic erigerentur ad regnum. Moraliter instruens prædicatores etiam terrena subsidia subditis ministrare, et sic ad regnum trahere.

**Vers. 24. — Et abiit opinio.** (BEDA.) Opera salutis sine fama boni odoris non satis reluctant auditoribus, nec fama sine opere proficit : sine quibus, etc., usque ad curat corpora, ut parati audiant invisibilia. Aliter parum erat mox morituris curam impendere.

**Vers. 25. — Secutæ sunt.** (AUG.) Quadripartitæ turbæ, scilicet. Alii, etc., usque ad alii, per invidiām volentes eum accusare et in aliquo capere.

#### CAPUT V.

**Vers. 1. — Videns autem Jesus.** (AUG.) Huic rei consentit Lucas dicens : *Factum est autem in illis diebus, exiit in montem orare (Luc. vi)*, etc. Sed Lucas dicit, etc., usque ad nouum enim omnia posse.

sunt : quod verius putatur quamvis idem utriusque simul possit videri factus.

*Ascendit.* Docens suos ascendere nec in turba remanere : altiorem docturus justitiam, quam illam quæ est Scribarum et Pharisæorum. Ascendit ipse mons in montem, ut altiora virtutum culmina doceret, et Ecclesiam supra quam sedet prædicans præceptum Domini sublimius erigendam ostenderet quam eadem doctrina usque ad finem sæculi plenius erudiret. Apostolos præminentius abducit, ut a monte prius suscipiant montes pacem populo. *Sedisset.* Sessio humanitatis per quam cognoscitur. Unde : *Et mundus eum non cognovit*, ante incarnationem. *Accesserunt.* Ut vicinius audiant, qui ad impletum animo properant.

**VERS. 2.** — *Et aperiens.* Apertio oris profunditatem significat sacramenti. Quasi abyssum, quasi thesaurum aperuit, quasi fluvium paradisi. In hoc monte Novum Testamentum in cordibus filiorum scribit, incipiens a beatitudine qui in monte Sinai Vetus Testamentum in lapidibus servis dedit incipiens a terrore.

(AUG.) Sermonem quem locutus est Dominus noster in monte, sicut in Evangelio, etc., usque ad, *Omnis qui audit verba mea hæc et faciat, assimilabo eum viro sapienti* (*Matth. vii.*).

**VERS. 3.** — *Beati.* (GRÆC. NYSS.) Beatitudo, ut measert opinio, comprehensio est omnium earum rerum quæ, etc., usque ad miseria enim est in acerbis et tristibus nostraque voluntate non occidentibus casibus et calamitatibus ærumpa.

*Beati pauperes.* Sententiarum numerus diligenter est attendendus. Incipit enim beatitudo ab humilitate.

(HIER.) *Beati pauperes spiritu.* Quia non necessitas sed fides, et devotione paupertatis beatos facit, etc., usque ad sicut initium sapientæ timor Domini, sic paupertas est principium beatitudinis.

(CHARSOST.) Pauperes spiritu sunt humiles et contriti corde. Spiritum autem hic animam et voluntatem dixit. Quoniam autem multi sunt humiles non sponte, sed astricti necessitate, primos vocat beatos.

**VERS. 4.** — *Beati mites.* Mites sunt qui malis moribus dominantur : perfecta virtus est morum possessio.

(THEOPHM.) Mites sunt, non qui prorsus non irascuntur, etc., usque ad sic doctrina viri per patientiam dignoscitar.

*Possidebunt terram.* (AUG.) Illam terram ego credo de qua in Psalmo dicitur : *Spes mea es tu, portio mea in terra viventium* (*Psal. clxi.*).

**VERS. 5.** — *Beati qui lugent.* Pro suis vel aliorum peccatis, qui est ab irriguo inferiori, sed qui fit ab irriguo superiori est ex desiderio cœlestis patriæ. Ille lavat præsentes sordes, hic accedit acrius æternorum amatores. Qui autem peccata depositum, mores inâsuetudine correxit, levavit etiam, jam potest esurire et sitiare justitiam, quod prius non poterat. Hæc

A virtus sine spiritu fortitudinis non impletur : quia per eum esuriendo ad satietatem quandoque veniemus. *Beati qui lugent.* Restat post prædicta ruinæ colluvionem luctu purgare. Luctus pro peccatis vel pro desiderio cœlesti consolationem meretur et non aliis.

Hi scientiae spiritu illustrantur, ut sciant quibus malis involvantur.

(HILAB.) *Lugentibus* non orbitates, aut contumelias, aut damna mœrentibus, sed peccata vetera flentibus, et criminum quibus obsordescimus conscientia ærumnosis, hæc sedula in cœlo consolatio præparatur.

**VERS. 6.** — *Beati qui esuriunt.* Amatores verbi boni, quibus non satis est quod justi sunt, sed semper sitiunt opus justitiae.

**B** *Justitia* est sua cuique tribuere, sibi, et proximis, et Deo. Hæc justitia non plene implebitur, donec Deus sit omnia in omnibus : ideo hic possumus esurire, non saturari. *Justitiae lumen est misericordia*, misericordiæ virtus justitia ; hæc misericordia eget spiritu consilii, sine quo nemo circumspecte miseretur. Initium est sui misereri, finis est pro alio mori. Ordo enim est miserendi ut unusquisque incipiat a se. Finem Christus insinuat, pro peccatoribus mortuus ex misericordia.

**VERS. 7.** — *Beati misericordes.* Misericordia nascitur de præcedentibus, quia si præcesserit vera humilitas et animus mansuescat, et suos et aliorum casus float, et justitiam esuriat, post nascitur vera misericordia. Tunc enim miseras alienas faciet suas

**C** et pro viribus juvabit : et si juvandi facultas deest, compassio non deerit : *Estate misericordes sicut et Pater vester misericors est* (*Luc. vi.*), id est, ad hoc misereamini ad quod et Deus, ut bonitas redundet in omnibus : misericordia sine justitia remissio et tepiditas; justitia sine misericordia severitas et austernitas dicitur.

**VERS. 9.** — *Beati pacifici.* (RAB.) Pacifici sunt qui omnes motus animi componunt et rationi subjiciunt, quia his nihil repugnat qui similes patri, etc., usque ad cum autem Deus erit omnia in omnibus, tunc beatitudo adoptionis dabitur.

**D** **VERS. 10.** — *Beati qui persecutionem.* In prædictis septem est perfectionis ostensio et probatio. Qui prædicta habent, pati possunt persecutionem : et recte tenet prædicta quæ accepit qui pro eis paratus est mori.

**VERS. 11.** — *Beati estis cum maledicerint.* Hucusque generaliter sententias posuit quasi ad absentes, cum et ad præsentes pertinerent, nunc ad eos verba convertit (quamvis et hoc aliis conveniat), prædicens quanta pro nomine ejus essent passuri : quia dignitatem gradus eorum eis intimare volebat dicens : *Vos estis sal terræ, vos estis lux mundi*; ut ex tristibus humilitatem, ex latet acciperent consolationem.

*Maledixerint.* Antiqua translatio habet : *Cum oderint vos homines, et dixerint omne malum, et expulerint.* Idem tamen sensus in nostra, cum maledicta ex odio cordis sint. Qui gloriam cœli optat, non

timet opprobrium in terra; quantum quisque de laude hominum lætatur, tantum de opprobrio tristatur. Quem laus extollit, vituperatio deprimit: ubi quis querit laudari tantum apud Deum, non timet confundi in conspectu hominum. *Mentientes.* Hoc addit ne glorietur de quo vere mala dicuntur. Etiam addit: *Propter me,* quia aliquando falsa dicuntur, quod accedit temeritate hominum, non tamen propter Christum hoc patiuntur, quem non sequuntur.

**VERS. 12.** — *Quoniam merces vestra copiosa est in cælis.* Non in volubilibus, cum non in rebus volubilibus merces æterna esse debeat, sed in spirituilibus strumentis, ubi habitat sempiterna justitia. Jam ergo sentiunt hanc mercedem qui spiritualibus bonis gaudent. Sed perficietur cum mortale hoc induet immortalitatem. *Sic enim persecuti,* etc. Temperat exemplo rigorem passionis. Tribus modis sit persecutio: odio cordis, dictis, factis.

**VERS. 13.** — *Vos estis sal. terræ.* Hic jam ostenditur apostolorum officium, scilicet quod sunt sal terræ et lux mundi. Hoc specialiter ad apostolos, qui prædictis virtutibus, paupertate scilicet et aliis, debent ornari, ut sint sal optimum condientes alios doctrina, et vitæ suæ exemplo. Sal, salus a corruptione. Unde propheta: *Posui te in lucem gentium, ut sis salus mea usque ad extremæ terræ.*

*Quod si sal,* etc. Id est, si vos, per quos alii conendi sunt, adversis vel prosperis cesseritis: per quos a vobis error auferetur, cum vos Deus tollere aliis elegerit? Ad nihilum valet: quia (ut alias evangelista ait) nec terræ utilis est quam suo injectu germinare prohibet, nec sterquilinio quod non secundare sinit. Sic qui retro vadit, nec ipse fructum fert, nec alias valet excolare, sed ab Ecclesia ejicitur, et in hac verba ridetur: *Hic homo caput adificare, et non potuit consummare.* Si sal evanuerit (*Luc. iv.*) Id est, si timore vel cupidine doctor saporem sapientiae omiserit, per quem fatuus ejus emendabitur? Hoc solis apostolis convenit: Quod sequitur, omnibus magistris: *Ad nihilum valet ultra,* etc. In fine de omnibus concludit sic: *Nisi abundaverit justitia,* etc.

*Et concilicetur ab hominibus.* Sanctus et verus minister Christi, etsi a malis ridetur, concilicari non potest, quia mente fluxus in cælo manet.

**VERS. 14.** — *Vos estis lux mundi.* Prius sal quam lux, quia prius vita quam doctrina: vita dicit ad scientiam veritatis. Qui Deum timet, scientia non caret.

*Lux mundi.* Alla causa est quare non debent deflere: quia illuminati a Christo verbo et exemplo: quocunque illati mundanis lucem fidei et scientiae debent ministrare. Et sicut (quia sunt sal) debent corruptionem pellere: sic et tenebras (quia lux sunt) fugare.

*Non potest civitas,* etc. Quia apostoli fundamenta sunt, apte civitas dicuntur. *Supra montem.* Locus montem justitiae innuit, qui excelsus est, quo propa-

A lamini ne vos abscondatis. Non enim facultas subterfugiendi vel clam aliquid faciendi; ideo subditos misericorditer intus consilio regite, et extra contra adversarios pro justitia pugnando defendite: quod pertinet ad spiritum consilii et fortitudinis.

**VERS. 15.** — *Neque accidunt lucernam.* Domesticas exemplis docet, ne celent lucem verbi sibi commissam. Non accidunt, id est, non ideo data est doctrina prædicationis ut celent eam et subjiciant servitutem corporis, dum aliqua timent. Sed corpus suum ministerio Dei subjiciant, ut per vocem et cetera corporis officia lux excellentior cæteris apparet. Unde dicitur (*I Cor. ix*): *Castigo corpus meum,* etc. Vel, Christus lucernam accedit, dum testam humanæ naturæ flamma suæ divinitatis implevit:

B quam nec credentibus abscondit, nec modio, id est mensura legis, vel terminis unius gentis inclusit. Sed super candelabrum, id est, Ecclesiam fidem suæ incarnationis affixit, ubi omnes possint intueri, qui in domo, id est, Ecclesia sunt vel mundo. Unde subdit: *Sic luceat,* etc. *Candelabrum.* Sicut lucerna Christus, candelabrum crux est, super quam erat levandus. Candelabrum Ecclesia, quæ verbum vitæ præsentis bajulat.

**VERS. 16.** — *Sic luceat,* etc. Et haec omnia ita agite, ut non finem boni operis in laudibus hominum constituatis. *Ut videant,* etc. Opera requiro, ut videantur, et sic doctrina confirmetur: et hoc non ad gloriam vestram.

**VERS. 17.** — *Nolite patare.* Postquam hortatus est omnia pati pro veritate, et non celare, et gloriam Dei facere, incipit docere quid docturi sint. Quasi diceret: Quid est quod vetas abscondi, pro quo jubes omnia pati? an est aliquid contra legem? *Non veni solvere legem,* sed adimplere, vel faciendo quod dicit, vel supplendo quod deerat et imperfectum erat.

**VERS. 18.** — *Iota.* (*BEDA.*) Hic ostenditur, quod quæ minima putantur in lege, sacramentis spirituilibus plena sunt, et omnia, etc., usque ad quia iota decem significat, id est decalogum, cuius apex est Evangelii perfectio.

*Omnia fiant.* Spiritualiter impleantur, vel imperfecta perficiantur, et significantia, id est impletiones, consummentur.

**Vers. 19.** — *Qui ergo solvet,* etc. Minima sunt crux Christi et passio, quam qui erubescit minimus est; qui constitetur magnus. Vel Pharisæos notat, qui mandata Dei dimiserunt pro suis traditionibus, quæ nihil valent, dum vel minimum, quod in lege est, prætereant. Moraliter autem solvit qui non implet, sed tenet sicut infirmis data sunt. Vel qui non intelligit spiritualiter. Solvere, non est agere, quod recte intelligit, vel non intelligere quod non deprivat, aut minuere integratatem superadditionis Christi.

*Minimus vocabitur,* etc. In regno cœlorum minimus vocabitur qui erit in eo indignus, in quo nullus minimus sed omnes magni.

*Qui autem fecerit.* Qui non solverit, et sic docet, non minimus, non tamen magnus : sed facit quod docet. Soli enim factores legis justi sunt apud Deum (*Rom. ii.*).

**Vers. 20.** — *Dico autem vobis.* Cum ait, dico, magnam vim et profundam intelligentiam cogitandi incussit : ostendit quomodo superaddit. Et non quæ prius mandaverat, absolvit. Plus etiam est diligere inimicos quam non odisse : non cupere, quam non adulterari : non irasci, quam non occidere.

*Nisi*, etc. Id est, non solum minima legis præcepta impleveritis, sed et ea quæ addo : quia dum sunt addita ad perfectionem, etiam haec plenius aguntur quæ præmissa sunt ad inchoationem : quia qui non videt mulierem ad concupiscendum eam, nec fornicatur : nec occidit qui non irascitur.

*Justitia restra.* Justitiam Pharisæorum vocat omnia illa ad cultum Dei actualiter præcepta : seu figurarum mystica tantum ad litteram instituta.

**Vers. 21.** — *Audistis*, etc. Exponit quæ est justitia Pharisæorum, quam qui adimpleret non statim magnus, sed aliquem gradum concendit.

**Vers. 22.** — *Ego autem*, etc. Perfectionem quam venit implere incipit explanare, et quomodo justitia eorum debeat superabundare.

*Omnis qui irascitur.* Quia nesciebant homicidium esse nisi peremptionem : aperit omnem motum animi ad nocendum, in homicidium computari. Mandatum Christi non est contrarium legi, sed latius legem in se continens. Qui non irascitur, non occidit. Sed non econtra, licentia irascendi causa homicidii. Tolle iram, et homicidium non fit.

**Vers. 23.** — *Si ergo offers munus tuum.* Explanat ampliorem justitiam ostendendo quod si non licet fratri irasci, multo minus in animo retinere quod in odium querat converti. Si quidquam mali contra proximum in animo habemus, Deo placite offerre non possumus. *Si ergo offers.* Secundum litteram hoc absurdum est. Est ergo in interiori templo altare, id est fides, cui quodlibet munus, id est, psalmus, hymnus, oratio, et bujusmodi, nisi sit innixum non est Deo placitum. *Et ibi*, etc., id est, cum in corde (quod est templum interior) tale munus oblatus es, si in mente venerit quod frater tuus habet aliquid adversum te, quem tu læsistis. Si enim ipse te læsit, non ipse, sed tu habes adversus eum : nec tunc oportet te veniam petere, sed dare sicut vis tibi dimitti.

**Vers. 24.** — *Relinque ibi*, etc. Non ait refer : quia quod recte offertur immutari non licet. Sed relinque, donec placabilius offeras : non enim munus repellit, sed charitatem proximi querit, sine qua nemo ad charitatem Dei pervenit. Unde : Prius charitatem proximo exsolvat qui munus suum Deo placere optat. *Vade.* Non pedibus, sed animo humiliter ei prosternas in conspectu illius cui oblatus es. Vel petendo veniam si præsens est. *Offeres.* Hoc ex spiritu pietatis quo mitis fit, et divinum verbum

**A** pie intelligit, intelligendo obedit, et ad impletum cor erigit.

**Vers. 25.** — *Esto consentiens.* Sicut jam præcepit fratri reconciliari et post jubet inimicos diligi, ita hic dum currimus in via hujus sæculi, ad pacem et concordiam hortatur, sicut dicitur : *Si fieri potest quod ex vobis est cum omnibus hominibus pacem habentes* (*Rom. xii.*). Et pro consentiens ex Græco habetur benignus vel benevolus. *Cito*, ne differas in crastinum : *Dum es in via*, dum adhuc licet operari.

Si fratrem læsistis, reconciliare ei. Si adversarius extiterit, esto benevolus, ut fiat amicus.

*In via cum eo.* Sermo divinus, nobiscum est in Christi via. Adversarius nobiscum in via sæculi. **B** Sermo divinus nobis via est qua currimus. Unde : *Viam mandatorum tuorum cucurri, cum dilatasti cor meum* (*Psal. cxviii.*).

*Ne forte tradat.* Sic temperavit, ut poenitentiae locum non afferret : putaretur enim, quod si obiisset adversarius et non posset ei in via esse benevolus, necessario judicii traderetur. Sed et locum poenitentiae reliquit, et imponitentem judicii tradidit, dicens : *Judex tradat te ministro. Tradat*, id est, causa sit cur tradaris in manus Christi, cui Pater omne judicium dedit. Christus ministro, id est angelo, qui colligit zizania.

**C** *VERS. 26.* — *Novissimum quadratrem.* Id est, minutula peccata, quia nihil erit impunitum. Vel per quadratrem novissimum, significantur terrena peccata, quia prima pars mundi cœlum; secunda, aer; tertia aqua; quarta, novissima terra. Ergo donec reddas novissimum quadratrem, id est, donec luas peccata quæ de terra contraxisti.

**Vers. 27.** — *Audistis.* (RAB.) Adhuc qui dixit : *Non veni solvere legem, sed adimplere* (*Marc. xi.*). Addit : quantum debeat abundare, etc., usque ad quando anima relicta superiori lege, turpi voluntate inferiorum prostituta corruptitur.

*Viderit mulierem.* (BEDA.) Magna superadditio. Visus ponitur pro omni motu qui est, etc., usque ad quia non secundum quod quisque potuit et non licuit, sed secundum quod voluit et proposuit ex conscientia accusatur vel defenditur.

*D* **Ad concupiscendum.** Ut transeat in affectum cordis, ut facere disponat, ubi non deest voluntas, sed occasio : quod passio dicitur, quæ est mors in domo. Propassio est animi subitus affectus vel iræ, vel amoris. Passio est animi forma vel deliberatio ex consensu. Unde dicitur aliquis iracundus vel amator.

(ISIP.) Si contemplatio vertitur in tedium vel in arrogantium, dimitte eam, et transi ad activam : quia melius est per activam salvari, quam per contemplativam perire.

**Vers. 29.** — *Eruue eum.* Ad litteram nullum membrum erui precipitur, sed interior visus qui dexter, et exterior qui sinister dicitur, per studium pii laboris si nocet est revocandus vel removendus : et

etiam longe faciendus, ut scilicet nec in memoria A habeatur. Eruitur oculus cum frangitur malus usus. Projicitur, cum ex toto annihilatur, nec intrare permittitur.

Vers. 30. — *Dextera manus tua.* Prospera operatio, vel aliquis adjutor strenuus intra vitæ negotia : qui si scandalum est in lege Dei, melius est illo præciso salvari, quam cum illo damnari. *Abscind eam*, etc. Si quis hoc prædicat de membris, affectu pietatis non debet audiri. Sed ut improbitas morum et pravitas actionum inde reseetur, ut quidquid in oculo mentis de via justitiae et morum probitate nos subvertit, et quidquid contra operationem virtutum extra pulsat, procul pellatur. *In gehennam.* Nomen gehennæ in veteribus non invenitur : sed prius a Domino ponitur. Cujus nominis occasio est. Idolum Baal fuit juxta Jerusalem ad radicem montis Moria ubi Siloe fuit. Hæc vallis irrigua fuit et nemorosa et plena deliciis, et locus in ea idolis consecratus : populus autem Israel adeo insanivit, ut relicto templo ibi immolarent, et filios suos incenderent dæmoniis. Et dicebatur locus iste Gehennon, id est, vallis Ennon. Comminatur autem Deus se impleturum locum illum cadaveribus, ut vocetur polyandrum, id est, tumulus mortuorum : hujus ergo loci nomine futura supplicia designantur.

Vers. 31. — *Det illi.* (Aug.) Scripsit Moyses in Deuteronomio, quod si uxor non placet viro propter aliquam fœditatem, dimittat eam. Quod Christus exponit, etc., usque ad sicut diligit inimicum, non in hoc quod inimicus et malus, sed quod homo ut secum sit salvus.

(CARYSOST.) Permisit Moyses dari libellum repudi, ne propter odium funderetur sanguis. Permisit fieri mala, etc., usque ad quia malas hominum voluntates ad plenum prohibere non possumus.

Vers. 32. — *Causa fornicationis.* Quia in hoc fides castitatis et connubii rumpitur : et ille non facit eam mœchari, sed ipsa causa est reatus sui. Si autem pro fornicatione dimittit, a fornicatione debet esse immunis, nec aliam ducere licet dum illa vivit. *Fornicationis causa.* Feminæ, quæ fornicata est, vel viri ne fornicetur, scilicet si uxor cogat ad idolatriam, vel ad avaritiam, vel ad alias illicitas concupiscentias. Non enim fornicatio est tantum stupri, sed generaliter quæ a lege Dei aberrare facit. *Et qui*, etc. (CARYSOST.) Non dicas quoniam vir suus eam dimisit, quia etiam postquam dimissa est, remanet dimittens uxor.

Vers. 33. — *Reddes autem.* Si jurare contigerit : per Creatorem jurabis : non per creaturam. Hoc enim per quod jurat quilibet veneratur : hoc amat, hoc timet. Ideo lex præcipit ut non juretur nisi per Deum.

*Ego autem*, etc. Docet nil tam vile in creaturis quod quis pejerare debeat, dum a summo usque ad imum, juramentum vetat, id est, a cœlo usque ad capillum. In Deum pejerare convincitur, cuius thorax est cœlum, et cuius est quidquid est.

Per cœlum. Illi vel cœlum plus aliiquid suspicabantur, vel per illud jurantes non putabant se jumento teneri : ideo sententiam sic temperat, ut et cœlum creatura Dei credatur, non plus aliiquid : et quia thronus ejus est perjurium timeatur. Sic et de terra, quia scabellum pedum ejus. Qui ergo per creaturam jurat, illi debet juramentum qui eam creavit et regit, nec alii recte putatur redi.

Non juremus per creaturas ut veneremur eas ultra quam debemus per eas, ut viles existemus, ut scilicet cum per eas juremus nihil jurare putemus.

Neque per terram. Alii per salutem Pharaonis, qui Dei judicio positus est in infirmis. Non est potestas nisi a Deo (Rom. xiii) : et in hoc Deum juras.

B Neque, etc. Quod non est tuum opus, sed Dei : et ita in minimis Deum jurando perjurium incurre potes.

Qui per caput jurat, illi debet cuius figura et potestas in eo manet.

Vers. 36. — *Quia non potes*, etc. Hæc prædicta cum sint ardua et difficultia, nemo sine spiritu fortitudinis servat. Compellit ad perfectionem, dum tollit jurandi occasionem.

Vers. 37. — *Est, est; non, non.* Ideo his dicit, ut quod ore dicis, operibus probes. Quod verbis negas, factis non comprobes vel confirmes.

Non penitus jurare prohibuit, sed occasione perjurii. Quod perfectius est docuit ostendens quod ulterior est a malo esse. Apostolus jurat, ut fidem persuadeat : Ecclesia etiam pro fœdere pacis ac fidei suos jurare concedit. Sed Christus quod perfectius est docuit, quod infirmitatis indulxit, quod superstitionis resecavit.

Veritas Evangelii juramentum non recipit, sed alterius infirmitas id cogit, dum veritati non credit.

A malo est. Non quidem malum, quia etsi non bonum, tamen necessarium, sed a malo est, non tuo sed illius a quo cogeris jurare, id est, ab infirmitate illius quæ malum est.

D Vers. 38. — *Audistis.* (Aug.) Lex modum ultionis instituit : oculum pro oculo. Quod si dici potest, etc., usque ad sed pro dilectione justitiae, justum pro injusto, quod est bonum pro malo, quod etiam judex facit.

Quod dicit, *oculum pro oculo, dentem pro dente* : non alterum vult tollere, sed utrumque conservare, dum minatur talionem. Quam etiam cum modo facit, ut injuriam vindicta non transeat : et hæc est pacis inchoatio, et quasi justitiae incepitio.

Vers. 39. — *Non resistere.* Justitia legis rudes instruit in initio justitiae, id est, non plus quam est illatum reddere. Justitia Evangelii (quæ dicit homines ad regnum) est non resistere malo : *Non resistere* : ut ipse idem : *Discite a me, quia misericordia sum, et humilitas corde* (Math. xi). Et David : *Si reddidisti retribuentibus mihi mala* (Psal. vii). Jerem. *Et maxillam dedi percutienti* (Thren. iii). Ecce idem Dominus legis et Evangelii.

*Præbe illi.* Non tantum non reperciatis, sed si vult alteram ferire, patienter feras : hoc de injuria corporis. De necessariis autem si perdidis unum, sine tolli et reliquum. Quid ergo de superfluis ?

*Alteram.* (CHRYSOST.) Primum indigna res est ut nomen fidelis stet in judicio ante conspectum judicis infidelis. Nam et si infidelis, etc., usque ad Si semel in judicium ingressus fueris, non jam desideras ut veritas cause appareat, sed ut quocunque modo vixit exsistat.

**VERS. 40.** — *Et ei qui,* etc. Consilium est antequam contendas. Licet quidem infirmis sua repetere, sed non contendere. Lucas econverso : Qui aufert vestem, etiam tunicam noli prohibere. Quod non de his solis, sed de omnibus temporalibus faciendum est. *Tunicam tuam.* Vel, tunica est anima, quam si quis perdere noluerit, dimittat pallium, id est, corpus ad martyrium. Spiritualiter, doctor tunica tollit, cum interiora virtus facit confiteri, ut est invidia, superbia, et hujusmodi. Ille addit : *Et pallium;* qui et exteriora, ut furtum et fornicationem, non erubescit confiteri.

**VERS. 41.** — *Mille passus.* Hoc est iter sabbati, quo designatur perfectio spiritualis : quia non licet in sabbato servile opus facere. *Alia duo.* Vadit et alia duo qui dum corpore tantum in servitatem rediguntur, spiritu et anima, id est ratione et voluntate, redigi est paratus.

**VERS. 42.** — *Da ei.* Quæ honeste et juste possunt dari. Si deest facultas, da affectum verbo vel obsequio. *Da ei.* Ita, scilicet, ut nec tibi noceat, nec alii : pensanda est enim justitia. Ita enim omni pententi dabis, et si non id quod petit, sed melius cum injuste pententem correxeris. *Et volenti.* Duo genera præstandi complectitur. Vel enim benevolē damus, vel reddituro commodamus. Et quandoque qui donat, non vult commodare, quasi nihil mercedis in eo sit cum rem acceptam debitor persolvit. Sed vere ille qui etiam hoc jubet, retribuit. Dicit ergo : *Ne avertaris,* id est, nec alienes voluntatem tuam. *Hilarem enim datorem diligit Deus* (II Cor. ix), sic et spiritualis doctor verbi divini sœnus auditoribus debet accommodare, ut boni operis retributionem ab illis possit accipere, et a Deo mercedem sperare.

**VERS. 43.** — *Audistis.* Qui legem implere venit, in fine ad charitatem plenam perducit, quæ est impletio legis.

*Odio habebis.* Forsan intelligendum est juxta hoc quod supra : *Oculum pro oculo,* etc. Vel subtrahendo officia humanitatis.

**VERS. 44.** — *Diligite.* Contra Ecclesiam pugnatur tribus modis : odio, verbis, cruciatu corporis. Ecclesia econtra diligit, benefacit, orat. Hoc est novum mandatum, hoc de filiis iræ facit filios Dei ; unde sequitur : *Ut sitis filii.* Adoptio filiorum sola charitate acquiritur.

*Benefacite.* Ministrando cibum mentis vel corporis. Quod facit etiam qui dicit eum hujusmodi nec cibum sumere. Omnia enim ea spectant, ut fratres sunt.

**A** Singulis singula opponuntur, ut omnes partes malitiae bonitate vincantur. Videntur contra esse imprecations prophetarum quæ non dicuntur voto optantium, sed spiritu prævidentium.

*Orate.* (AUG.) Non ait hoc pro fratribus in quibus sunt aliquando peccata persecutione inimicorum graviora, etc., usque ad cum etsi peccasse fateantur, et fecisse mala vehementer eos puniteat, tamen hujusmodi affectiones mentis habent ut se non humiliant ad petendam veniam.

Movere autem potest, quod Joannes in Epistola de dilectione Dei et proximi tantum monere videtur, ut fratres diligamus, cum Dominus dicat et pro inimicis orandum. Sed fratres intelliguntur non solum qui jam credunt, sed qui crediti sunt, pro quibus orandum est, ut fraterno fædere nobis socientur.

**B** **VERS. 45.** — *Fili.* Non degeneres. Quasi diceret : Accepta potestate operibus agite ut sitis filii renascendo per charitatem. *Pater.* Jam dicitur pater. Vide ut sitis filii renati ex Deo qui est charitas. *Qui solem.* Hunc visibilem. Nam inquit in libro Salomonis, *Sol justitiae non illuxit nobis* (Sap. v). Et de pluvia doctrinæ propheta dicit : *Super unam civitatem pluit, et non super alteram. Solem suum* (Amos. iv), etc. Quasi dicat : Quem fecit, cuius propriæ sunt omnia quæ de nihilo creavit. Quid ergo nos faciemus de his quæ de munere ejus accepimus ?

**C** **VERS. 46.** — *Publicani.* Exactores Romanorum, quos Judæi sic vocant, quia de republica curam gerabant. Dicuntur et nomen traxisse a Publio Romano rege, qui prius eos ordinavit.

**VERS. 47.** — *Et si salutaveritis.* Si pro his tantum oraveritis, qui aliqua affinitate vobis sint conjuncti, quid amplius habet beneficium vestrum quam infidelium ? Oportet fratres diligere, et humiliter salvare : sed parum est.

**D** **VERS. 48.** — *Perfecti.* In charitate Dei et proximi. Cumulus perfectionis diligere etiam inimicos, et orare pro illis, sicut et Christus fecit.

## CAPUT VI.

**VERS. 1.** — *Attendite, etc.* Qui hucusque præcepit de misericordia, nunc præcipit de cordis munditia qua Deus videtur. Si enim non simplici intentione sed pro hominum laude, non probantur a Deo opera misericordiae. Laus hominum non debet appeti, sed subsequi, ut exemplo alios invitet. Hactenus de justitia Evangelii, quæ est super justitiam Scribarum et Phariseorum. Nunc qua munditia cordis eadem justitia debeat impleri : quod in eleemosyna servatur et oratione. Non enim monet hic vel orare vel eleemosynam facere : sed quo animo debemus facere. Agitur enim hic de mundando corde. *Apud Patrem vestrum.* Cujus gloriam filii querere debent, et omnia bona ad hoc ut placeant ei, referre.

**VERS. 2.** — *Cum ergo,* etc. A toto in partes, ut exponat quæ bona non sint pro hominum laude facienda. *Tuba canere.* Forsan convocandi gratia hoc fecerunt : ut omnes irent quasi ad spectaculum.

**Ante te.** Ante se tuba canit qui ante alios vult laudari : ut appareat major illis. *Recepérunt.* A Deo cordis inspectiore fallacie supplicium de quibus dicitur : *Recedite a me, operarii dolosi : nomen enim meum habuistis : sed opera mea non fecistis.*

**Vers. 3.** — *Nesciat.* Sinistra, vitia : dextera, virtutes. Quod ergo agit virtus, nesciat elatio, vel vana gloria, seu aliquod vitium : sed lux rectæ operationis fuget tenebras peccati.

**Vers. 4.** — *In abscondito.* In abscondito eleemosyna fit, quæ nullis miscetur tenebris : lux intus est, tenebrae extra. *Videt in abscondito.* Videre Dei est approbare. Illa autem tantum approbat quæ sunt abscondita, quæ extra sunt non placent ei neque approbat.

**Vers. 5.** — *Et cum oratis.* Ad superiora conjungitur hæc sententia. Supra dixerat : *Attendite ne justitiam vestram faciatis coram hominibus ; hic subdit : Et cum oratis.* Non prohibet orare, sed in orando hypocritis similes esse. *In angulis.* Quasi absconsores precum, et tamen in plateis ut videantur, et per hoc amplior gloria. Allegorice. In angulo orat qui in abscondito se orare simulat : et tamen in platea cum famam captat. Anguli platearum sunt ubi via per transitum viæ dicitur, et quadrivium reddit. Non enim nefas est videri, sed appetere videri. *Recepérunt.* In his non solum vera merces prava intentione evacuator : sed vitium simulationis et irrisio-  
nis contra Deum augetur.

**Vers. 6.** — *Tu autem.* Hoc simpliciter intellectum, docet vanam gloriam mundi fugiendam. Sed magis videtur præcipi, ut, inclusa pectoris cogitatione labiisque compressis, oret Deum. Cubiculum autem est cordis secretum. Ostium, carnalis sensus per quem hæc exteriora improbe se ingerunt, et turbæ phantasmatum orantibus obstrepunt. Parum est ergo cubiculum intrare, si importunis cogitationibus ostium patet. Sed resistendum est carnali sensui, ut oratio spiritualis ex intimis cordis dirigatur ad Deum. *Clauso ostio.* Sensibus clausis, ne turbæ phantasmatum exteriorum occurrant. Vel ostium vocat amorem vel timorem hujus sæculi. Sicut enim omne bonum ex timore et amore est Dei, sic omne malum ex amore et timore sæculi. His clausis, id est ablatis, ora.

(CHRYSOST.) Quid ergo, inquis ? in Ecclesia non oportet orare ? Et valde quidem, sed cum hac voluntate ut illum unum intuearis, qui habet donandi quod petieris potestatem. Ubique enim Deus, quo aliquid facias intuitu, spectat.

*Patrem.* Quem intus habes per fidem; unde : *Apud me oratio Deo vitæ meæ* (*Psal. xli.*).

**Vers. 7.** — *Orantes autem.* Sicut hypocitarum est ostendi et placere hominibus, ita gentilium est multiloquium, a quibus et cœpit. Hi enim exercendæ linguae magis operam dant, quam menti mundandæ : ut hoc bugatorii officii genus, etiam ad Deum prece flectendum transferant, putantes quod sicut orator judicero, ita et ipsi Deum flectere queant.

(CHRYSOST.) Si paucis orandum est, cur parabolam proposuit Lucas ad montem semper esse orandum, etc., usque ad Si quidem et Christus et Paulus jussit breves, sed crebras fieri orationes ex paucis intervallis.

(CASS.) Utilius censem (Patres) breves quidem orationes, sed creberimas, etc., usque ad succincta brevitate vitemus.

*Putant enim.* Putantes quod persuasibilibus verbis Deus mulceatur. Vel si absens est vocetur : et quod nescit, verborum ambagibus doceatur.

**Vers. 8.** — *Nolite ergo assimilari eis.* Non enim apud Deum agendum est verbis, sed rebus, intentione cordis, affectu simplici. Quæ cum dicimus, non eum docemus, sed nos tempore orandi recordamur. **B Scit enim pater.** Cur ergo scienti loquimur ? Non ut nostræ faciamus indicium voluntatis, sed ut excitemus pie devotionis obsequium.

**Vers. 9. Pater noster.** (BEDA.) Inter cætera salutaria monita et divina, quibus consulit credentibus, formam orandi proposuit, etc., usque ad et hi sunt veri adoratores, qui Filii per gratiam adorant Patrem in spiritu et veritate.

Nulla oratio magis spiritualis est quam illa quæ ex ore Filii, qui est Veritas, processit. *Pater noster.* Cui non timore, sed amore hæreditatis servimus. Dum Pater dicitur, de adoptione cogitemus, ut Patrium affectum rependamus. Dum dicitur *noster*, fraternitatis admonet, cum sit communis adoptio omnibus. Nemo dicat meus, quod proprio filio convenit, cui pater est per naturam. Unde alibi *Vado ad Patrem meum* (*Joan. vii.*), specialiter per naturam : et vestrum, conjunctum per gratiam. *Pater noster dicitur*, quod commune omnibus, nemo dicat meus : quod solum Christo convenit, qui filius est per naturam ; aliis conceditur communis gratia adoptionis.

(RAB.) Monetur nobilis et dives non superbire, etc., usque ad Quid negabit filiis, qui jam dedit quod pater est ?

(AUG.) Nusquam invenitur præceptum populo Israel, ut diceret : *Pater noster*, aut oraret, etc., usque ad si ab ejus mandatis non aberrarent. Sicut est illud : *Filios genui et exaltavi* (*Isa. i.*), etc.

**D In cœlis.** Spiritualibus, ut ad spiritualitatem in qua habitat, festinare discamus, et cœlestia ab eo quæramus.

*Sanctificetur nomen tuum.* Videnda est harum distinctio septem petitionum. Nam cum vita nostra temporaliter agitur speraturque æterna, priora sunt, etc., usque ad liberatio enim facit liberos, id est, filios, ut dicamus spiritu adoptionis, Abba Pater.

*Amen,* significat in omnibus his petitionibus indubitanter a Domino tribui quod petitur, si ultimæ conditionis pactum servare non negligimus. Unde subdit : *Si dimiseritis*, etc. *Sanctificetur*, etc. *Hic spiritum sapientiae oramus*, ne a sanctificatione nominis primus in aliquo discrepemus : sed patris nomen in filiis moribus et vita ostendatur.

**Nomen patris in nobis est**, qui filii dicimur : quod petimus sanctificari. Non ut ipse sanctior sit, sed ut in nobis operetur augmentum sue sanctificationis : nam sanctificatio filiorum nomini ejus attribuitur. Ita dicitur sanctificari sicut clarificari, et magnificari in nobis : *Sanctificetur*, id est, ita sicut est sanctum, habeatur hominibus : et ita innotescat illic Deus, ut non potest aliquid sanctius.

**VERS. 10.** — *Adveniat regnum tuum*. Hic spiritus intelligentiae petitur, quo mundatur cor ut Deus videatur. Duritia et potestas diaboli excluditur, et in futuro perfectius, cum evacuaverit omnem principatum et potestatem, et tradetur regnum Deo Patri. Congue sequitur, ut post adoptionem filiorum regnum petamus quod filiis debetur.

Regnum Dei semper est : sed veniat, id est, manifestetur hominibus a quibus ut lux cæcis non videatur, quod nullus ignorare poterit, cum Filius judicare venerit. In quo regnabunt et sancti, ut dicitur, *Percipite regnum quod vobis paratum* (*Matth. xxv*), etc.

Spiritu intelligentiae regnum futurum ingredientibus declaratur, et munditia cordis attribuitur, per quam Deus ibidem regnans sicut est videbitur, ubi spiritus sapientiae complebitur septima sanctificatio nominis ejus. In perfectione senarii adventus regni poscit, ut curramus omnes in virum perfectum : deinde in eo quiescentibus sanctificetur ipse in nobis dum nos in illo sanctificamur. Ejus requie in jure poscimus in nobis sanctificari, ut perenniter in eo sanctificati requiescamus, in qua sanctificatione pax beatitudinis firmatur et plena sapientia donatur.

**Fiat voluntas tua.** Hic petitur spiritus consilii, per quem voluntas Dei inquiritur, ut a nobis impleuratur.

Voluntas Dei in terris sicut in celo spiritu consilii regitur. Nobis etiam opus est spiritu consilii : ut voluntas Dei dirigatur in nobis, ut misericordes in re esse possimus. Voluntas Dei semper fit : sed oramus ut libertas nostri arbitrii societur per gratiam sue voluntatis, quæ est sanctificatio nostra et vita æterna. Voluntas Dei est præceptorum ejus custodia.

**Sicut in celo.** Sicut in angelis, ita in hominibus. Vel sicut justis, ita in peccatoribus conversis. Vel sicut in Christo, ita in Ecclesia. Vel sicut mente servio legi Dei, ita et in carne.

Secundum spiritum celum, secundum carnem terra sumus. Oramus ergo ut sicut in celo, id est in spiritu, ita in terra fiat voluntas : ut caro et spiritus sit homo spiritualis de quo dicitur : *Cor meum et caro mea exsultaverunt in Deum vivum*. Nec tantum oratur ut bona velimus, sed fiat voluntas in nobis, ut vivamus tibi, non nobis. Hæc tria perfectius habentur in futuro, sed hic interim ex parte oramus, ut postea perfectius habeantur. Quatuor sequentia præseutis vitæ sunt præsidia.

**VERS. 11.** — *Panem*. Esuries justitiae ut ad satiitatem pertingat, fulcitur spiritu fortitudinis. Ideo

A oramus : Panem nostrum quotidianum da nobis : sine quo fame moreremur.

Panis, corpus Christi est, vel verbum Dei, vel ipse Deus, quo quotidie egemus, vel qui est super omnes substantias. *Hic est panis vivus qui de celo descendit* (*Joan. vi*), cuius naturæ sublimitas super omnes substantias est.

**Nostrum.** Quia Christus noster est factus, et Deus Pater cum Christo omnia nobis donavit. Ideo oramus ut quod nostrum est per donum, quotidie detur per effectum.

**Supersubstantiale.** Vel quotidianum. Quia qui edunt me adhuc esurient (*Eccles. XLIV*). Hic quotidianus, in patria æternus. Hic panis assidue per fidem et charitatem interius resicare debet : quia sine eo B nemo vivere potest. Vel panis dicuntur spiritualia præcepta, quæ semper sunt exercenda vel conservanda.

**VERS. 12.** — *Et dimitte, etc.* Post eibum petit veniam peccatorum, ut qui a Deo pascitur, in Deo vivat, et ad vitam æternam perveniat.

Cum dicimus : *Dimitte nobis debita nostra* : spiritum scientiae rogamus, quo delicta intelligimus, quæ sine spiritu scientiae non intelliguntur. Scientia quippe ad usum temporalium pertinet, quæ virtus est, in vitandis malis et petendis bonis, ut nostra et aliorum contagia ploremus, bona cupiamus.

**Sicut.** Ecce qua cautione constringimur, in qua etiam nos ad invicem ad misericordiam inflectit, et peccantibus in se veniam promittit, et nobis et per nos aliis veniam promittit.

**Culpæ veniam non deberimus negare;** unde : *Cum oratis, remittite si quid habetis adversus aliquem : aliter enim Pater vester non dimittet vobis peccata vestra*.

Pecuniam alicui repetere conceditur, sed debita peccatorum petenti veniam nunquam juste negamus.

**VERS. 13.** — *Et ne nos inducas.* Sed spiritu scientiae illustra, ut sciamus quibus malis involvimus, et ut lacrymæ prosint rogamus : *Dimitte nobis debita nostra. Et ne nos, etc.* Non quod ipse inducat, sed quia deserit et ire permittit. Non vero precatur non tentari, sed nec ad modicum vinci. Tentatio enim est necessaria ad coronam. *Et ne nos, etc.*, deservens in tentatione sinas vinci : etsi sinas tentari, sine qua nullus probatus est.

**D** *Sed libera nos a malo.* Hæc una petitio, tantum continet quantum omnes superiores.

Ut spiritu timoris Dei omnia noxia intus et exteriorius pellantur : et sub paupertate beate vivamus. *Sed libera nos.* In illam quæ nondum est ne sinas induci, et ab ea in qua sumus ducti, libera : quo facto nihil est metuendum, nihil restat orandum.

*A malo*, omni, visibili et invisibili. Hæc liberatio quotidie necessaria est, dum sine malo animæ et corporis non vivitur, sed in fine complebitur, quando immortales et impossibilis erimus. De imis ad summam gradatim sic ascenditur. *A malo* per spiritum timo-

ris liberamur : inde liberati pauperes spiritu et rebus esse cupimus, dum dicimus, Ne nos inducas in tentationem. Spiritum pietatis rogamus, ut homo interior mansuescat et mitis fiat, ne tentatione moveatur.

**VERS. 14.** — *Si enim dimiseritis.* Formam impo-  
suit qualiter velimus judicari. Unde indulgentibus  
coram Deo fiducia respondet impetrandi : exigen-  
tes vero, poena remordet ultioris vel damnationis.

**VERS. 15.** — *Si autem non dimiseritis.* Nulla ex-  
cusatio relinquitur, quia unusquisque secundum  
hanc sententiam in futuro judicabitur. Ex hoc pa-  
tet, quod unusquisque in sua infidelitate condem-  
natur.

**VERS. 16.** — *Cum jejunatis.* Postquam docuit quo-  
modo orandum sit, docet de jejunio quod iterum  
pertinet ad munditiam cordis, ne non sit simplex ad  
Deum, dum ad exteriora rapitur. *Nolite fieri.* Non  
prohibet virtutem, sed fictam virtutis speciem.

Bonum est jejunio pro peccatis tristes esse ad  
pœnitentiam, et humiliare animam nostram ; unde :  
*Cor contritum et humiliatum, Deus, non despicias* (*Psal. L*). Sed tristitiam quæ pro laude est, prohibet. Unde non ait simpliciter : Nolite jejunare, sed  
addit : sicut hypocritæ, tristes.

**Exterminant.** Id est, extra terminos humanæ con-  
ditionis obducunt. Sicut de nitore vestium jactantia  
est : sic de nimio squalore et macie. Demoliri est  
quasi dissipare : et venustatem vultus quasi ad ni-  
hilum redigere. *Facies suas.* Luctuosis sordibus in  
quibus etiam jactantia est : et magis sub specie re-  
ligionis decipiunt.

Nota non debere oves pelles suas deponere, sed  
vestiri, si aliquando lupi eis se contegunt.

**VERS. 17.** — *Unge caput tuum.* Spirituali lætitia  
meatam refice diebus abstinentiæ : ut dilectionis  
odor fragret in operibus misericordiae. Conscientiam  
lava lacrymis : ut sit munda coram Deo. Non enim  
sufficit opus misericordiae sine munda conscientia :  
nec hoc sine illo. Palæstinis mos erat in festis caput  
ungere : ergo caput unge, id est, festivum et hilarem  
te exhibe : et mentem spirituali oleo refice : et de  
jejunio non quæras laudem exterius. Sed quia sic a  
sæculo averteris, coram Deo gaudeas : et sic faciem,  
id est cor, mundabis a sordibus : quibus remotis,  
Deum videre licebit. *Unge caput tuum.* Ecce non-  
dum omnia in Novo Testamento ad litteram. Ridiculi  
enim essent in jejunio oleo delibuti : sed de spi-  
ritu amoris ejus, cuius passionibus debemus partici-  
pare nos macerandum, mens debet inungi et non  
oleo adulatiois : aliter vana sunt jejunia.

Christus factus est unguentum nobis : quod effu-  
sum per passionem mortis Ecclesiam suam suo odore  
implevit. Ideo non alterius causa jejunare debemus :  
sed ejus perfusi spiritu per abstinentiam maceran-  
tes carnem ejus passioni participemus. Illo ergo ung-  
amur : ut opera misericordiae cumulentur : et chari-  
tas interius diffundatur : quia sine illo calix nostri  
jejunii non inebriator affectu pietatis.

A Deo jejunat qui pro amore ejus se macerat et quod  
sibi subtrahit alteri largitur.

**VERS. 18.** — *Et Pater tuus.* Pater per fidem intus  
est : et remunerat in abscondito facta. Ibi ergo je-  
junandum quo ipse videat. Et necesse est ut jeju-  
nans sic jejunet, ut ei placeat quem in pectore por-  
tat.

**VERS. 19.** — *Nolite thesaurizare.* Ad munditiam  
cordis terrena erogari præcipit.

**VERS. 20.** — *Thesaurizare autem.* Quasi : Cum  
jejunatis aut aliquid boni operis agitis : ibi recon-  
dite ubi corruptio non possit accedere.

*In cælo.* Id est, omnem spem in cœlestibus ponite :  
fide gradientes, charitatem amplectantes. *In cælo,*  
id est, in spirituali firmamento : quod non transit :  
*Cælum et terra transibunt : verba autem mea non*  
*transibunt.* Si ergo cor est in cœlo, mundum est,  
quia munda sunt cœlestia. Si autem in terra voluta-  
tur, quomodo mundum est? id est, si quid agit ut  
terrena consequatur, quomodo mundum est? Si  
etenim illa in genere suo munda tamen sorde-  
scit res dignior dum inferiori miscetur : ut aurum  
argento, argentum plumbo.

**VERS. 21.** — *Ubi enim est thesaurus.* Si in terra,  
cor est deorsum ; si in cœlestibus, cor est in Christo  
fixum.

**VERS. 22.** — *Lucerna.* Prosequitur munditiam cor-  
dis. Sicut oculus membra ad operandum dirigit, sic  
intentio et lux fidei omnes virtutes. Lucerna est lu-  
men in testa, sic charitas in fide. Cum fides cessabit,  
sola charitas lux erit. De exteriori, docet officium  
interioris hominis, intentione mentis et luce fidei  
omnes virtutes illustrantur, ut reddant lucidum cor-  
pus.

Item ad munditiam cordis per se hoc capitulum  
est, vel gratia priorum operum quæ palam appa-  
rent.

*Si fuerit oculus, etc.* Si pura intentione, quæ po-  
tes bona agis, opera sunt lucis, etiamsi non ita ho-  
minibus videatur. Si perversa intentio est, pravum  
est quidquid agitur, etsi videatur rectum.

Oculus unus et simplex est, scilicet charitas, quæ  
modo lucet in fide sicut in testa.

**VERS. 23.** — *Si autem oculus.* Si intentio non est  
ex fide, totus homo interior tenebrosus est. Quia  
quod non est ex fide, peccatum est. *Tenebrosum erit.*  
Quandoquidem intentio sequens opus informat.  
Ergo si bona quæ agis, quia mala intentione fiunt, te-  
nebræ sunt, quid ea quæ per se mala sunt, et mala  
intentione fiunt? Si ergo lumen. Intentio qua facimus  
quocunque, quæ in nobis est nota, lumen dicitur ;  
exitus vero rei incertus est, ut cum quid alicui do-  
vel ago nescio utrum cedat ei bono an malo : et ideo  
tenebras vocat. Dicit ergo : Si intentio qua facis  
(quæ tibi nota est) appetitu temporalium sordidatur :  
quanto magis ipsum factum cuius dubius est exitus ?  
quia etsi bene cedat alii, quod non bona intentione  
facis, nihil tibi proderit : quia quomodo feceris tibi  
imputatur, non quomodo illi evenerit.

**Vers. 24.** — *Nemo potest*, etc. Quasi : non poter-  
tis ad oculum hominum bona agere, et ex his Deo  
placere. Non simul in cœlo et in terra thesaurizare,  
nec et vitiis et virtutibus deservire. Quidquid facis,  
vel ex amore Dei, vel servitute diaboli.

**Cum regnum Dei et diaboli dissideant inter se, in**  
utroque nemo potest simul militare : unde qui bapti-  
zantur, diabolo abrenuntiant et operibus ejus.

**Aut enim unum odio.** Nihil est medium. Quidquid  
enim facis, aut ex amore Dei, vel ex servitute dia-  
boli.

(Aug.) **Diabolus enim semper est odio habendus :**  
Deus vero, etc., usque ad sed contemnunt, victi con-  
cupiscentia sua et persuasione diabolica.

**Aut unum sustinebit.** (Ib.) Non quidem diligit :  
nemo enim diabolus diligit, sed sua cupiditate im-  
plicatus, etc., usque ad etsi non amet illum cuius  
ancillam diligit.

**Alterum contemnet.** Non quidem odio habebit : nul-  
lius enim conscientia Deum potest odire, quod re-  
tractavit idem Augustinus, dicens: Non video suisse  
dicendum. Multi enim sunt de quibus scriptum est :  
*Superbia eorum qui te oderunt* (*Psalm. iii*), etc.

**Et mammonæ.** Mammona, Syra lingua, divitiae,  
quibus servire Deum negare est. Non dicit habere :  
quod fieri licet ut bene dispensem, sed servire, quod  
est avari. Dicitur hoc nomen esse dæmonis qui pre-  
est divitiae, non quod in ejus ditione sunt : sed quod  
his utitur ad decipiendum, irretiendo laqueis divitia-  
rum.

**Vers. 25.** — *Ideo dico vobis*, etc. *Quia non potes-*  
*tis Deo servire et mammonæ.* Ne sitis solliciti, quod  
est servire divitiae. Contemptum sæculi et fiduciam  
futurorum toto sermonè præcepit, dum et mala sus-  
tinere et non ulcisci, et inimicos diligere jussit, et  
humanam gloriam fugere. Nunc vult confirmare per  
fidem in spe æternoru[m], quia plures sunt quos amor  
præsentium et desperatio futurorum torpentes fa-  
vit.

In sudore vultus paratur panis, sed labor est exer-  
cendus, sollicitudo tollenda est, quæ mentem pertur-  
bat : dum timet ne aut possessa dispereant aut elab-  
orata non contingat.

**Animæ vestræ.** Id est animalitati cui hæc neces-  
saria sunt. Totam spem Deo committite, quia nihil,  
nisi quod decrevit ille, potestis acquirere vel reti-  
nere.

**Anima hic ponitur pro vita,** quæ cibo sustenta-  
tur, ut ibi : *Qui amat animam suam, perdet eam* (*John. xxi*).

**Animalitas cibo alitur :** et ponitur hic pro vita :  
vivit cum pecoribus. Quam qui perdit propter Chri-  
stum, inveniet eam spiritualem in vitam æternam.

**Nonne anima?** etc. Non vita propter escam, nec  
corpus propter vestimentum, sed econtra. Ideo non  
sit sollicitus animus, ut percipiat quod propter se  
creatum est.

**Quasi dicat:** Qui dedit majora, id est vitam et  
corpus, dabit et minora, id est viculum et vestes.

**A** In his promissis veritatis nemo dubitet : Si homo quod  
esse debet, mox adduntur ei omnia propter quem  
sunt facta.

**Vers. 26.** — *Respicite.* Hoc ad escam. Sancti me-  
rito comparantur avibus, quia cœlum petunt, et  
quidam ita remoti sunt a mundo, ut jam in terris  
nil agant, sed sola contemplatione jam in cœlo de-  
gunt. De quibus dicitur : *Qui sunt hi, qui ut nubes  
volant i* (*Isa. lx*), etc.

Hæc exempla non prohibent providentiam ne la-  
boret, sed sollicitudinem, ut tota fiducia vestra sit  
in Deo, cum et aves sine cura vivant.

**Et Pater vester.** Exaggerat fiduciam filiorum et  
confirmat : quia si bonitas Patris etiam ad illa se ex-  
tendit, quanto magis ad filios adoptionis?

**Vers. 27.** — *Quis autem vestrum,* etc. Illi autem  
curam regendi corporis relinquite, qui illud ad hanc  
mensuram fecit pervenire.

**Vers. 28.** — *Et de vestimentis.* Non quod labo-  
rare et providere hoc non deceat, sed omnis sollici-  
tudo abjicienda est, et spes in Deo habenda est.  
*Considerate lilia agri.* Exhortationem de indumento  
satis congruo confirmat exemplo.

**Vers. 29.** — *Quoniam nec Salomon,* etc. Quæ  
purpura regum, quæ pictura textricum potest floribus  
comparari? Ipse color dicitur operimentum flo-  
rum, sicut dicimus : operuit istum rubor.

**E** VERS. 30. — *Si enim senum agri.* Si ista quæ ad  
usum sunt temporis tantum, et cito decidua igne  
cremabuntur, Deus tam venuste adornat.

Cras pro futuro ponitur in Scripturis, dicente Ja-  
coch : *Exaudiet me cras justitia mea* (*Gen. xxx*).

**In ciborum mittitur.** Alii libri habent : in ignem  
vel in acervum qui habet speciem cibani. *Quanto*  
*magis ros,* scilicet vestiel; et ideo omnis fiducia  
in eo habenda ; quod si nec de his sidentes su-  
mus, quomodo invisibilia speramus? Permodica  
fides est, quæ nec de minimis certa est. Ideo et  
de æternis ingerit fiduciam, et condemnat infide-  
litatem. **Modicæ fidei.** Quicunque in aliqua promis-  
sione dubitat, modicus est fidei, et quanto plus du-  
bitat, tanto minus invenit ea pro quibus sollicitus  
fuit.

**Vers. 31.** — *Nolite ergo solliciti,* etc. Plenius in-  
D culcat et revolvit, quod a principio sermonis docuit,  
ut absque sollicitudine vivamus. *Nolite,* etc. Illic vi-  
dentur argui hi qui, spreto victu vel vestitu com-  
muni, lautiora sibi vel austeriora præ his cum qui-  
bus vivunt, alimenta querunt vel indumenta. *Solli-*  
*citi esse.* Sollicitudo suffocat verbuni Dei, ne fru-  
ctum referat, et facit similem gentili, id est  
infidelem.

**Vers. 32.** — *Hæc enim omnia.* Quid ergo amplius  
habet a gentili : cuius infidelitas animum sollicitat,  
et curis vitæ hujus fatigat? **Gentes.** Quibus de futuris  
cura non est, sed filiorum est querere regnum. *Scit*  
*enim.* Provisa sunt hæc a Deo, qui novit nobis hæc  
in via sua esse necessaria. **Pater vester.** Sic filios do-

bonitate et providentia patris securos reddit, absque A  
cura scilicet.

VERS. 33. — *Quarrite ergo.* Hic aperte ostendit ista non esse petenda tanquam bona nostra, etsi necessaria. Regnum autem Dei petendum est, et in eo finis noster est ponendus, propter quem omnia faciamus : verbi gratia : Manducemus ut evangelizemus, non evangelizamus ut manducemus. Cum dicit primum, significat hoc posterius, non tempore, sed dignitate. Illud enim petendum est, hoc propter illud necessarium : ergo primum quærite regnum Dei, id est, prieponite omnibus rebus ceteris.

*Et hæc omnia.* Quia omnia sunt filiorum : et ideo hæc omnia adjicientur, etiam non quærerentibus, quibus si subtrahuntur, ad probationem est ; si dantur, ad gratiarum actionem ; quia omnia cooperantur in bonum.

VERS. 34. — *Solliciti.* Timore, mœrore, et anxietate curaruni, quæ mentem perturbant.

*In crastinum.* (AUG.) In futurum, de præsentibus concedit : unde Apostolus : *Nocte ac die operabamur ne quem gravaremus* (*I Thes. ii*). De futuris quæ divina procurat ordinatio, non convenit, etc., usque ad quia ille qui hoc præcepit cui ministrabant angeli, propter hoc exemplum dandum loculos habuit : unde necessaria usibus præheret, quorum custos erat Judas.

*Dies.* Non quem fecit Dominus, sed cui male-dixit Job et Jeremias, scilicet quem diabolus invēnit. *Sufficit.* Et quia cura præsenti mèntes obruitur, non debet germinari malitia Dei.

#### CAPUT VII.

VERS. 1. — *Nolite judicare.* De dubiis, quia de manifestis judicatur, et non de illis de quibus incertum est quo animo siant : de quibus nemo sine periculo judicat.

Judicium temerarium est quando, quibus commissum non est, judicant, sive sit de manifestis, sive de occulis. Committitur autem judicium vel magistris Ecclesie vel principibus terræ. Hi ergo si de manifestis judicent, quæ scilicet sunt convicta, vel confessa, non temere judicant; si autem de incertis, temere judicant, hæc judicia prohibet.

VERS. 2. — *In quo enim.* Quasi diceret : In qua voluntate benefeceris, in ea liberaberis ; et in qua male, in eadem punieris. De his enim agitur in quibus vel temere judicantes offendimus, vel recte agentes excusamur ; et ideo addit : *In qua mensura.* Et juste quorum voluntas non habuit finem peccandi, quamvis cum fine peccaverint, non habent finem ultionis ; et quibus judicium fuit sine misericordia, sine misericordia judicabuntur.

*In qua mensura.* Potest in hac mensura in qua aliud mensuratum est, ut triticum, aliud mensurari, ut hordeum : et alia quantitas, ut si unus modius de uno, centum de alio. Ita facit Deus, et non inique ut illi in æternum.

Et ipsa infamia, vel malum quod tuleris, causa est cari prenai debitam incurras.

A Juste qui æternaliter peccato perfaci volunt, æternam poenam et inveniunt : quorum voluntas non habuit finem peccandi, nec habebit finem torquendi.

VERS. 3. — *Quid autem vides.* Ecce moderamen judicii, et præventus majoribus, alium non judicet de minoribus. Multi enim præventi majoribus, leviora in fratre magis volunt vituperare et damnare quam emendare. Ut si pleni odio vel invidia, vel malitia, damnent in eo quod delinquit ira ; quæ est ut festuca, odium, ut trabs. Iratus alicui vult aliquando eum corrigi ; qui odit hoc velle nequit : et ideo impossibile dicitur ut festucam fratri demat, qui trahit gestat ; prius ergo trabs odii, invidiæ, simulationis et totius malitiae rejicienda est, ut sic miseris corditer respectu Dei, non nostri, fratrem possimus increpare : ut, sive propositi illi correctio, sive non, nos tamen de simplicitate nostri oculi simus securi.

Vix invenitur aliquis ab hoc vitio alienus, quia unusquisque suis favens, aliena facile reprehendit : et aliena gravius tolerando quam sua, sumit auctoritatem arguendi sine exemplo suæ emendationis.

Salutem in eo quod temere judicant in oculo habent trahit.

VERS. 4. — *Aut quomodo dicis fratri tuo.* Id est, non poteris minus (ut iram) in fratre emendare, donec maius, id est odium, vel invidiam populeris defecde tuo.

VERS. 5. — *Hypocrita, ejice.* Hi enim odio et li-vore suscipiunt omnia accusare, et volunt videri consultores sine exemplo emendationis suæ. Non enim est idoneus doctor alii mederi, qui nondum se sanaverit.

VERS. 6. — *Nolite sanctum, etc.* Purgato oculo, possunt disponentes Ecclesie alios castigare, sed non sanctum canibus dare ; quia sicut periculosum est abscondere, ita prodigum est canibus dare. Talibus mystica non sunt aperienda, sed velo tegenda sancta sanctorum : apertiora vero et quasi viliora dici possunt. *Nolite.* Eadem dicitur sanctum et margarita, id est Evangelium et sacramenta ecclesiastica. *Sanctum,* quia natura inviolabile, nec debet ab aliquo corrupti. *Margarita,* quæ in abscondito latet : et de figuris, quasi apertis conchis eruitur, gemma est pretiosa quæ non potest corrupti. Canes vere sunt qui oblatrant, et quod integrum est dilacerant ; porci qui vilipendunt et conculant : vel canes ad vomitum reversi, porci nondum conversi ; sed in luto vitiorum versati.

D *Et conversi.* Ne forte adhuc aliquid audire disrumpant, non margaritas quæ conculant, sed vos indignatione. Non enim facile potest inveniri quod talibus gratum sit.

VERS. 7. — *Petite.* His gradibus via, veritas, et vita legitime certantibus, præstatur : Christus est via qua ambulatur, veritas qua invenitur, ostium ad quod pulsatur, ut ad ipsum per ipsum ingrediamur.

(AUG.) Operose quidem quod ista tria inter se diffrerant exponendum putavi, sed longe melius, etc.,

*usque ad non enim dixit petentibus, et quæribus,* A *tota lex, propter salutem hominum scriptum est in prophetis et lege.*

VERS. 8. — *Omnis enim, etc.* Ut prebeat constantiam perseverandi, diligentiam querendi, fiduciam impetrandi, addit. *Omnis, etc.* Supra docuit quid petamus, regnum scilicet. Hic confidentiam, ut nihil hesitantes petamus. Non denegat se petentibus qui sponte obtulit se non petentibus : et querentes invenient eum qui non querentibus dedit ut invenient, et pulsantibus aperiet, qui clamat : *Ecce ego sto ad ostium et pulso* (*Apoc. iii.*) .

VERS. 9. — *Aut quis.* Explanat quid petendum sit, et ex humana circa filios benevolentia diligentiam Patris circa nos commendat. Petentibus Christum, recta fide non datur lapis offensionis nec duritia cordis. Ita si petieritis patrem vestrum charitatem, sine qua nil sunt cætera, ut sine pane inops est mensa cui contraria est cordis duritia.

Vers. 10. — *Si pascem. Per pascem, fides quæ subfluens Spiritus sancti nutritar.*

Piscem dicit invisibilium fidem : vel propter aquam baptismi, vel quia de invisibilibus locis capit, vel quia fluctibus hujus mundi non frangitur. In Evangelio Lucæ sequitur comparatio ovi et scorponis. In ovo et spes accipitur, quia in eo nondum est foetus persecutus ; sed levendo speratur. In scorpone, cuius aculeus retro timendus est, accipitur contrarium spei, scilicet retro aspicere, cum spes se debeat in anterius extendere.

VERS. 11. — *Si ergo vos.* Quandoquidem patres bona tribuunt filiis, ergo multo magis Pater noster, qui bonus est incomparabiliter, bona dabit petentibus se filiis. *Nostis bona.* Secundum sensum eorum bona qui ea pro bonis habent, quanquam et in rerum natura bona sunt, et in vitam istam pertinencia, quæ malus non de suo dat. *Domini enim est terra* (*Psal. xxiiii.*), etc. Vel apostoli mali dicuntur, quantum ad se respectu Dei qui solus bonus, ex quo omnes boni. *Dabit bona.* Id est Spiritum sanctum. Vel bona scilicet æterna, quæ non dantur nisi filiis. *Petenibus se.* Omnim bonorum spirituum distributorum ut opera charitatis impleantur.

VERS. 12. — *Omnia ergo, etc.* Quia amare amantem naturæ est; non amantem vero cogi beneficiis ad amorem, perfectionis Christi est. Cum nos priores, ut nobis fieri velimus aliis facere juberet, mox eundem sensum astruit dicens : *Omnia ergo quæcunque, etc., id est, bona quæ vultis accipere ab aliis, eadem facite illis ut charitas proximi impletatur, quæ sine dilectione recte non potest perfici.* Et ideo addit : *Hæc est lex et prophetæ, etc. ; quia nec Deus sine proximo, nec proximus diligitur sine Deo, quia non ex odio vel ex invidia judicandus est proximus : ergo qua charitate velletis moneri, facite aliis.* Ut faciant vobis homines. Quia addit, homines, dicit tantum de dilectione proximi. Unde nec subdit, tota lex, relinquit vero de dilectione Dei. *Quod si dixisset : Omnia quæcunque vultis fieri vobis, facite aliis : utrumque complexus esset, in qui-*

A *bus tota lex, propter salutem hominum scriptum est in prophetis et lege.*

VERS. 13. — *Intrate.* Etsi difficile sit ut aliis facias quod tibi vis fieri, tamen sic faciendum est ut intremus. *Per angustam.* Angusta queritur, nec ab omnibus invenitur. Nec omnes qui inveniunt per eam ingrediuntur, quia capti sæculo retroeunt. *Et spatiose.* Hanc etsi non querant, omnes tamen inveniunt, quia in ea nati. Voluptas, ut meretrix importuna, suis oblectamentis omnes invitat : et ideo multi intrant per eam.

VERS. 14. — *Quam angusta.* Satis angustum est omnia prætermittere, unum solum diligere, unum querere, ad unum quotidie pulsare, prospera non ambire, adversa non timere. *Et pauci.* Si pauci inveniunt, pauciores per eam intrare contendunt. Nemo intrat sine labore, et sine animi puritate.

VERS. 15. — *Attendite.* Cum dixisset arcam viam a paucis inveniri, ne forte sui implicarentur erroribus pseudo-prophetarum, adjecit : *Attendite : Attende.* Quod supra latam portam dixit, falsos prophetas apertius dicit. *Attendite.* Licit hoc de omnibus qui aliud habitu et sermone, aliud opere ostendunt, possit accipi ; tamen specialiter de hereticis qui quadam pietatis ueste tecti, venenato animo et intentione nocendi lupi sunt rapaces, vel extenuis si copia datur persequendo, vel interius corrumpendo.

Ad vos in vestimentis ovium. In conspectu hominum similes ministris justitiae dum jejunant, orant, eleemosynas dant : sed non sunt eorum fructus, quia C pro vitio eis reputatur.

A fructibus eorum. (Hinc.) Non a ueste, sed ab operibus quod de manifestis, etc., usque ad sed non debent oves pelles suas deponere, etsi aliquando eis lupi se contengant.

VERS. 16. — *Nunquid.* Allegorice. Spinæ et tribuli sunt heretici a quibus nullus sapientum sanctitatem vel veritatem poterit invenire : sed conscient et cruentant approximantes. Vel spinæ et tribuli, curæ sunt sæculi, punctuationesque vitiorum. Uva et siccus, dulcedo novæ conversationis quam Christus in nobis esurit, et fervor dilectionis, qui lætitiat cor hominis. Non ergo de spinis et tribulis uva et siccus : quia mens adhuc veteris hominis consuetudine pressa, potest simulare non ferre fructus D novi hominis. Quod si aliquando dicta vel facta malorum prosunt bonis, non hoc faciunt mali, sed sit de illis consilio Dei : quia non eorum fructus est, sed vitis quæ super spinas aliquando exuberat. Sed carpensus est botrus, spina cavenda. Vitis Christus. Sui, palmites qui ferunt uvas, id est opera spiritus quæ inebriant mentem.

VERS. 17. — *Sic omnis arbor.* Id est secundum prædictam impossibilitatem : quia de mala radice non potest fructus suavitatis erumpere. Exspectandi sunt boni fructus de bona arbore. Arbor bona vel mala non natura quæ in omnibus bona a Deo est creata, sed voluntas bona vel mala. Fructus, opera quæ nec bona malæ voluntatis possunt esse, nec

mala bona voluntatis. Fructus bona arboris gaudium, pax, patientia, longanimitas, etc.; quos fructus non nisi bona voluntas parturit. Sic econtrario mala intentio nutrit.

VERS. 18. — *Non potest.* Non ait: Non potest mala arbor bona fieri, vel bona mala; quia Paulus de persecutore factus apostolis, et anima manente integra natura, affectu voluntatis corrumpitur, vel in melius mutatur.

Voluntas uniuscujusque arbor bona vel mala. Et sicut arbor radicatur in terra, sic voluntas in anima.

Fructus male arboris sunt opera carnis, scilicet fornicatio immunda, luxuria.

VERS. 19. — *Omnis arbor.* Hac sententia hypocritas et pseudoprophetas damnat, et quod supra docuit de cordis inunditia, hoc exemplo confirmat, quod nemo de mala intentione fructum bonum percipit, nec de bona nisi bonum metit.

VERS. 20. — *Igitur ex fructibus.* Quasi dicat: A falsis prophetis attendite, et ex fructibus eos cognoscite.

VERS. 21. — *Nostri omnis qui dicit.* Sicut caveri sunt qui habent speciem bonae vitae propter dogma nequitiae, sic et hic econtrario qui, cum integræ fidei et doctrinæ sint, turpiter vivunt. Utrumque enim necesse est, ut et opus sermone et sermo operibus comprobetur.

*Qui dicit: Domine, Domine.* Iter regni Dei est obdientia, non nominis nuncupatio. Non est hoc illud vere et proprie dicere ubi prolatio discordat a voluntate. De quo Apostolus ait: *Nemo potest dicere: Dominus Jesus; nisi in Spiritu sancto* (*I Cor. xii*).

VERS. 22. — *Multi dicent.* Maxime autem caverendum est ab his qui propter nomen Christi etiam miracula habent, quæ cum propter infideles Dominus fecerit, monuit tamen ne a talibus decipiamur: putantes ibi esse invisibilē sapientiam, ubi est visibile miraculum; unde adjungit: *Multi dicent.* Quam mundo ergo et simplici oculo opus est, ut inveniatur via sapientiae inter tot deceptions.

VERS. 23. — *Nunquam novi vos.* Non novit lux tebras, id est, non aspicit, quia si asperceret, tenebrae non essent. Qui operamini iniuriam. Non qui operati estis, ne tollat poenitentiam, sed qui in iudicio; licet non habeatis facultatem peccandi, tamen habetis affectum.

VERS. 24. — *Omnis ergo.* Quasi dicat: Omnia praedicta bene tenenda sunt, quia qui tenet assimilabitur Christo; qui non tenet, diabolo. *Qui autem,* quæ in monte habita sunt: quod dicit ut ostendat sermonem in monte habitum, omnibus praecptis quibus Christiana vita informatur, esse perfectum. Assimilabitur. Quia sicut Christus de personis variis unam Ecclesiam construit, erudit, regit in vitam dedicatur aeternam, sic iste variis virtutibus perpetuam mansionem sibi aedificat, et in futura dedicatione cum Christo letabitur. *Viro.* Illi qui dicit: Ut sapiens architectus, fundamentum posui in Christo.

A Qui aedificari. Ille aedificat in Christo, qui quod audit ab illo facit. *Supra petram.* A qua Petrus nomen accepit pro firmitate fidei, id est, super seipsum aedificavit Ecclesiam.

VERS. 25. — *Et descendit.* Tribus modis diabolus impugnat: carnis concupiscentia, exterioribus mundi oblectamentis, vel per se, cum universos ventus impulsionum laxat. *Pluria.* Concupiscentia, a qua quisque tentatur, quæ sensum rigorem fidei emollit, quæ si non proficit, majora flumina eveniunt.

VERS. 26. — *Qui audit verba mea, etc.*, exterius. Et ideo non habet excusationem, sed est ruina ejus magna: quia monita salutis contempsit. *Viro stulto.* De quo dicitur: *Inimicus homo hoc fecit, cuius opera omnia instabilia sunt, et ruinæ patent.* *Super arenam.* Qualiacunque sint quæ super concupiscentiam vitiorum fundantur, non stabunt.

VERS. 27. — *Et cecidit sicutque ruina ejus magna.* Omnis conscientia quæ fixa in Deum spe non permanet, in tentationibus non valet subsistere; et tanto amplius agitur, quanto plus in his quæ mundi sunt a superioribus disjungit: et vere omnes mali vel ficti boni, ingruente qualibet tentatione peiores sunt.

VERS. 28. — *Turbæ.* Vel aliqui in turba, quia infideles, vel potius omnes de excellentia sapientiae.

#### CAPUT VIII.

VERS. 1. — *Cum autem descendisset.* Post descenditionem Domini de monte, etc., usque ad ostendit post quantum temporis intervallum. *Cum autem descendisset.* Secundum Lucam, et in campestri loco sermonem quem jam forsitan supra habuerat ei fecisset. *Secutæ sunt.* Alii propter charitatem, alii propter doctrinam, alii propter admirationem et currationem.

VERS. 2. — *Adorabat eum dicens: Domine.* Priusquam peteret, cultum divinitatis ostendit. *Si vis, potes me mundare.* De voluntate non quasi pietatis incredulus, dubito; sed quasi meæ colluvionis conscius non præsumo.

D VERS. 3 — *Extendens.* Post sermonem et miracula facit, quibus sermo apud auditores confirmatur. *Tetigit.* Non quia sine tactu sanare posset, sed ut indicet se non subjectum esse legi, sed Dominum legis, qui non timet contagium. *Tetigit.* Propter humanitatem, ut nos doceret nullum spernere pro aliqua corporis maculatione. Apparet supra legem (quæ leprosum excludit) esse gratiam, quæ sanat eum; ut ait: *Non veni solvere legem, sed adimplere,* etc. *Volo.* Eo sanavit genere quo fuerat obsecratus, deinde imperat: *Mundare.* Ecce potestas.

VERS. 4. — *Vide, nemini, etc.* Tacere jussit, nec tamen tacere potuit. Non quod aliquid voluit et non potuit, sed dat exemplum, ut sui in magnis quæ faciunt latere velint: sed ut prosint aliis, prodantur invitati. *Nemini dixeris* (*Marc. 1*). Hunc tamen Marcus ubi quod hoc praedicasse dicit quasi Evangelista factus sit. *Vade.* Mittit ad sacerdotes propter humili-

tatem, ut sacerdotibus deferat honorem quibus lex jubet mundatos munera offerre, et ut videntes credant ei : vel si non credunt, inexcusabiles sint, et ne legem frangere videretur. *Ostende te sacerdoti.* Ut sacerdos non legis ordine, sed gratia Dei supra legem curatum esse intelligat. *Offer,* etc. Quia legem non solvo, quia nondum coepit verum sacrificium. *In testimonium.* Id est, Domino credant, si impietas lepra descendat. *In testimonium.* Spiritualis curatiovis, offerendum est manus spirituale homo ipse.

**VERS. 7.** — *Ego veniam et curabo eum.* Et respondens centurio ait, etc. Magna humilitas, etc., usque ad ob impotentiam virium corporaliter ire putaretur.

**VERS. 8.** — *Non sum dignus.* Propter conscientiam vitae gentilis, magis timet gravari praesentia quam juvari, quia et si erat fide preeditus, nondum tamen erat sacramentis imbutus. Sed quod nec infirmitas nostra praesumit gratia dare novit.

**VERS. 9.** — *Nam et ego,* etc. Si ego homo, etc., usque ad ut Cornelius dicitur *vir justus et timens Deum.* (*Act. xi.*)

**VERS. 11.** — *Ab oriente et occidente venient et reccumbent.* Vel oriens, qui illuminati statim transeunt; occidens, qui passiones usque ad mortem tolerant. Per istas duas partes mundi ex quibus gentes vocandæ erant designantur.

**VERS. 12.** — *Fili autem regni ejicientur.* Quia in hoc mundo fruuntur beneficiis Dei; secundum illud : *Pluit super justos et injustos.* Nunc videntur in facie Domini, sed tunc minime. *In tenebras exteriores.* Quia a Domino foras expellentur, etc., usque ad pœnitentem quod deliquit pertinaciter. *Fletus.* Per hoc ostenditur magnitudo tormentorum. Per fletum, tormentum animæ; per stridorem dentium, corporis.

**VERS. 14.** — *Et cum venisset,* etc. Quando hoc sit factum non expressit Matthæus, etc., usque ad narranda recordationi ejus suggerere. *Et febricitantem.* Febris Græce, fervor Latine dicitur : et si quando haec passio faciat tremere, naturæ est humanæ.

**VERS. 15.** — *Et tetigit,* etc. Lucas dicit, quod rogaverunt, etc., usque ad ut *Delicta quis intelligit : ab occultis meis munda me* (*Psalm. viii.*). *Et surrexit,* etc. Naturale est febricitantibus incipiente sanitatem lassescere, etc., usque ad ministrat in spiritu.

**VERS. 16.** — *Vespere autem facto,* etc. Occasus solis, mors est Christi, per quam plures sanavit dæmoniacos, quam ante vivens in carne ægrotos.

**VERS. 18.** — *Videns autem Jesus.* Manifestum est alium esse diem, etc., usque ad amaros sæculi flutus transeanus.

**VERS. 19.** — *Et accedens.* Quod Matthæus dicit hoc factum quando jussit ire trans fretum : Lucas vero *ambulantibus illis in via :* non est contrarium : quia via ambulabant ut venirent ad fretum. *Magister.* Quasi unus sit de pluribus. Et ipse litterator erat, non spiritualis auditor. *Magistr.* Non dixit,

A Domine, sed magister : unum de pluribus magistris testimans.

**VERS. 20.** — *Vulpes foveas habent.* Quasi dicat : Quid me propter lucra sæculi, etc., usque ad divinitati Christi non est locus. *Filius autem hominis non habet,* etc. Cum homines vocent eum Filium Dei, ipse seipsum vocat Filium hominis, humiliatus causa.

**VERS. 21.** — *Alius autem.* Nota hunc vocatum esse a Jesu. *Domine.* Ille qui ingressit se vocat eum magister, ut elatus Pharisæus, alter qui receptus est, Dominum vocat humiliter, sicut publicanus.

**VERS. 22.** — *Mortuos suos.* Qui culpa exierunt, ut ipsi cum culpa vivunt. Mortuos sepelire, est peccatores in peccato sovere.

**VERS. 23.** — *Et ascendente.* Qui magna fecit in terra, transit ad mare, ut et ibi faciat, et Dominus terræ et maris appareat.

**VERS. 24.** — *Ecce motus.* Non ex se orta est tempestas, sed ejus imperio : ut discipuli magis timeant et rogant : et rogantibus ostendat potentiam. *Dormiebat.* Dormit in nobis Dominus, id est fides Domini, cum negligentius agimus, et ideo tempestas. Si vero fides resurgit, imperat ventis et fluctibus.

**VERS. 25.** — *Suscitaverunt.* Primum est Jesus in tribulationibus orationibus excitandus, ut post intercessionem surgens imperet ventis et mari, et si tranquillitas magna.

**C VERS. 26.** — *Modicæ,* etc. Si novistis potentem in terra, cur non creditis etiam in mari ? Qui parum credit, arguitur : qui nihil, contemnitur. *Imperavi,* etc. Cui imperatur, imperantem sentit. Nota quod omnis creatura creare sentit. Quæ apud nos insensibilia, isti sunt sensibilia.

**VERS. 27.** — *Qualis est hic,* etc. (Orig.) Qualis est iste, major Moyse, etc., usque ad non habent auditum obtemperant.

**VERS. 28.** — *In regionem Gerazenorum.* Geraza urbs est Arabiae, etc., usque ad a Christo visitata per prædicatores. *Duo habentes.* Marcus et Lucas dicunt unum, etc., usque ad fœditatem corporum ostendebant. *Sævi.* Marcus dicit quod nullus jam dæmoniacum, etc., usque ad impugnant aliquem transire.

**VERS. 29.** — *Jesu fili Dei.* (HILAR.) Magis suspiciati quam nosse credendi sunt. (AMBR.) *Jesu fili Dei.* Tantum eis innotuit quantum voluit, etc., usque ad videbant in eo, non credebant. *Ante tempus.* Sciebant enim sibi futuram in Dei iudicio, etc., usque ad fuerunt enim duo millia, ut Marcus ait. *Torquere nos.* Præsentia Christi tortura est eis ; vel, torquentur dum de corporibus ejiciuntur, in quorum tortura delectabantur, sicut præsentia Dei refectione angelorum.

**VERS. 31.** — *Mitte nos.* Nota multo minus eos sua potestate nocere hominibus, qui nec pecoribus possunt. Nisi quis more porci vixerit, diabolus in eum potestatem non accipit, nisi forte ad probandum.

**VERS. 32.** — *Et ecce magno.* Dignior homo bestijs,

cum propter salutem duorum hominum duo millia pororum perierunt. Liberato populo gentium, increduli agunt malos ritus in abditiis : cœca et profunda curiositate submersi.

**VERS. 33.** — *Pastores autem fuderunt.* Quia etiam quidam principes impiorum, et, si fugiunt fidem Christi, tamen potentiam ejus mirando nuntiare non cessant.

**VERS. 34.** — *Exiit obviam.* (BED.) Prodeentes, signant quosdam consuetudine ligatos, mirari quidem et venerari legem Christi, sed nolle pati : unde transire rogant. *Et invenerunt hominem* (ut Lucas ait) *vestitum et sana mente sedere ad pedes Jesu* (*Luc. viii.*) *Rogabant eum.* Rogant non de superbia de humilitate judicantes se indignos, ut Petrus fecit, et vidua de Elia. Timebant ne destrueret eos praesentia sanctitatis ejus propter peccata sua, sicut destruxerat porcos.

#### CAPUT IX.

**Vers. 1.** — *In civitatem.* Ne putes hanc esse Nazareth, etc., usque ad Capharnaum quasi metropolis.

**Vers. 2.** — *Offerebant.* Doctores sunt, qui sublevant et offerunt Christo monendo et intercedendo. *Fidem.* Quantum valet apud Deum fides propria, apud quem sic valuit aliena, ut intus et extra sanaret hominem. *Confide, fili, remittuntur tibi.* Lucas dicit : Homo, etc., usque ad tollens causam morbi, post curat corpus.

**Vers. 5.** — *Quid est.* Nota infirmitates aliquando contingere propter peccata, etc., usque ad unde : *Duplici contritione conteret eos Dominus.* (BED.) *Quid est facilius,* sed quoniam hoc spirituale non creditis, probetur signo visibili quod non minoris constat esse potentiae, ut in Filio hominis latentem cognoscatis potentiam majestatis, quæ potest dimittere peccata ut Deus.

**Vers. 6.** — *Tunc ait paralytico.* Ecce per remissionem pœnæ, dimissionem culpæ intellige. *Surge.* Surgere, est animam a carnalibus desideriis abstrahere. *Lectum tollere,* est carnem a terrenis desideriis ad voluntatem spiritus attollere. Domum ire, est ad paradisum redire, vel ad internam sui custodiam, ne iterum pecet. *Tolle lectum tuum et vade in domum tuam.* Ut quod fuit testimonium infirmitatis, sit probatio sanitatis.

**Vers. 7.** — *Et surrexit.* Magna virtus, ubi sine mora imperium salus comitur. Unde merito, qui aderant relicitis blasphemias stupentes, ad laudem convertuntur tantæ majestatis.

**Vers. 9.** — *Vidit hominem.* Hic probabilius videatur, quod prætermissa memoret, cum duodecim elegit ante sermonem. *In telonio.* Τλος Graece, Latine vectigal. Matthæus Hebraice, Latine donatus, qui tantum munus gratiae accepit : Levi, additus vel assumptus, quia divina electio eum assumpsit, et numero apostolorum addidit. *Matthæum.* Cæteri Evangelistæ propter verecundiam, etc., usque ad sermo supradictus fuit. *Surgens.* (BED.) Lucas plenius di-

A cit : relictis omnibus, secutus est eum tam corpore quam mente. Non levitate ductus, sed veritate operum, et divina potentia intus operante tractus, perfecta obedientia, et perfecta abrenuntiatio, et lucra reliquit, cupidus sequendi Christum.

**Vers. 10.** — *In domo.* Non dicit cuius, sed Lucas exprimit, etc., usque ad conversione pœnitentium ostenditur. *Ecce multi publicani.* Bonum præsagium : jam ejus exemplo multi convertuntur. Jam post se multos trahit, Apostolus et doctor gentium futurus. (HIER.) *Publicanis et peccatoribus.* Tertullianus dicit hos fuisse ethnicos, etc., usque ad præcepit : *In viam gentium ne abieritis. Peccatores venientes discumbebant.* Pœnitentes, exemplo Matthæi, veniam sperantes : unde Marcus dicit hic : *quia multi sequebantur eum* (*Marc. ii.*)

**Vers. 11.** — *Quare cum publicanis.* Omnis quæstio, etc., usque ad et omnia quæ gessit, saluti serviant.

**Vers. 12.** — *At Jesus audiens, ait.* Et susceptos pœnitentes amplius in fide confortat, et superbos ad humilitatis et pietatis gratiam provocat. *Non est opus valentibus medicus, sed male habentiibus.* Medicus est Christus, etc., usque ad Dei verbum recipiunt, esurire non possunt.

**Vers. 13.** — *Euntes autem dicite.* Tumentibus de falsa justitia consilium correctionis dat, etc., usque ad ove, et drachma, et duobus filiis. *Non enim veni vocare justos.* Nonne Nathanael, et Petrum, et Andream, etc., usque ad jam non justi sibi videntur.

**Vers. 14.** — *Discipuli autem tui non jejunant.* Joannes, Marcus et Lucas, etc., usque ad gratiam et potestatem intelligas.

**Vers. 15.** — *Nunquid possunt.* Quasi dicat : Facturi estis, ut lugentes, etc., usque ad sed ab omnibus terrenis. *Lugere quandiu cum illis est sponsus.* Hoc verbo exprimit illud jejunium, etc., usque ad postea jejunabunt, non lugebunt. *Et tunc jejunabunt.* Luctus de absentia sponsi, nec ante incarnationem defuit in patribus, nec post passionem, nisi quandiu in carne cum discipulis conversatus est. *Jejunabunt.* A mundi amore, non solum a cibis. Spirituale enim jejunium cum sit pars vite novæ, nondum eis convenit, qui per alia dediti sunt veteri vita.

**Vers. 16.** — *Nemo autem.* Quasi dicat : Carnales nondum fide passionis et resurrectionis solidati, etc., usque ad ipsi vestustati non convenit. *Tollit enim.* Id est perfectio novæ vite quæ una est dividitur, et veteri fides quam habet aufertur, cui perfectio novæ debebatur.

**Vers. 17.** — *Neque mittunt.* Eosdem discipulos veteribus utribus comparat, etc., usque ad in novitate sensus intus reformamur.

**Vers. 18.** — *Ecce princeps unus accessit.* Marcus et Lucas dicunt archisynagogum, etc., usque ad coepit remedium sperare et querere.

**Vers. 20.** — *Mulier quæ.* Salutem Judæis param, spe certa præripuit gentilitas. *Duodecim annis.* Duodecim annis fluxit, sicut et illa filia creverat

duodenis : quia ex quo Synagoga coepit Deo famulari, cœpit gentilitas idolatria et peccato pollui. **A**cessit. Credidit, dixit, quia his tribus fide et opere omnis salus acquiritur.

**VERS. 21.** — *Si tetigero. Fimbriam, non vestem.* Quia non vidit in carne Dominum, sed suscepit per apostolos incarnationis verbum. Beatus qui vel extrema partem verbi fide tangit.

**VERS. 22.** — *Confide, filia.* Credidit utique quæ peccatum, sed inculcat robur et perseverantiam in fide.

**VERS. 23.** — *Vidisset.* Tibicines sunt carmen lugubre carentes. Hi sunt magistri moerore suo subditos demulcentes, et turbam Judæorum adversus doctrinam Christi calcitrantium. *Et turbam.* Quia Synagoga latitudinem Dominicæ inhabitationis, etc., usque ad paruit in susceptione.

**VERS. 24.** — *Non est.* Vobis mortua est. Deo autem qui suscitare potest, dormit, tam in anima quam corpore.

**VERS. 25.** — *Et cum ejecta esset.* Id est, cum reprobati essent irrissores, intravit in electorum mentes. *Et tenxit manum.* Nisi prius manus Judæorum, etc., usque ad secreta potest deleri poenitentia.

**VERS. 27.** — *Transeunte.* Id est, de domo principis in tuam domum. Domus principis Synagoga est, sua domus celestis Jerusalem. *Duo cæci,* etc. Duo cæci, duo populi inscii, etc., usque ad idem factum, sed aliud simile.

**VERS. 32.** — *Hominem.* Significat gentilem populum : vel omne genus hominum, quo ducto per prædicationem ad Christum, et ablata idolatria, confessus est Christum. κωρός Græce usitatus, sed tamen indifferenter, et mutus et surdus dicunt.

**VERS. 34.** — *Pharisei autem.* In Pharisæis infidelitas Judæorum signatur.

#### CAPUT X.

**VERS. 1.** — *Et convocatis.* A curatione socrus Petri, etc., usque ad curatum centurionis servum. *Duodecim.* Hi sunt operarii qui mittendi erant, et quadrati orbis partes ad fidem Trinitatis vocaturi. Quorum prædicatio ut pondus haberet auctoritatis, datur eis potestas curandæ omnis infirmitatis.

**VERS. 2.** — *Petrus et Andreas.* Apostolorum paria jugaque social, etc., usque ad Christus in quem credebat.

**VERS. 3.** — *Thomas.* Abyssus : quia altitudinem divinæ virtutis in resurrectione certa fide penetrauit. Vel, Thomas geminus, quod est Græce didymus, propter dubium cor in credendo.

**VERS. 4.** — *Et Judas Scariothi.* Magnum in nobis exemplum doctrinæ, cum qui onnia noverat non dubitaret proditionem in discipulum eligere, atque apostolum ordinare. Habet enim Christus conscientiam munditiæ testem, cum suum non dubitet eligere proditem.

**VERS. 5.** — *In viam.* Post resurrectionem dicit: *Docete omnes gentes.* Sed hoc ante : quia prius oportet Judæis prædicari, ne causam habeant non recipiendi, quia ad gentes apostolos misit.

**VERS. 7.** — *Appropinquabit regnum cœlorum.* Per fidem prope est regnum. Sicut enim sit peccans terra, ita justus sit cœlum, in quo Deus præsidet; unde dicitur : *Regnum Dei intra vos est* (*Luc. xvii*), etc. Ecce quid debeant prædicare : Appropinquabit regnum cœlorum.

**VERS. 8.** — *Infirmos curate.* Ecclesia infirmos statu boni operis confortat, mortuos in peccatis, vel sine fide, suscitat; leprosos erroribus aspersos mundat, dæmones per exorcismos fugat. *Gratis acceptis.* Ne Judas, qui loculos habebat, de predicta potestate pecuniam congregare vellet, nequitiam ejus suppressit Dominus, dicens : *Gratis acceptis, etc.* Damnat etiam hic persolidam Simoniacæ hæreseos. Dona spiritualia pretio vilescent.

**B VERS. 9.** — *Aurum neque argentum.* Qui hæc haberent, viderentur non causa salutis prædicare, sed lucri. *Neque pecuniam in zonis vestris.* Duo sunt genera necessariorum : unum quo emuntur necessaria, aliud ipsa necessaria. Per pecuniam in zonis, illud unde emuntur : per peram quod emitur, quo ibi reponitur. De hoc in passione : *Quando nisi posse sine sacculo et pera, nunquid defuit vobis aliquid?* At illi dixerunt : *Non.*

**VERS. 10.** — *Neque calceamenta.* Et Plato dicit duas corporum summates non esse velandas, nec assuetam fieri debere mollietatem capitis et pedum : Cum autem hæc habuerint firmitatem, cætera robustiora sunt. *Neque virgam.* Matthæus et Lucas dicunt *neque virgam;* Marcus non nisi virgam : quo nomine, etc., usque ad iter prædicationis pergere debeat, ostendatur. *Dignus est.* Unde ergo necessaria? Tantum accipite, quantum ad necessitatem sufficit, ut inde securi æternis melius vacetis.

**VERS. 11.** — *Iustificate quis.* Testimonio vicinorum eligendus est hospes, ne hujus infamia prædictatio lœdatur. *Dignus sit.* Ut sciat se magis accipere gratiam quam dare. *Ibi manete.* (AMBR.) Dat constantie generale mandatum ut hospitalis necessitudinis jura custodian : ideo domus eligenda, ut mutandi hospitii necessitudinisque violandæ causa non suppetat.

**VERS. 14.** — *Excute pulverem de pedibus.* Per excusionem pulveris, intelligitur amissio itineris. *Excute pulvrem,* ad contestationem terreni laboris quem pro eis inaniter suscepit, etc., usque ad per ipsum Salvatorem narrantur abluti.

**VERS. 16.** — *Ecce ego mitto.* Illis sua pena servabilis in futurum, etc., usque ad mala inferre non debet, sed tolerare. *Sicut serpentes.* Serpentis astuta est, etc., usque ad veterem exuit hominem.

**VERS. 18.** — *In testimonium.* Ut inde perversi perirent, etc., usque ad testimonium ipsorum innocentiae.

**VERS. 19.** — *Dabitur enim vobis in illa hora quid loquamini.* Voluntatem vestram pro Christo offerte; Christus vero loquetur pro se.

**VERS. 21.** — *Tradet autem frater,* etc. Minorem dolorem ingerunt mala que ab extraneis : majorum

quæ ab illis patimur, de quorum mentibus præsumebamus : quia cum damno corporis, mala nos cruciant amissæ charitatis.

VERS. 22. — *Qui autem*, etc. Docet virtutem longanimitatis et patientiae, etc., usque ad hoc ipsum incipimus possidere quod sumus.

VERS. 23. — *Cum autem*. Hoc ad illud tempus pertinet, quo dictum est : *In via gentium ne abieritis*, quod persecutions non debeant timere, sed declinare : ut tribulationis occasio sit Evangelii seminarii.

VERS. 24. — *Nou est discipulus*, etc. Ne indigne mini tolerare quod tolero qui Dominus sum, faciens quod volo, et in agister docens quod utile scio.

VERS. 25. — *Si patrem familias*. Ostendit columnias suas, ut suo exemplo ferant injurias. Unde dixit : *Sufficit diei malitia sua. Beelzebub*. Beel ipse est Bel, Zebuh, musca, etc., usque ad vir muscarum, sive habens muscas.

VERS. 26. — *Ne ergo timueritis eos*. Eorum saeviam vel blasphemias, quia veniet dies cum Deus judicabit occulta hominum, ubi et nequitia discoperietur, et vestra intentio, nunc soli Deo cognita, ab omnibus scietur.

VERS. 27. — *Quod dico*. Hoc est, in quo volo vos constantes esse, etc., usque ad calcato carnis domicilio prædicare.

VERS. 29. — *Super*. Loquitur juxta morem Palestinæ, etc., usque ad in toto mundo dicite. *Nonne duo passeres*? Lucas : *Nonne quinque passeres veneunt dipondio* (*Luc. xii*)? Nec multum distat, ut duo asse et quinque dipondio. Dipondio enim est ex duobus assibus. Quod autem in numeris est unus, hoc in pondere as : et quod duo, hoc dipondius. *Et unus ex illis*. Quomodo ergo Apostolus : *Nunquid de bobus cura est Deo* (*Luc. ix*)? Sed aliud est cura, aliud scientia.

VERS. 30. — *Numerati*. Hoc est, scientia Dei, etc., usque ad parva otiosa que dicta eum lateant.

VERS. 32. — *Qui confitebitur*. Vel constetur quis Jesum ea fide, que per dilectionem operatur : negat qui præceptis Dei non obedit.

VERS. 33. — *Qui autem*. Negatur a Filio apud Patrem, cui non manifestatur in divinitatis potentia Filius et Pater. Constitetur a Filio apud Patrem, qui per Filium habet accessum ad Patrem.

VERS. 34. — *Pacem*. Missum est bellum bonum, ut rumpatur pax mala.

VERS. 35. — *Veni enim*. Ille Lucas ait : *Erunt quinque in una domo divisi, tres in duo et duo in tres dividentur*. Quomodo ergo, etc., usque ad circumcisio nem cæterasque carnales observantias. *Separare*. Id est, privatos carnis affectus extinguere, quibus ita invicem diliguntur, ut Deo minus serviant. Vel penitus avertantur, non quod non sint honorandi pater et mater, sed post Deum; hic est ordo charitatis.

VERS. 37. — *Qui amat patrem*. Post Deum amandi

A sunt, sed si utrumque non potest servari, odium ius suos, pietas est in Deum.

VERS. 38. — *Et qui non accipit*, etc. Crux duobus modis portatur, etc., usque ad amor Christi ostendatur. *Et sequitur me*. Aliquis enim carnem macerat pro inani gloria, vel proximo carnaliter compatitur ut culpæ faveat : Hic crucem ferre videtur, sed Dominum non sequitur.

VERS. 39. — *Qui invenit*, etc. Nomine animæ vita præsens designatur.

VERS. 40. — *Qui recipit*, etc. Cum ad predicationem mittit, etc., usque ad debere stipendia accipere.

VERS. 42. — *Et quicumque*. Qui periculum non suscipientium testimonio excussi pulvris denuntiavit, meritum recipientium ultra speratum commendat. Nota Deum magis ad pium affectum respicere quam ad quantitatem rei exhibitæ. *Uni ex minimis*. Minimi sunt qui nihil penitus habent in hoc mundo, et iudices erunt cum Christo.

## CAPUT XI.

VERS. 2. — *Joannes autem*. Et dum Christus prædicaret, etc., usque ad quis ordinem rei gestæ teneat, non appetat.

VERS. 3. — *Tu es*. Non ait qui venisti, quasi dicat : Cum ad inferna descensurus sum : debeo te nuntiare inferis, qui nuntiavi superis. An conveniat Filio Dei mori, an alium ad hæc sacramenta missurus es?

VERS. 6. — *Qui non fuerit*. Qui de divinitatis potentia non dubitaverit, hoc non contra Joannem dixisse putandus est quem mox adeo commendat.

VERS. 7. — *De Joanne*. Præcursor Christi de Christo certificare discipulos voluit, quia sensit eos dubitare. De præcursori, Christus turbas dubitantes ne dubitent docuit, mollem eum levemque putantes.

VERS. 8. — *Ecce qui mollibus*, etc. Qui ponunt pulvinaria sub cubito, qui vitam peccantium palpant, non pungunt.

Rigida vita et prædictio debet declinare mollium palatia, quæ frequentant mollibus inuidis adulantes.

(CLEM. ALEX.) Beatus Joannes, despexit quoque ovium pilis, qui delicias redoleant, pilos camelorum, etc., usque ad ab omni inani studio, vanaque boni specie, sordidoque ac illiberali decore, se removit.

VERS. 9. — *Plusquam propheta*. (BEDA.) Quia angelus non natura sed officio.

VERS. 11. — *Major Joanne*. In hoc non præfertur patriarchis, et cunctis hominibus, sed æqualis cæteris sanctis ostenditur. *Qui autem*. Id est, omnis sanctus qui jam est cum Deo, major est eo qui adhuc in mundo. Vel ego quem minorem facit multorum opinio, in Ecclesia sanctorum illi prælatus sum. Vel novissimus angelus cœli melior est quovis homine. *In regno*. Regnum cœlorum duobus modis accipitur : aut supernum, in quo nondum sumus ;

aut præsens Ecclesia, in qua adhuc vivimus, et jam A quodammodo regnamus.

**VERS. 12.** — *A diebus Joannis.* Apostolos Dominus ad oves quæ perierunt domus Israel ire jusserrat, ut ad regnum reducerentur. Sed hæc prædicatio ad profectum publicanorum et peccatorum versa est qui crediderunt. Cæterum Joanni a plebe non creditur, Christi opera non auctorisantur, quia crux est scandalum. Jam prophetia cessat, jam lex expletur; Christus aliis prædicatorum, et ab aliis recipitur: sui respunt, inimici accipiunt. Itaque regnum cœlorum vim patitur, quia gloria Israel patribus debita, a prophetis nuntiata, a Christo oblata, fide gentium occupatur et rapitur. Vel a diebus Joannis, qui præsentiam prædicavit, quia peccator reviviscit: et non ante, quia lex pœnam intulit et non per pœnitentiam vivificavit. Patria cœlestis vim patitur dum peccator ad eam quasi in alienum locum intrat per pœnitentiam. Grandi violentia est in terra nasci et cœlum capere, et habere per virtutem quod non possumus per naturam.

**VERS. 13.** — *Omnes enim.* Non quod post Joannem non fuerint aliqui, ut Agabus, sed quia quidquid prophetaverunt, de Domino yaticinati sunt. *Omnes enim.* Quia quidquid illi dixerunt, de venturo locuti sunt, hic vero venientem ostendit.

**VERS. 14.** — *Et si vultis recipere.* Ut minus excusabiles sitis, quia eum non recepistis. Ipse est Elias in virtute, non in persona, par in vita severitate, mentis rigore præcedens Christi primum adventum, ut ille secundum.

**VERS. 16.** — *Cui autem*, etc. Laudato Joanne transiit ad increpandum illos, qui nec predicatione Joannis moti sunt: vel ipsius Christi prædicationem despiciunt. Joannes talis ac tantus ut dixi, et ideo dignus, ut ei debeat credi: sed vos cui estis assimilandi, qui noluitis credere ei? *Similis est pueris.* Pueri doctores sunt humiles spiritu. Horum synagoga, vel ipsa Jerusalem, ubi jura præceptorum Dei recondebantur. Coæquales contribules quos solebant exprobrare, quod ad laudes Dei non assurererunt corde devoto, membrorum agilitate quod notat saltus. Nec per lamenta prophetarum pro excidiis jam factis vel faciendis ad pœnitentiam consensi sunt.

**VERS. 17.** — *Cecinimus vobis.* Ut David: *Exsultate Deo adjutori nostro, jubilate Deo Jacob* (*Psal. lxxx*), et hujusmodi. *Lamentavimus.* Ut: *Convertimini ad me in toto corde vestro in jejunio et fletu et planctu* (*Joel. ii*), et hujusmodi

**VERS. 18.** — *Venit enim.* Sicut tunc ita et nunc ultramque viam salutis respuitis. Lamentavimus ad Joannem, cecinimus ad Christum. Hæc est summa. Generatio ista nec plorat cum Joanne plorante, neque gaudet cum Christo gaudente. Nec mirum si duplice viam salutis contempnunt, cum et jejuniū et saturitatem petiū spernunt; si jejuniū placet, cur Joannes displicet? si saturitas, cur Filius hominis?

**VERS. 19.** — *Et justificata est sapientia, etc.* Ostendit filios sapientiae intelligere, nec in abstinentia, nec in manducando esse justitiam: sed in æquanimitate tolerandi indipiam, et temperantiam non se corrumpendi per abundantiam. Non est regnum Dei esca et potus: quorum non usus sed concupiscentia reprehenditur, in quibusdam libris habetur: *Justificata est sapientia ab operibus suis, quia sapientia non querit vocis testimonium, sed operum.*

**Vers. 20.** — *Tunc.* Qui hactenus Judeos communiter increpavit, nunc nominatim civitates exprimit, quæ frequenter auditæ doctrina et visis tot signis credere noluerunt, quibus non optat mala, sed prædictit ventura

**VERS. 21.** — *Væ tibi*, etc. Supra ubi legitur, quia circumjebat Jesus civitates et omnes vicos, curans omnem languorem: intelligendum est inter alias etiam in Corozaim et Bethsaida Dominum fecisse virtutes. Corozaim interpretatur *mysterium meum*; Bethsaida *domus fructuum* vel *venatorium*. Si in Tyro, etc. Illoc impletum modo videmus, quia Corozaim et Bethsaida præsente Domino credere noluerunt. Tyrus et Sidon postea prædicantibus Apostolis crediderunt: adeo devoti, ut Paulum Tyro abeuntem omnes cum uxoris et liberis usque ad naves prosequerentur. Cur ergo non credituris prædicavit, credituros evitavit: ipse scit cujus viæ sunt misericordia et veritas. Proposuit tamen fines Iudeæ non excedere, ne justam Pharisæis et sacerdotibus persecutionis occasionem daret. Et erant tunc qui in Corozaim essent vecandi: nec tamen de contemptu gravius puniendi,

*Tyrus, angustia. Sidon, venatio.*

**VERS. 23.** — *Et tu, Capharnaum.* Non solum Corozaim et Bethsaidæ vœ erit, sed et tibi Capharnaum. *Nunquid usque in cœlum exaltaberis?* Nonne tu es quæ fama hospitii mei, et signorum in te factorum famosa efficeris, et contra prædicationem meam superbissime restitisti? Capharnaum interpretatur *villa pulcherrima*, in qua condemnatur perfida Jerusalem, cui dicitur: *Justificata est Sodoma soror tua ex te*, id est, ex tui comparatione cum illa, quæ non est exemplo Loth correcta, tu Filii Dei verbis et miraculis semper extitisti ingratia.

**D** **VERS. 25.** — *Respondens Jesus.* Respondens tacite objectionis quasi quereretur, quæ ratio quod Iudaicus populus Dei cultor, Dei Filium in carne venientem tam obstinatus rejecit, quem gentilitas tam prona recepit? *Domine cœli et terræ.* Qui facis cœlos, et relinquis in terrenitate quos vis, vel ad literam. *Parvulis.* Sapientibus et prudentibus non opponit insipientes et hebetes, sed parvulos, ut probet se tumorem damnare, non acumen.

**Vers. 26.** — *Ita pater.* Blandientis affectu loquitur ut inceptum in apostolis beneficium compleatur. Hic exemplum humilitatis accipimus, ne temere discutere presunamus superna consilia de vocatione horum, et repulsione illorum; cum enim utrumq;

que attulisset, non mox rationem reddidit, sed sic Deo placitum dixit, ostendens quia injustum esse non potest quod justo placet. In omnibus ergo quæ exterius disponuntur, aperte causa rationis est, occultæ justitia voluntatis. *Quoniam sic fuit placitum ante te.* Ne quis iterum querat cur humiles eligat, sapientes reprobet.

**Vers. 27.** — *Omnia mihi*, etc. Tradentem Patrem, accipientem Filium, mystice intellige. Alioquin, si juxta fragilitatem nostram accipis, cum cœperit habere qui accepit, incipiet non habere qui dedit per omnia coomnipotentem nota, per tradita, Filium, cui per naturam omnia pro unius substantiae jure sunt propria, non data per gratiam. Tradita autem omnia non cœlum et terra et cætera quæ fecit : sed hi qui per Filium accessum habent ad Patrem, et ante rebellies, Dominum postea sentire cœperunt.

*Et nemo novit Filium*, etc. Seipsum revelare. Et nemo novit Patrem nisi Filius, et cui Patrem voluit revelare. Ad utrumque enim illud subdipum referunt. Verbo enim suo Pater se declarat. Et Verbum seipsum declarat, quia mentis nostræ lumen est.

*Nisi Filius, et cui Filius voluerit*, etc. Mutua cognitio, quæ est æqualitate naturæ. Illa autem tantilla quæ in nobis est, dignatione revelantis est.

**Vers. 29.** — *Tollite jugum*, etc. Jugum Christi, Evangelium est, quod Judeos et gentes in una fide conjungit. *Tollite super vos.* Id est, in honore habete : non subitus, ut contemnatis. Qui laboratis, difficultate legis, et onerati peccatis, scilicet, reficiam, si jugum tollitis, id est, præcepta mea. Et quid jugo ejus suavius ? quid onere levius ? probabilem fieri, abstinere a malo, bonum velle, amare omnes, aeterna sequi, presentibus non capi, nolle alii facere quod pati non vis.

*Discite a me.* Docente verbo et exemplo, ut sitis humiles mentibus, mites moribus. Humiles, ut neminem contemnant ; mites, ut nullum ledant. Corde, ut idem extra in opere sit et in corde, ne lateat serpens in specie columbae.

**Vers. 30.** — *Jugum enim meum.* Quomodo Evangelium lege levius est, cum ibi opera, hic et concupiscentia damnatur ? Sed in lege multa jubentur, quæ Apostolus impleri non posse dicit : hic voluntas queritur quæ in arbitrio nostro est, et quæ sola sufficere potest et præmium habere. Item quomodo jugum Christi suave, cum supra dicitur : *Arcta via est quæ dicit ad vitam.* Sed angusta, quia non nisi angusto initio incipitur, processu vero temporis inefabili dilectionis dulcedine dilatatur.

*Onus meum.* Quia illud momentaneum nostræ tribulationis æternum pondus gloriae operatur in cœlis (*I Cor. iv.*).

#### CAPUT XII.

**Vers. 1.** — *In illo tempore.* Narrata prædicatione et miraculis unius anni ante quæstionem Joannis factis, transit ad illa quæ facta sunt alio anno, scilicet, post mortem Joannis, quando jam in omnibus Christo contradicitur. *Esyentes*, etc. Quia, ut alius

Ait evangelista, nec locum vescendi habebant pro turbis : propter nimiam importunitatem eorum. Alii Evangelistæ addunt : *manibus confricasse* (*Luc. vi.*). Unde et Petro dicitur : *Macta et munduca* (*Act. x.*).

**Vers. 2.** — *Non licet.* Secundum præceptum legis. Sed quia alia scriptura dicit : *Misericordiam malo quam sacrificium* (*Ose. vi.*), melius fuit hominem de famis periculo liberare, quam sacrificium Deo offerre, quia hostia placens est salus hominum. De vastatione frugum non arguant, quia licet per legem inde edere.

**Vers. 3.** — *At ille dixit*, etc. In hoc facto nihil aliud instruimur, nisi ut sabbatum non ad litteram, sed spiritualiter intelligamus. *Non legistis.* Si David et Abimelech non reprehenditur, quorum uterque mandatum legis probabili necessitate transgressus est, et hic similis causa famis est, cur non idem probatis in apostolis ?

**Vers. 4.** — *Panes propositionis.* Quod significavit sacerdotalem cibum transiturum in usum populorum. Vel quia omnes sacerdotes debemus imitari. Vel quod omnes sacerdotes sumus.

**Vers. 5.** — *Quia sabbatis sacerdotes.* Hic sine necessitate ostendit sabbatum violari ab ipsis qui calumniantur. Unum exemplum datum est regiæ potestatis de David : aliud sacerdotalis, de his qui per ministerium templi sabbatum violent, ut multo minus ad ipsum pertineat crimen spicarum sabbato vulsarum, qui verus rex et sacerdos est et dominus sabbati.

**Vers. 6.** — *Dico autem robis.* Quasi dicat : Si figurale templum potuit defendere sacerdotes sibi servientes, cur spirituale non potest defendere discipulos sibi credentes ?

**Vers. 7.** — *Si autem.* Et vos ostenderet omnia futuri temporis speciem continere, adjecit : *Si autem sciretis*, id est, quia Deus per gratiam disposuit liberae populum, et non per extiores observantias, non reprehenderetis meos, si vetera omittunt.

**Vers. 8.** — *Dominus est enim.* Si David pastus et sacerdotes templi ministerio sabbatum violentes sine crimine sunt, quanto magis Filius hominis, qui verus est rex et sacerdos et dominus sabbati ?

**Vers. 10.** — *Et ecce homo.* Iste homo dicitur clementarius fuisse, quia manus cui spiritualis aedificii cura commissa fuit, arida erat usque ad tempus Christi. *Ecce homo manum*, etc. Significat humanum genus in fecunditate boni operis auctum pro manu ad pomum extensa, quam sanavit manus innocens in cruce extensa. Bene manus in Synagoga erat arida, quia ubi majus donum scientiæ, ibi transgressor majori subjacet culpe.

*Interrogabant.* Quia discipulos de violatione sabbati probabili exemplo excusaverat, ipsum volunt columnari, ut si non curet, crudelitatis, vel imbellitatis : vel si curet, transgressionis arguant.

*Sabbatis*, etc. Præcipue sabbatis docet et operatur Jesus, non solum propter speciale sabbatum,

sed et propter celebriorem populi conventum, quæ A  
rens salutem omnium.

**VERS. 11.** — *Quis erit.* Competenti exemplo solvit  
quæstionem, ut eos ostendat sabbatum violare in  
opere cupiditatis, qui eum violare arguant in opere  
charitatis. Arguit eos qui legem male interpretan-  
tur, qui dicunt in sabbato a bonis operibus ferian-  
dum. Sed a malis tantum feriandum est; unde dicitur: *Omne opus servile non facietis in eo* (*Levit. xxii*). Id est, peccatum. Sic et in æterna requie a  
malis tantum feriabantur, non a bonis.

**VERS. 13.** — *Extende.* Quia nil plus valet cura-  
tioni eleemosynarum largitate, unde dicitur: *Non  
sit manus tua ad accipendum porrecta, sed ad dan-  
dum collecta* (*Eccl. iv*). Quia frustra pro peccatis ro-  
gaturus manus ad Deum expandit, qui has ad pau-  
peres pro posse non extendit. B

**Sicut altera.** Homo ante adventum Christi dexte-  
ram habuit languidam, quia ab eleemosynis torpe-  
bat: sinistram sanam quia suæ utilitatî intendebat:  
sed veniente Christo dextera sanatur ut sinistra;  
quia quod congregaverat avide, modo distribuit chari-  
tate.

**VERS. 15.** — *Recessit inde.* Nota exemplum: *Si  
vos persecuti sunt in una civitate, fugite in aliam* (*Math. x*). *Secuti sunt.* Docti visis virtutibus perse-  
quuntur, indocti opinione ejus ducti amando se-  
quuntur, unde et curari merentur.

**VERS. 16.** — *Et præcepit.* Non timore, ne proditus  
accideretur, sed parcendo Iudeis, ne invidia truci-  
darentur in ejus innoecitia et mansuetudine. Hic C  
mystice nos instruit, ne cum aliquid magnificamus,  
laudem foris queramus.

**VERS. 18.** — *Animæ meæ.* Per animam omnis af-  
fectus demonstratur.

**VERS. 20.** — *Arundinem.* Iudeos, omni vento ce-  
dentes, qui ab invicem discrepando dissipati sunt,  
non mox damnabit, sed supportabit. *Arundinem  
quassatam.* Qui peccanti non porrigit manum, nec  
portat onus fratris, quassatum calunum confringit.  
Et qui fidei modicam scintillam contemnit in par-  
vulis, linum fumigans extinguit: quod Christus  
pon fecit, qui potius venit querere quod perierat;  
patientiam namque servavit, donec judicium quod  
in eo agebatur, ad victoriam perveniret, et expulso  
mundi principe ad regnum rediret, in dextera Patris  
sedens, donec popat inimicos sub pedibus. *Linum  
fumigans.* Gentes, quas naturalis legis ardore fere  
extincto fumus erroris amarissimus, et odoris  
noxius involvit: quas non extinxit, sed de parva  
scintilla in magnum ardorem ignis Dei suscitavit.  
*Donec.* Tandiu prædicatio ejus nullis insidiis supe-  
rata mundo lucet, donec ponat in terra judicium,  
et impleatur: *Fiat voluntas tua, sicut in cœlo et in  
terra.*

**VERS. 22.** — *Et curavit.* Tria signa simul facta  
sunt quæ et quotidie in conversione hominum flunt,  
ut expulso dæmonie lumen fidei videant et Deum  
laudent.

A **VERS. 24.** — *In Beelzebub.* Beel, id est, Baal :  
muscarum, ob sordes immolatitii sanguinis: deus  
est Accaron, quo nomine vocant principem dæmo-  
niorum.

**VERS. 25.** — *Omne regnum.* Necessaria com-  
plexione eos arguit. Vel enim Christus virtute Dei  
dæmones ejicit, vel in principe dæmoniorum. Si vir-  
tute Dei, frustra calumniantur. Si in principe dæ-  
moniorum, regnum ejus divisum est, nec stabit: et  
ideo a regno ejus recedant: quod innuit eos sibi  
elegisse, dum in se non credunt.

**VERS. 26.** — *Et omnis civitas.* Eadem ratio est ci-  
vitatis et domus, quæ regni. Civitas Jerusalem sem-  
per gloriosa, postquam in Christum et in Apostolos  
exarsit, facta divisione, excidio cecidit.

**VERS. 27.** — *Et si ego in Beelzebub.* Si expulsio  
dæmonum in filiis vestris Deo non dæmonibus depu-  
tatur, quare in me idem opus eamdem non habet  
causam?

*Ipsi*, etc. Contemptibilia mundi in quibus sancta  
simplicitas meæ virtutis appetit. Vel ita potius: Fi-  
lii, id est, Apostoli qui bene sibi concisi erant, nihil  
male artis ab eo didicisse: ideo ipsi testes moi judi-  
cii, judicantes duodecim tribus Israel.

**VERS. 28.** — *Si autem ego.* Illa pars: *Si ego in  
Beelzebub ejicio dæmones,* ad plura inconvenientia  
perducta est, modo agitur de alia parte complexio-  
nis. *Si autem ego in spiritu Dei.* Hic Lucas ait: *in di-  
gito* (*Luc. xi*). Digitus dicitur Spiritus sanctus pro  
partitione donorum. Regnum Dei, vel seipsum dicit.  
Unde alibi: *Medius inter vos stetit, quem vos nescitis* (*Luc. xi, Joan. i*). Vel, regnum quod Joannes et ipse  
Jesus predicavit. *Pœnitentiam agite: appropinquabit  
enim regnum cœlorum* (*Math. xxi*). Est et tertium  
regnum Scripturæ sanctæ, quod auferunt a Iudeis et  
datur genti facienti fructum ejus. Vel regnum, id est,  
omnes mundi partes, Apostolis et successoribus eo-  
rum ad convertendum distribuit.

**VERS. 29.** — *Aut quomodo potest.* Ostendit ergo  
Dominus per manifestam parabolam, quod non con-  
cordat in fallaci operatione cum dæmonibus sicut  
calumniabantur, sed virtute divinitatis homines a  
dæmonio liberaret; ideoque grande scelus commit-  
tunt, qui quod Dei esse cognoverant, diaboli esse  
clamabant. Neque enim possunt esse concordes:  
quorum opera diversa sunt. Unde addit: *Qui non est  
meum, etc.*

*Domum illius.* Vel domum, id est, omnes mundi  
partes Apostolis et eorum successoribus ad conver-  
tendum distribuit.

**VERS. 30.** — *Qui non est meum, etc.* Id est, qui  
dissimilia meis facit opera, contrarius mihi est:  
ille trahit ad vitia, ego ad virtutes.

**VERS. 31.** — *Omne peccatum et blasphemia.* Quod  
humana fragilitate contrahitur, remissibile est, si  
congregatio non deseratur. Si vero diabolica obsti-  
natione de dispersione ad congregationem nunquam  
reditur, peccatum insolubile judicatur.

(IIER.) *Omne peccatum.* Non omnia peccata omni-

bus remittuntur, sed his, etc., usque ad omnes veniam consecuturos post universale judicium, transactis licet multis saeculis, asserens.

*Spiritus autem.* Qui manifeste opera Dei intelligit, cum de virtute negare non possit, si stimulatus : invidia calumniatur, et dicit esse Beelzebub, isti non dimittetur. Non quod et ei negetur remissio si pœniteret : sed quia hic blasphemus, exigentibus meritis suis malis, sicut nunquam ad remissionem, ita nec ad pœnitentiam per venturus sit. Sicut Johannes evangelista de quibusdam blasphemieœ suæ merito execratis ait : *Propterea non poterant credere* (Joan. x). Quod iterum dixit Isaías : *Excavavit oculos eorum* (Isa. vi). Qui Spiritum sanctum non esse, vel minorem Patre credunt, et dicunt : quia non invidia diabolica, sed humana ignorantia hoc faciunt, irremissibili criminè non tenentur. Sed qui in similitudine diaboli contra conscientiam suam majestatem Dei oppugnant, non habent remissionem in æternum, sicut Marcus aperte declarat : qui posito hoc testimonio Domini sub junxit : *Quoniam dicebant, spiritum immundum habet* (Matth. iii).

**VERS. 32.** — *Et quicunque.* (AMBR.) Etiam qui scandalizatus infirmitate carnis meæ, purum hominem vel voratorem suspicatus fuerit, remissibile erit.

*Qui autem.* Gratiam sancti Spiritus qua pœnitentia inspiratur et ad congregationem redditur, non cognoscens impœnitenti corde permanserit : cum hoc jam non sit humanum, sed diabolicum, irremissible erit. *Neque in hoc saeculo.* Quædam enim culpæ in hoc saeculo laxantur : quædam vero (parvæ scilicet) etiam in futuro. Quæ quidem post mortem gravant, sed et dimittuntur, si homo bonis actibus in vita, ut ibi dimittantur, promeruit. *Neque in futuro.* Quia sunt quædam levia, quæ si in hac vita nondum sunt remissa, post mortem gravant, sed et remittuntur, si digni sunt.

**VERS. 33.** — *Aut facite.* Nihil enim medium quin boni auctoris bona tantum sint opera, et mali mala. Coarctat eos hinc inde complexione, et utroque cornu premit. Si malus est diabolus, non facit bona ; si bona sunt, non sunt diaboli.

*Aut facite, etc.* Mystice arbor bona, Christus ; fructus, prædicatio Evangelii ; curationes, redemptio. Arbor mala diabolus et sui, id est, Scribæ et Pharisæi : et cæteri mali fructus, invidia, detracțio, blasphemia, hæresis et hujusmodi.

**VERS. 34.** — *Progenies ripararum,* etc. Ostendit eos malam arboreum : et fructus afferre blasphemieœ. *Ex abundantia.* Homo sœpe fallitur, qui pensat cor ex ore, et opere. Sed Deus opus et verba ex corde quod novit judicat. Illi ergo ex abundantia cordis os loquitur qui scit ex qua intentione exit.

**VERS. 35.** — *Bonus homo.* Thesaurus cordis intentio est, ex qua Deus judicat opera, ut et aliquando minora majorem, majora minorem habeant mercedem. Illoc in loco, vel Judæos ostendit de quali thesauro proferant blasphemiam. Vel cum superio-

ribus hæret, quod sicut bonus homo non potest proferre mala, vel malus bona, sic nec Christus mala, nec diabolus bona opera potest facere.

**VERS. 36.** — *Verbum otiosum.* Si de otioso verbo reddet homo rationem in die judicii, quanto magis vos qui opera sancti Spiritus dicitis esse Beelzebub.

(GREG.) Otiosum verbum est, quod aut utilitate rectitudinis, aut ratione justæ necessitatis caret, quod scilicet, etc., usque ad hic non otiosi verbi sed criminosi tenebitur reus.

**VERS. 37.** — *Ex verbis.* Mors et vita in manibus linguae.

**VERS. 38.** — *Tunc responderunt.* Cum Scribæ et Pharisæi verba nullatenus possent improbare, in operibus querunt tentare, querentes signa videre, quasi non fuerint signa quæ viderant.

**VERS. 39.** — *Nisi signum Jonæ.* Ostendit Judæos ad instar Ninivitarum criminosos, et nisi pœniteant subversioni proximos. Sed sicut illis et denuntiantur supplicium, et demonstratur remedium : ita Judæi non debent desperare veniam, si saltem postquam Christus resurrexit a mortuis, commoniti egerint pœnitentiam : quia mors Christi reconciliatio est mundi.

**VERS. 40.** — *Sicut enim fuit Jonas.* Jonas, id est, dolens, significat illum qui dolores nostros portavit. Vel columba : Piscis qui voravit in pelago, mors quam passus est in mundo. Sicut ejectus est in ariam, sic Christus surrexit in gloriam.

**C** *Tribus diebus.* More antiquorum, qui diem cum nocte præcedente computabant. Partem diei qua sepultus est cum præterita nocte, pro nocte et die accipe, hoc est pro toto die per syncedochen. Sabbati noctem et diem integre. Noctem Dominicam cum eadem die illucescente, partem pro toto, et ita habes tres dies et tres noctes. Primi dies propter futurum hominis lapsum a luce in noctem. Iste propter hominis reparationem a tenebris ad lucem computantur.

*Mystice.* *Tres dies,* tria tempora, ante legem, sub lege, sub gratia. *Tres noctes,* tres mortui quos suscitavit Dominus.

**D** *VERS. 41.* — *Viri Ninivitæ.* Et est sensus : Jonas paucis diebus et sine signis prædicavit genti incredulæ, et profecit : ego longo tempore, et populo Dei, et compluribus signis, in vanum prædico. Eo magis indigni sunt venia, qui ex lege sunt insidieles, quo plus est fidei in his, qui legem nescierunt. *Ninive, speciosa :* signat gentilitatem quam Christus amavit fœdam, ut faceret pulchram. In Ninivitis et regina Austræ, fides Ecclesiæ signatur, quæ non minus per pœnitentiam peractæ insipientiæ quam per industria discendæ sapientiæ Deo conciliatur. Duæ enim partes sunt Ecclesiæ, quæ peccare nescit, et quæ peccare desistit, pœnitentia enim peccatum abolet, sapientia cavit.

**VERS. 43.** — *Cum autem,* etc. Quasi dicat : Vos non estis similes Ninivitis vel reginæ Austræ : quia me prædicante pœnitentiam non pœnituitis, et nuc-

docente sapientiam non didicistis. Sed estis similes homini a quo diabolus exclusus iterum ingreditur.

*Distat inter opera mea qui polluta mundo, et Santæ, qui mundata gravius contaminat.*

*Ambulat per loca. Explorat corda fidelium a molitie fluxæ cogitationis purgata, si quos gressus ibi sfigere possit quod, quia nequit, ad humida redit.*

**VERS. 44.** — *Revertar in domum.* Sub umbra dormit, in secreto calami, et locis humentibus. Umbra tenebrosa, conscientia : calamus foris nitidus, intus vacuus, simulacrum : locus humilius, lasciva molisque mens.

**VERS. 45.** — *Septem alios spiritus.* Septem vitia, septem virtutibus spiritualibus contraria. *Nequiores.* Quia non modo habet vitia, sed et bona simulat. Tanto nequiores, quanto callidores. Septem, quia tot erant gratiae cum Christo destinatae.

Septem vitia, septem dæmonia septem spiritibus contraria spiritui sapientiae et intellectus, etc.

*Sic erit, etc.* Quod de una sola re dixit, hoc in hac tota gente fit. Immundus Spiritus a Judeis exivit, quando legem acceperunt. Ambulavit ad gentes, quæ cum postea Domino crederent, non invento loco in eis dixit : *Revertar in Judæos vacantes præsidio Dei et angelorum, incrépationibus et correctionibus mundatos, ornatos superfluis observationibus. Adduntur septem, quia multo majore numero dæmonum possidentur blasphemantes Jesum quam in Ægypto possessi fuerunt. Contra septem spiritus virtutum est numerus vitiorum.*

**VERS. 46.** — *Ecce mater ejus.* (RAB.) *Mystice.* Mater et fratres populus est Judæorum qui Jesu intus docente non possunt intrare, quia spiritualiter ejus verba, etc., usque ad Fratres Domini sunt consobrini ejus, filii Mariæ materteræ ejus : quæ dicitur *mater Jacobi minoris et Joseph, et Judæ et Simonis.*

**VERS. 47.** — *Dixit autem ei.* Insidiose, utrum spirituali operi carnem præferat : et ideo se nosse dissimulat matrem et proximos per cognitionem, sed per conjunctionem spiritus esse sibi proximos dicit.

**VERS. 48.** — *Quæ est mater mea?* Non recusat obsequia matris, sed præfert ministeria Patris : fratres non contemnit, sed opus spirituale præfert cognationi, ut et nos carni spiritum præferamus. Unde : *Qui amat patrem aut matrem plus quam me, non est me dignus* (Matth. x). *Ecce mater mea,* etc. Hi sunt mater mea, qui me in credentium cordibus generant. Hi sunt fratres, qui faciunt opera Patris mei. Fratres et soror credendo, mater prædicando.

### CAPUT XIII.

**VERS. 1.** — *In illo die.* Per hoc indicat hoc gestum consequenter, nisi forte dies ponatur pro tempore, more Scripturæ. Marcus eundem tenet ordinem. Lucas in aliud transit, sed nec repugnat huic. (RAB.) Non solum facta et dicta Domini, sed et

A itinera, etc., usque ad ad quæ Judæi non intraverunt, foris in littera fixi.

**VERS. 2.** — *Turba stabat.* Illi sunt qui nuper audire venerunt, qui et a fluctibus maris secreti sunt, necdum cœlestibus mysteriis quæ desiderant imbuti cum Christo ascendant.

**VERS. 3.** — *Locutus est multa.* Quia turba non unius est sententiae sed diversarum voluntatum, loquitur eis multis parabolis, ut juxta varias voluntates, diversas recipient disciplinas. *Qui seminat.* Ipse Christus, qui verbum veritatis quod apud Patrem vidit, hominibus per se vel per suos seminavit. Qui discipulis sacramenta loquebatur, exiit seminare Dei verbum in turbas.

**VERS. 4.** — *Secus viam.* Via est, mens malarum cogitationum sedulo meatu trita et arefacta. Ubi dupliciter perit semen, quia et transitu cogitationum concultur, ut Lucas ait, et a volucribus rapitur. Dæmones dicuntur volucres, seu quia cœlestis spiritualisque nature, seu quia per aera volitant. *Et venerunt.* Secundum Lucam ab hominibus conculturatum est, quia prava persuasione impiorum sublatum est. *Et comedenterunt.* Quia a mentibus hominum illud surripuerunt.

**VERS. 5.** — *In petrosa.* Petrosa cito querunt germinare, sed non sigfit radix, quia non est alta terra, id est, quia parum inest desiderii salutaris. In hac expositione Domini discimus, quia res non semper in eadem significacione ponuntur. Nam petra hic pro duritia, terra pro lenitate mentis, sol pro fervore persecutionis. Cum sol alibi in bono : *Fulgebunt justi sicut sol* (Matth. xiii), et petra in fundamento, pro fortitudine fidei, et terra pro terrenis cogitationibus. *Altitudinem terræ.* Altitudo terræ est probitas animi disciplinis cœlestibus eruditæ, et in temptationibus probati.

**VERS. 8.** — *Sexagesimum.* Quia in numero scenario mundi ornatus expletus est, per hunc bona operatio signatur.

**VERS. 9.** — *Qui habet aures audiendi.* Quoties haec admonitio in Evangelio vel in Apocalypsi Joannis interponitur, mysticum quod dicitur insinuatur.

**VERS. 10.** — *Et accedentes discipuli,* etc. Quomodo accedunt discipuli cum Dominus in navi sederet? Sed forte intelligendum, quod dudum cum ipso nave concenterint : et ibi stantes querunt.

**VERS. 11.** — *Vobis datum est.* Nota non solum verba Domini, sed et facta, parabolas esse : id est, signa mysticarum rerum, quæ non intelligebant multi qui foris sunt.

**VERS. 12.** — *Qui enim habet.* Id est, apostolis habentibus fidem, si quid minus virtutum habent, conceditur Judæis, qui non credunt in Filium Dei, etiam si quid boni per naturam habent, tollitur. Nam nihil possunt sapienter intelligere qui caput non habent sapientiae. *Ausseretur ab eo.* Nulla vere sapientiae dulcedine gaudebit.

**VERS. 13.** — *Ideo in parabolis.* Dicitur quod ideo executi sunt, et sententiae Domini per parabolas

eis occultatae sunt, ut post salubrius converterentur. Nam quia obscure dicta non intellexerunt, ideo non crediderunt in eum, et sic crucifixerunt, et sic post resurrectionem miraculis territi, majoris criminis reatu compuncti sunt. Unde accepta indulgentia ampliori flagrant dilectione. Sed Joannes hunc locum ita dicit : *Propterea non-poterant credere, quia iterum dixit Isaías : Excavavit oculos eorum, ut non videant (Joan. xi).* Ubi aperte dicit non ideo factam excæsationem, ut ea commoniti, et dolentes se non intelligere, converterentur aliquando : non enim hoc possent nisi crederent, sed potius ideo excæscati, ut non crederent, quod aliis peccatis meruerunt. *Videntes non vident.* Sicut avarus multas habet opes et nullas, quia inutiles sunt ei.

**VERS. 14.** — *Auditū audietis.* Hæc de turbis prophetata sunt, quia stant in littore, et Domini non merentur audire sermonem.

**VERS. 15.** — *Oculos suos.* Id est, ipsi sibi causa fuerunt ut Deus eis oculos clauderet.

*Ne quando.* Id est, ideo, quia oculos et aures aperire noluerunt, non meruerunt aliquando converti : quod tamen misericorditer factum est eis.

**VERS. 16.** — *Beati.* Vere beati, quia hoc etiam præsentialiter videre et audire meruerunt, quod nullus priorum quantivis meriti meruit, quamvis multum desideraverit.

**VERS. 17.** — *Et justi.* Lucas justos reges dicit, quia motus suos bene regunt

**VERS. 18.** — *Vos ergo audite.* Primam parabolam exponit, ut idem attendant in cæteris. Exponit non secundum singula verba, sed summam sententiæ.

(*Aug. sup. Gen.*) Proinde quod narravit evangelista (etiam factum est) Dominum scilicet talia fuisse locutum. Ipsius autem, etc., usque ad illud quippe scripsit narrator rerum præteriorum, hoc prænuntiator tantummodo futurorum.

**VERS. 20.** — *Super petrosa.* Super petram et in spinis seminantur, qui bene accipiunt : sed vel adversa terrendo, vel prospera blandiendo, retardant eos ne perficiant. Divitiis jungitur sollicitudo custodiæ, quæ affligit, et voluptas, quæ effluere facit.

**VERS. 22.** — *Fallacia divitiarum.* (*Chrysost.*) Sufocantur spinis quæ audivimus, non quidem ipsarum spinarum culpa, sed ejus qui illas, etc., usque ad duo quippe vitia inter se opposita in divitiis sunt, unum quod incendit sollicitudinem, et offuscatur curis : alterum quod moliores deliciis reddit.

**VERS. 23.** — *Aliud quidem centesimum.* (*Rab.*) Tres differentiæ sunt in bona terra, sicut fuere in mala. Triginta enim resertur ad nuptias. Sexaginta ad, etc., usque ad tricesimum conjugatorum, quia bœc est ætas prælianum, et his est major conflictus ne libidine superentur.

**VERS. 24.** — *Aliam parabolam.* Quasi dives paternæ familiæ invitatos diversis reficit cibis, ut unusquisque secundum naturam stomachi sui varia alimenta suscipiat. Unde et dixit aliam parabolam et non alteram, ut plures sequi intelligentur. Hæc parabola

A proponitur, dimissis turbis, domi rogantibus discipulis exponitur. Et docet hic bonam voluntatem, et cautelam, et patientiam, et discretionem, et longanimitatem, et justitiam.

**VERS. 25.** — *Homines.* Qui aliis ad tutelam et custodiam deputati sunt prælati in Ecclesia : vel cum dormitionem mortis accipient apostoli.

**VERS. 28.** — *Vis, imus.* Cum spiritualis homo audit hoc esse a diabolo qui nihil valet contra voluntatem Dei, potest ei voluntas suboriri, ut tales auferat de mundo si facultatem habeat. Sed consultit justitiam Dei, an facere debeat, et an Deus velit esse hoc officium hominum. Sed Veritas respondet : Non nosse hominem in hac vita qualis futurus sit qui modo errat, et quid bonis conferat ejus error : et B video eos non esse tollendos, ne forte interficiantur, qui forte futuri sunt : vel ne bonis obsit, quibus prosunt, etc. Tunc vero opportune fieri, cum jam non est commutandæ vitæ tempus et proficiendi aliis : et tunc non ab hominibus, sed ab angelis dicit fieri.

**VERS. 29.** — *Et ait: Non, etc.* Ecce patientia. Non enim auditio dolore exarsit in iram, nec vox ulisci voluit, ita et nos læsi patienter feramus.

*Ne forte.* Hic datur locus penitentiaz et non emur non cito amputare : quia qui errat hodie, cras forte defendet veritatem. Si ergo modo avelleretur, triticum quod futurum erat eradicaretur. Vel necesse est ut mali permisti sint bonis per quos exerceantur. Vel quorum comparatione nitantur ad melius, quibus C sublati altitudo charitatis marcescit quod est eradicari.

Ibi patienter tolerandi sunt mali, ubi aliqui inventiuntur quibus adjuventur boni.

<sup>1</sup> (*Aug.*) Multitudo non est excommunicanda, nec princeps populi.

**VERS. 30.** — *Sinite.* Hoc videtur contrarium illi apostolico : *Auserte malum ex vobis (I Cor. v).* Sed sicut inter lolium et triticum quamdui herba est, parum distat : ita monet Dominus ne de ambiguo judicemus, quod Dominus in die judicii non suspiciose, sed manifeste damnabit.

In patiendo justitiam meditemur : in judicando justitiam non negligamus.

**D** *Et in tempore.* Qui longanimer tulit per justitiam, digna retribuit : discretæ enim sunt virtutes, sed non contrarie. *Et alligate.* In hac vita non est alligatione, alioquin non tot ab errore resipiscerent.

**VERS. 31.** — *Simile est regnum, etc.* Regnum coelorum, prædicatio est Evangelii, de qua alibi : *Ausseretur a vobis regnum Dei, et dabatur genti facienti fructum ejus (Matth. xxi).* Vel notitia Scripturarum. *Grano sinapis.* Grano sinapis comparatur pro fervore fidei, quia dicitur venena expellere, id est, omnia dogmata pravitatis. Potest in grano sinapis humilitas Dominicæ incarnationis intelligi. Quo accepto homo misit in hortum suum, quia corpus crucifixi Salvatoris accipiens Joseph in horto sepelivit. Expandit ramos in quibus volucres cœli re-

quiescent, quia prædicatores dispersit in mundum, in quorum dictis et consolationibus fideles ab hujus vita fatigione respirarent.

VERS. 32. — *Cum autem creverit.* Toto mundo vel in animo singulorum: quia nemo repente perfectus. Crevit et factum est in arborem, quia surrexit et ascendit in cœlum. Vel creverit, id est, mentibus hominum quantæ sit virtutis innotuerit. Cætera apparent olera, quæ cito crescunt et corruunt: non vivida, sed mortua: illa non olus, sed arbor sit, ubi folia cum fructu, et in ejus diversis sententiis spirituales quiescant.

*Oleribus et sit arbor.* Id est, dogmatibus philosophorum, quæ cito crescunt et corruunt, nō vitale promittentia.

VERS. 33. — *In farinæ satis.* Ut spiritus, anima, et corpus in unum redacta non discrepent inter se. Vel tres animæ virtutes in unum rediguntur, ut in ratione possideamus prudentiam, in ira odium viatorum, in cupiditate desiderium virtutum. Vel, mulier, Ecclesia, fidem hominum farinæ tribus satis miscet, credulitati Patris et Filii et Spiritus sancti. Cumque in unum fuerit fermentatum, non nos ad triplicem Deum, sed unius deitatis notitiam perducit, quia non est diversa natura in singulis.

*Donec fermentatum.* Tandiu charitas in mente recondita crescere debet, donec mentem totam in sui perfectionem commutet, ut nihil præter Deum diligit vel recolat, quod hic incipitur, in alia vita perficitur.

VERS. 34. — *In parabolis ad turbas.* Quia quidquid ibi dicitur de exercitu Israel, et omnia signa occulta sunt sacramenta.

VERS. 44. — *Thesauro abscondito in agro.* Thesaurus potest accipi verbum Dei, qui in carne Christi absconditur. Vel Scriptura, in qua reposita est notitia Salvatoris. Vel, duo Testamenta in Ecclesia, pro quorum intelligentia omnibus renuntiatur ut in otio discantur.

Terrenis regnum cœlorum similatur, ut per cognita surgat ad incognita animus, et diligit.

*Abscondit et præ gaudio illius.* Ut servetur a malignis spiritibus et laudibus hominum. Sic sit opus in publico, ut intentio maneat occulta.

VERS. 45. — *Negotiatori.* Beatitudinem qua exuti sumus culpa primi hominis, debemus omnes, intelligendo recte et operando bene, negotiari. *Bonas margaritas.* Bonæ margaritæ, lex et prophetæ. Una pretiosa, scientia Salvatoris, pro qua homo, ut Paulus, omnibus mysteriis legis et observationibus renuntiavit.

VERS. 46. — *Inventa autem.* Id est, Christo, qui præest omnibus hominibus, vel spirituali præcepto dilectionis. Vel intellecto verbo, quod erat apud Deum penetrata carnis testudine. Vel cœlestis vita dulcedine, pro qua omnia vilescent.

VERS. 47. — *Sagenæ missæ.* Impletur Jeremiæ vaticinium: *Ecce ego mitto ad vos pescatores multos* (*Jer. xvi.*). Postquam audierunt Petrus et Andreas, Jacobus et Joannes: *Sequimini me, faciam vos pescatores hominum:* contexerunt sibi sagenam ex Ve-

A teri et Novo Testamento, et in mare sæculi miserunt, quæ usque hodie trahitor, et in fluctibus tenditur: capiens quidquid incidit, bonos et malos, quos ad littus trahit, id est, ad finem mundi, ut tunc fiat divisio. Unde sequitur: *Sic erit in consummatione sæculi,* etc. Sagenæ comparatur Ecclesia vel prædicatione evangelica, quæ a fluctibus sæculi ad cœlum trahit.

VERS. 48. — *Et secus littus.* Littus, finis sæculi, in quo boni ad cœlum, mali ad tenebras mittentur: in præsenti enim erant permisti.

VERS. 52. — *Ideo omnis Scriba doctus,* etc. Quia intelligitis mysteria quæ vobis revelo: ideo faciam vos prædicatores, et eritis mihi similes qui de thesauro scientie meæ, nova et vetera profero, ut vos similiter faciatis.

Apostoli sunt scribæ et notarii Christi, verba ejus signantes in tabulis cordis, et pollent opibus patris-familias, ejientes de thesauro doctrinarum suarum nova et vetera, quia quidquid in Evangelio prædictatur, legis et prophetarum vocibus comprobant.

VERS. 54. — *Ut intrarentur.* Magna cæcitas, quem verbis et factis Christum cognoscunt, ob generis notitiam contemnunt.

VERS. 55. — *Fabri filius.* Non sine re voluit dici fabri filius, non illius quem putant, sed fabricatoris omnium. Sed hujus sacramenti Judæi ignari divinæ virtutis opera carnalis prosapiae contemplatione contemnunt. Non enim considerant præsentia ejus opera, sed fragile recordantur infantiam.

VERS. 57. — *Propheta.* Christus dicitur propheta. Unde Moses dicit: *Prophetam suscitabit vobis Dominus de semine vestro* (*Deut. xviii.*). In patria. Id est, in populo Judæorum: majora autem facit in gentibus.

VERS. 58. — *Et non fecit.* Fecit virtutes alias, sed non multas, ne incredulos condemnaret. Vel de spectus pauca facit, ne penitus excusabiles sint, majora autem in gentibus facit.

#### CAPUT XIV.

VERS. 1. — *In illo tempore audiuit Herodes.* Iudas vero ita: *Audiuit autem Herodes tetrarcha* (*Luc. ix.*), etc. Quod ergo ait: *Hic est Joannes* (*Joan. iv.*). Vel confirmatus quorundam sententia post hæsitationem dixit, vel adhuc dubius: hæc enim verba ad utrumque se habent.

VERS. 2. — *Et ait.* Nota invidiam Judæorum. Hic alienigena dicit resurrexisse Joannem, qui nullum signum fecit. Illi Jesum tot virtutibus approbatum non resurrexisse contendunt. *Et ideo.* Senserunt enim quod majoris virtutis sunt futuri sancti a mortuis resurgententes, quam fragili carne gravati.

VERS. 3. — *Herodes enim.* Quia dixit de opinione resurrectionis cum nihil de morte dixisset, revertitur et narrat qualiter et cur obierit. Herodes iste et Philippus fratres fuerunt filii Herodis, sub quo Dominus fugit in Ægyptum. *Herodiadem uxorem.* Herodias filia Arethæ regis, quam ipse pater tulit Philippo, et in dolorem ejus dedit Herodi inimico illius.

VERS. 4. — *Non licet.* Herodes forsitan legem Ju-

dæorum tenebat, et ideo Joannes eum ab adulterio A prohibebat.

VERS. 5. — *Timuit populum.* Populum timebat, sed amor superabat, pro quo et Deum postponebat. Timor Dei corrigit, timor hominum differt, sed voluntatem non auferit: unde et avidiores reddit ad crimen quos aliquando suspendit a crimine.

VERS. 7. — *Cum juramento.* Ad hoc forte juravit ut occasione pararet, qua videretur facere invitum quod faciebat spontaneus. Non enim hoc implesset de aliquo amato, quod implevit de propheta: quod et ante fecisset, si excusabiliter posset.

(BEDA.) Si quid nos forte incaute jurasse contigerit, etc., usque ad nec aliquid culpæ se tali perjurio contraxisse doluit.

(ISID.) Non est conservandum sacramentum quo malum incaute promittitur, velut si, etc., usque ad tolerabilius enim est non implere sacramentum, quam manere in stupro.

VERS. 9. — *Constristatus.* Ut discubentibus videbatur. Talis quippe erat tristitia Herodis, qualis penitentia videlicet Pharaonis.

VERS. 10. — *Et decollavit.* Minutus est Joannes capite, exaltatus est in cruce Christus: quia illius fama decrevit, istius crevit; unde: *Illum oportet crescere, me autem minui* (Joan. iii). In truncato capite Joannis, ostenduntur Judæi Christum (qui est caput omnium prophetarum) perdidisse.

Moraliter. Mors Joannis finem significat legis, qua finita merito migratur ad Christum, qui est finis legis ad justitiam omni credenti.

VERS. 13. — *Quod cum audisset Jesus.* Postquam apud Judeos lex et propheta caput perdit et vocem: Jesus transit ad desertum Ecclesia locum, quæ ante non habebat virum. *Secessit.* Non fugit timore, sed secessit parcens inimicis ne homicidium homicidio jungerent, dans exemplum vitandæ temeritatis. Vel secessit, ut probaret fidem credentium; unde: *Et cum audissent turbæ, etc.* *Pedestres.* Proprio labore, ut ardorem mentis ostenderent. Relinquunt civitates, id est, pristinas conversations. Habent voluntatem, sed non vires pervenienti. Ideo Jesus obviam exit, et misertus curat, ut plena fides statim præmium habeat. Ecce quantum delectatur devotione credentium.

VERS. 15. — *Vespere autem facto,* etc. Recedit Jesus de Judæa, vadit in desertum, turbæ sequuntur, quibus obviat et curat. Hoc non mane ve. meridie, sed vespere quando sol justitiæ occubuit et finis mundi appropinquavit.

*Discipuli ejus.* Carnales, et de futuro miraculo refectionis ignari, quibus dictum erat: *In viam gentium ne abieritis* (Matth. x).

*Mystice.* Fastidunt Judæi gentes recipi et murmurant: quorū voce utitur Isaías (Isa. xl): *Ecce gentes quasi stilla situlae.* Iterum: *Omnes gentes quasi non sint, sed sunt coram eo.* Sed Dominus per apostolos resicere decrevit; unde subdit: *Jesus autem, etc.*

*Dimitte turbas.* Diu est quod idola sequitur, ideoque non est a nobis pascenda pane verbi Dei.

VERS. 16. — *Date illis.* Provocat ad dandum, ut illis se non habere testantibus notior sit magnitudo signi, ubi eliam innuit, quod per eos sunt pascenda jejuna corda.

VERS. 17. — *Quinque panes et duos pisces.* Per quinque panes et duos pisces, totum Vetus Testamentum significatur. Per quinque panes, quinque libri Moysi, qui bene hordeacei, qui cibus est iumentorum, rudibus enim aspera et grossa danda. *Animalis enim homo non percipit ea quæ sunt spiritus Dei* (I Cor. i). Intus tamen latet medulla suavissimi sensus. Per duos pisces, prophetæ et psalmi: unde et post resurrectionem ait: *Quæ scripta sunt in tege et prophetis plurimis de me* (Luc. xxiv).

VERS. 19. — *Acceptis quinque,* etc. Acceptit quinque panes, non novos creavit, quia veniens in carne non alia quam prædicta erant prædicavit, et opere implevit. *Benedixit.* Cum aperiens sensum, ut intellegenter Scripturas, dono internæ suavitatis multiplicavit. Fregit cum mysteria legis in medium protulit.

VERS. 20. — *Reliquias.* Secretiora quæ a rudibus capi nequeunt, non sunt negligenter habenda, sed a duodecim apostolis qui per cophinos duodecim significantur, et ab eorum successoribus diligenter inquirenda. Cophinis servilia opera geruntur. *Et infirma mundi elegit Deus, ut confundat fortia* (I Cor. i).

VERS. 21. — *Exceptis mulieribus et parvulis.* Sexus fragilis et minor ætas sunt numero indigni. Significat infirmos in fide nondum idoneos pugnare.

VERS. 22. — *Et statim compulit,* etc. (RAB.) Qui, ut ait Joannes, venturi erant ut sacerdentes eum regem (Joan. vi), qui miraculum panum viderant, etc., usque ad pro quibus ne nos emolliant, oremus.

VERS. 23. — *Ascendit.* Pavit turbam ut Deus, ascendit orare ut homo. Non quod omnia non habens in potestate, sed ut formam hominis impletet. In hoc officium pietatis est, sequitur insigne potestatis miraculum. *Vespere autem.* Merito dicitur hæc tempestas esse in vespere, quia dum Ecclesia in tribulatione est, dicitur esse quasi in nocte, et sol iustitiae se abscondisse videtur.

VERS. 24. — *Navicula autem.* Navis in medio mari, solus Jesus in terra: quia aliquando ita est Ecclesia non modo afflita, sed et foeda ut prorsus videatur derelicta a Deo: sed Deus eam non relinquunt. Unde Marcus ait: *Vidit eos laborantes remigando* (Marc. vi). Etsi non præsens, et si differt, tamen videt et corroborat.

VERS. 25. — *Quarta autem.* Tota nocte periclitatur, quia cum se homo considerat, nihil inventit nisi tenebras angustiarum et æstus hostium.

*Venit ad eos.* Marcus ait: *Volens præterire eos,* pro quibus tamen liberandis venit. Quod fit ut ad horam turbati, sed mox liberati amplius stupeant, et gratias agant, quod idem sæpe fit in passionibus sanctorum.

VERS. 26. — *Et videntes,* etc. Quia sæpe fit ut cum aliqua subito diutinæ tribulationis oritur sedatio, non statim creditur vera liberatio. Ideoque per-

manente priori formidine intensa, ad liberationem dirigitur oratio.

VERS. 27. — *Ego sum, nolite timere.* Non supponit quis, quia ex voce sibi nota poterant eum cognoscere. Vel quia ipse est qui dixit : *Qui est misit me ad vos* (*Exod. iii.*).

VERS. 28. — *Domine, si tu es.* Si tu es ille liberator, jube me venire ad tuam imitationem superando pressuras.

VERS. 29. — *Et descendens.* De humano desperans adjutorio, mente calcat pressuras, ut Jesu sit conformis. *Ambulabat*, etc. Ecce homo super aquas ambulat. Ne ergo dubites Christum verum corpus esse, quia super aquas ambulavit.

Super mare ambulare fecit, ut ostendat divinam potestatem. Mergi facit, ne infirmitatem obliviscatur, ne putet se æqualem Deo, et ne superbiat.

VERS. 30. — *Et cum cœpisset*, etc. Paululum relinquitur tentationi, ut augeatur fides; ut enim credidit se ejus imperio posse fluctibus sustentari, sic dum mergitur, posse ejus virtute salvari.

VERS. 32. — *Cessavit ventus.* In quounque Deus per gratiam adest, mox universa bella quiescunt.

VERS. 33. — *Et adoraverunt*, etc. Viso signo Filium Dei confitentur : cur ergo Arius creaturam esse perducat?

VERS. 34. — *In terram Genesar.* Allegorice. Genesar interpretatur *hortus principum*. Per typum ergo apostolorum et navis, intelligendum est Ecclesiam de persecutionibus liberatam a Domino duci ad littus, id est quietem, ubi paradisi restituetur hæreditas et primæ stolæ jucunditas.

VERS. 36. — *Fimbriam vestimenti*, etc. Id est, minium mandatum, vel caro qua ad verbum Dei veninus, quem qui credendo tangit, ab omni morbo impietatis sanatur.

#### CAPUT XV.

VERS. 1. — *Tunc accesserunt.* Homines Genesar, minus docti, credunt, sed qui sapientes videntur ad pugnam veniunt.

(*CHRYSTOS.*) Tunc, inquit, quando scilicet innumera signa operatus est, quando, etc., usque ad ut magnam eorum malitiam ostenderet.

VERS. 2. — *Non enim lavant.* Intus nihil arguant, qui intus livore polluti sunt. In vanum quidem sua baptismata servant, qui suorum cordium et corporum sordes abluere negligunt.

VERS. 3. — *Quare et vos.* Si vos mandata Dei contemnitis propter traditiones hominum, quare argitis discipulos, qui mandata hominum dimittunt, ut scita Dei custodian?

VERS. 4. — *Honora patrem.* (*HIER.*) Honor in Scripturis, non tantum in salutationibus et officiis defereudis, quantum, etc., usque ad ut filii honorent etiam in vita necessariis ministrandis parentes suos.

VERS. 5. — *Vos autem dicitis*, etc. Vestra autem traditio contraria est. Hoc filios dicere parentibus

**A** compellitis : quod Deo oblatus eram in tuos consumo cibos, tibique prodest, o pater, ut timeat consecrata comedere. Vel quod Deo offero, tibi ipsi prodest. *Quicunque dixerit.* Scilicet, vita æterna dignus erit. Vel *dixerit*, id est, dicere proderit. *Proderit.* Quasi dicat : Non, imo sacrilegus es, si acciperes, quia Deo devovi, *Vel tibi proderit* : si Deo dedero.

VERS. 7. — *Bene prophetavit*, etc. In spiritu simulationem Judæorum, quod in dolo repugnarent Evangelio.

VERS. 8. — *Labiis me honorat.* *Magister, scimus quia verax es* (*Marc. xii.*). Vel exteriorem munditiam commendando, interior et quæ vera est, in eis non est.

**B** VERS. 11. — *Non quod intrat.* Nihil est extra hominem quod interius inquiet, nec idolothitum in hoc quod Dei creatura est; uno sermone omnis superstitionis observationum eliditur, cum in discernendis cibis religio putetur.

VERS. 12. — *Tunc accedentes.* Pharisæorum magna est religio in cibis, qui auditio verbo hoc scandalizati sunt, id est, indignati sunt. *Scandalizati sunt.* Σκανδαλοῦ Græce, nos offendiculum vel ruinam vel impactionem pedis possumus dicere. Unde : Qui scandalizaverit aliquem, id est, occasionem ruinæ dederit.

VERS. 14. — *Sinite*, etc. Permittite suo arbitrio, quia irrevocabiles sunt. Unde Paulus : *Hæreticum hominem post primam et secundam correctionem derita (Tit. iii.)*.

VERS. 15. — *Edissere.* Quod aperte est dictum, putant apostoli per parabolam dictum. Vitiosus est auditor, qui vel obscura manifeste, vel manifeste dicta obscure vult intelligere.

VERS. 19. — *De corde*, etc. Non enim a diabolo immittuntur, sed ex propria voluntate nascuntur. Diabolus enim incitor est non auctor, quia nec interiora nisi per habitus et gestus novit.

VERS. 20. — *Non lotis.* Spiritualia dicta prophetarum, de cordis et corporis castigatione, ut haec : *Lavamini, mundi estote* (*Isa. i.*). Pharisæi carnaliter de solo corpore accipiebant, quod vanum est fieri.

**D** VERS. 21. — *Et egressus*, etc. Relictis calumniatoribus intra fines Tyri et Sidonis, ut filiam libaret, et per fidem gentilis feminæ perfidiam Scribarum argueret. Relictis calumniatoribus significat quod post resurrectionem relicturus esset perfidiam Judæorum, per prædicationem iturus ad gentes.

VERS. 22. — *Clamat*, etc. Per fidem clamat, unde, novit vocare filium David, Christi incarnationem confitens. Rogat pro filia, id est, pro populo suo nondum credente, ut ipsa fraude diaboli absolvantur. Vel, filia est anima vel conscientia cuiuslibet intra Ecclesiam diabolo mancipata, pro qua mater Ecclesia roget, vel ipse homo pro foeda conscientia.

VERS. 23. — *Qui non respondit.* Non de superbia, sed ne sit contrarius sententiæ sue : *In viam gen-*

*tum ne abieritis (Matth. x).* Unde vitat calumniam A Judæorum, gentium autem salus, passionis et resurrectionis temporis servatur.

VERS. 24. — *Non sum missus.* Quasi dicat: Prius oportet me sacramentum mei adventus completere in Judæis, et sic adducere alias oves, et hoc de signo petitionem hujus differendo.

VERS. 26. — *Panem filiorum.* Verbum salutis, quod prius debetur Judæis, non est bonum dare canibus vel gentibus, canina rabie latrantibus semper.

VERS. 27. — *Etiam, Domine.* Sub persona mulieris, mira fides Ecclesiæ, et patientia, et humilitas prædicatur. Fides, quia credit posse sanari filiam. Patientia, quia toties despacta in precibus perstat. Humilitas, quia se non canibus, sed catellis comparat.

*Nam et catelli.* Mensa, est sacra Scriptura; mīce puerorum, sunt interna mysteria quibus humiles resiliuntur sub mensa: quia Scriptura humiliter subdit, catelli gentes humiles. Parvuli edunt non panes, non crustas, id est, non litteræ superficiem, sed medullam.

VERS. 28. — *Magna est fides.* Sic superius de centurione: *Non inveni tantam fidem in Israel (Matth. viii),* qui similiter (ut haec Chananeæ) fidem gentium præsignabat. Magna est fides gentium, quæ in auditu auris obediunt: et in Deo salutem sibi suisque impetrat. Quod puerum centurionis et filiam Chananeæ non veniens ad eos sanat, significat gentes, ad quas non venit per præsentiam, salvandas per verbum suum.

*Et sanata est.* Ubi datur exemplum catechizandi et baptizandi infantes, qui nec sapere, nec facere aliquid possunt, sed per fidem et confessionem parentum liberantur a diabolo.

VERS. 29. — *Et cum transisset.* Cum in filia Chananiæ salutem gentium præsignasset, revertitur in Judæam, quia cum plenitudo gentium intraverit, tunc omnis Israel salvus fiet. In montem. Dominus in monte, verbum in alto sedet: quia in sua maiestate non posset intelligi.

VERS. 30. — *Cæcos.* Cæci sunt qui non intelligunt, etia msi obedienti jumentibus. Surdi, qui non obediunt, etia msi intelligenti.

VERS. 32. — *Jesus autem.* Convocat discipulos, ut doceat magistros cum minoribus communicare consilia sua. Vel ut ex locutione intelligent signi magnitudinem. *Misereor turbæ.* Turba triduo sustinet Dominum, quia fideles poenitentes se ad Dominum in opere et sermone et cogitatione convertunt, qui in præsentis vitæ via desicerent, si in sua conscientia sine doctrinæ pabulo dimitterentur. In superiori signo propinqui memorantur, et vicini quinque sensim et eorum non recordatur Dominus, sed discipuli in vespera jam inclinato sole. Hic Dominus se misereri dicit, et quare, quia triduo jam perseverant mecum. In toto saeculo tertium tempus est, quo gratia datur, uerum ante legem, secundum sub lege,

tertium sub gratia, quartum est in futuro: ubi dies erit sine nocte, ad quod tendens reficitur in via.

VERS. 33. — *In deserto panes.* Panes prædicatores, desertum sese, id est, in secundos dicunt. Quasi dicat: Unde nobis tanta facundia ut possimus tam avidis auditoribus sufficere?

VERS. 36. — *Et accipiens.* Ut ostendat se congaudere de salute hominum et nos ad agendas gratias informat etiam de temporalibus. *Septem panes.* Septiformi Spiritu pascit, adjuncta apostolica auctoritate, quasi paucorum piscium sapore qui nos resiliunt exemplo sue vitæ vel mortis. Septem panes, Scriptura Novi Testamenti in quo gratia Spiritus sancti et revelatur et datur. Nec sunt hordeæci, B ut supra, quia hic non (ut in lege) vitale alimentaria animæ figuris, quasi tenacissima palea tegitur. Hic non duos pisces (ut in lege duo ungebantur, rex et sacerdos), sed pauci, id est, sancti Novi Testamenti, qui de fluctibus sæculi sunt erepti, et sustineant turbulentum mare, et exemplo suo nos resiliunt, ne in via deficiamus.

(BEDA.) Ibi supra fenum, ut desideria carnis complicantur, hic super terram ubi et ipse mundus, etc., usque ad utraque refectio in monte celebrata est, quia utriusque Testimenti Scriptura altitudinem cœlestium præceptorum mandat et præmiorum: utraque altitudinem Christi prædicat.

*Et quod supersuit.* Altiora mysteria quæ non caput communis turba, apostoli sustollunt et implent septem sportas, id est, perfectorum corda septiformi Spiritus gratia ad intelligendum illustrata. *Septem sportas.* Sportæ junco et palmarum foliis solent contexi, et significant sanctos, qui radicem cordis in ipso fonte vitæ collocant, ne arescant, ut juncus in aqua: et palmam æternæ retributionis in corde retinent.

VERS. 39. — *Et dimissa turba.* Hic docet quod prædicatores ministrato turbæ verbo, ipsi intra cubiculum cordis virtutum debent refici pomis. *In fines.* Magedan quæ alio nomine dicitur Dalmatona, quæ est regio circa Gerasam. Et interpretatur poma vel nuntia, et significat hortum de quo dicitur: *Hortus conclusus, fons signatus,* ubi crescunt poma virtutum. Et ibi nuntiat nomen Domini.

D

## CAPUT XVI.

VERS. 1. — *Et accesserunt, etc.* Ut signum de celo, etc. Ut qui pavit multos paucis: manna plueret quo omnes reficeret. Unde Joannes post edulium panum: *Quod signum facis, ut videamus et credamus tibi? quid operaris?* Patres nostri manuficarunt manna in deserto (Joan. vi). Petebant tentando ut in morem Eliæ ignem de sublimi mitteret, vel in similitudinem Samuelis æstivo tempore mugire tonitrua faceret, quasi non possent et illa calumniari, et dicere ex occultis et variis aeris passionibus accidisse.

VERS. 2. — *Facto vespere.* Increpat eos, quod ex ordine elementorum discernant dies, sed signa tem-

porum ignorant, cum omnis lex et prophetæ, adven-  
tus sui indicia ex operum quæ gereret admiratione  
significant.

VERS. 3. — *Rutilat enim.* Patiuntur apostoli post resurrectionem, per quos me judicare in futuro scire potestis, quia cum non parco meis bonis quin patiantur, non parcam alii in futuro.

VERS. 4. — *Signa.* Ad tempus gratiæ pertinentia prophetis prædicta, non possunt vobis fidem facere de meo adventu. *Signa autem.* Signa temporum dixit de adventu suo vel passione cui simile est roseum cœlum vespere. Et item de tribulatione ante adventum futurum, cui simile est roseum cœlum cum tristitia. *Non dabitur ei.* Sed datur fidelibus de celo quando videntibus apostolis in cœlum ascendit, et Spiritum sanctum misit.

VERS. 5. — *Obliti sunt panes accipere.* Quomodo panes non habent qui modo impletis sportis navem ascenderunt et navigantes audiunt ut caveant a fermento Pharisæorum. Sed tamen ait Scriptura quod oblii sunt tollere panes secum unius veri et interni panis (qui cum eis erat) dulcedine capti, parum se curare judicantes de cura corporis et necessariis, cum et ipsa naturalis refectio a mente excesserat.

VERS. 6. — *A fermento.* Fermentum est perversa doctrina, quæ vel modica totam massam corruptum, et in suum saporem trahit.

VERS. 8. — *Quid cogitatis.* Quid cogitatis me dixisse de terrenis panibus de quibus non est vobis dubitandum, cum de tam paucis tantas feci abundare reliquias?

VERS. 11. — *Cavete a fermento Pharisæorum.* A superstitiosa doctrina, quæ more fermenti veri panis simulat se substantiam habere. Per hoc innuit, quid significant quinque panes vel septem. Si enim fermentum dicit hæretica dogmata, panes sunt vera doctrina.

VERS. 13. — *In partes Cæsareæ Philippi.* Iste locus est, ubi Jordanus oritur ad radicem Libani, ex Jor et Dan duobus fontibus. *Homines esse.* Homines sunt qui de Filio hominis loquuntur: dii enim qui Deitatem intelligunt. *Filiū hominis?* Dominus de se humilitatem humanitatis profitetur, discipuli Deitatem intelligunt.

VERS. 14. — *Alii Joannem Baptizam.* Sic poterant errare in Elia vel in cæteris aliis, sicut Herodes erravit in Joanne cum ait: *Joannes quem ego decollavi surrexit a mortuis: et ideo virtutes operantur in eo* (*Marc. vi*). Ideo vult exponi errores eorum, ut eis repulsis discipuli veritatem proferant, non ex vulgi opinione, sed ex Domini revelatione.

VERS. 17. — *Respondens Simon Petrus.* Ideo unus respondens, et uni respondetur pro omnibus ut unitas in omnibus observetur. *Dei vivi.* Ad distinctionem falsorum deorum, quos gentes vel de mortuis hominibus, vel de sensibili materia sibi instituerunt.

*Barjona.* Bene filius columba, quia Dominum pia simplicitate sequebatur, vel quia plenus spirituali gratia erat. *Filius Spiritus sancti dici-*

*tur, qui ostensus est in columba ab eo quem Filium Dei vivi vocaverat, et filio columbae pater revelat, quia una est operatio Patris et Filii cum sancto Spiritu. Revelat, inquam, mysterium fidei, quia caro et sanguis non revelare potuit, id est, homines carnali sapientia inflati, qui non columbae filii, et ideo a sapientia Spiritus alieni; de quibus supra: *Alii Joannem Baptizam, alii autem Eliam,* etc.*

VERS. 18. — *Tu es.* Non dico vocaberis, sed tu es Petrus ob fortitudinem fidei et confessionis constantiam. *Petrus.* A me petra, ita tamen ut mibi retinebam dignitatem fundamenti: tu super me ordinabis lapides mundos, et abjicies leprosos.

Sicut lumen et cætera nomina, ut: *Vos esitis sal teræ, a Domino sortiti sunt apostoli, sic Simoni a B se nomen Petri dedit.*

*Et portæ.* Portæ inferi sunt peccata, minæ, blandimenta, hæreses, quibus infirmi ruunt in mortem, qui non vere supra petram, sed super arenam domum professionis suæ credendi sunt ædificavisse, id est, non simplici et vera intentione Christum sequi, sed ob terrenam quamlibet causam habitum prætendisse. Qui enim in intimo cordis amore fidem Christi percipit, quidquid ingruit extra, facile vincit.

VERS. 19. — *Et quodcumque ligaveris.* Id est, quem in peccatis persistentem æternis poenis adjudicaveris: vel quem humili et vere pénitentem absolveris, sic erit et in cœlis.

*C Et quodcumque ligaveris super terram.* (HIER.) Habant quidem eamdem judiciariam potestatem alii apostoli, quibus post resurrectionem ait: *Accipite Spiritum sanctum* (*Joan. xx*), etc., usque ad unde in Levitico ostendere se sacerdotibus jubentur leprosi, quos illi non faciunt leprosos, sed discernunt qui mundi vel immundi sunt, ita et hic.

VERS. 20. — *Ut nemini, etc.* Supra adventum suum prædicare præcipit, hic ne dicant eum esse Jesum. Sed aliud est prædicare Christum, quod est commune nomen dignitatis: aliud Jesum, quod est proprium Salvatoris. Quasi dicat: Non prodest publice prædicari majestatem populis: qui visuri sunt me multa pati, quod tunc demum licebit, cum resurrectio potentiam Deitatis ostenderit. *Jesus Christus.* Salvator, ne scandalizarentur in eo quem paulo post visuri sunt conspici et crucifigi.

VERS. 21. — *Exinde, etc.* Ecce causa prohibitæ prædicationis, quasi dicat: Tunc me prædicare cum ista passus fuero, quia non ante prodest.

VERS. 22. — *Absit.* Non vult Petrus destrui confessionem suam: nec putat Filium Dei posse occidi.

VERS. 23. — *Vade.* Supra: omnia illa gloria in futurum promissa sunt, non in praesenti data. *Ædificabo Ecclesiam meam, et tibi dabo claves,* etc. Quæ si statim dedisset, nunquam postea locum error invenisset in eo. *Quia non.* Non placet tibi, ut per mortem meam mundum redimam, quæ est voluntas Patris: sed carnaliter hæc sapis.

VERS. 24. — *Si quis vult.* Prædicta apostolis passione et resurrectione, hortatur ad sequendum tam eos quam turbas. *Abneget semetipsum.* Quod per vetustatem est, ut capital quod ultra se est. Remotis vitiis, virtus sequatur: tollat crucem suam, et sequatur me. Quod erat per vetustatem, abnegaverat ille qui dicebat: *Viro autem ego, jam non ego.* Quod vero ultra se erat, coperat: *vivit vero in me Christus (Gal. ii).* *Tollat crucem.* Scilicet: Crux tollitur vel cum per abstinentiam corpus, vel cum per compassionem proximi animus affligitur. Crucem abstinentiae habuit Paulus, dum dicebat (*II Cor. xi*): *Castigo corpus meum et in servitutem redigo.* Compassionis quoque cum ait: *Quis infirmatur, et ego non infirmor?*

VERS. 26. — *Quid enim prodest.* Ecclesia habet tempus persecutionis: habet et tempus pacis. Haec tempora designat in preceptis. Nam tempore persecutionis ponenda est anima, et tempore pacis frangenda sunt terrena desideria.

*Aut quam,* etc. Nec lucra, nec timor, nec aliquid aliud retrahat a salute: *quia quam commutationem dabit homo,* etc. *Calicem salutaris accipiam, et nomen Domini invocabo (Psalm. cxv).* Vel nihil terrenum pro anima perdita poterit homo dare.

VERS. 27. — *Filius enim.* Nec durum videatur hoc pati: *Quia non sunt condigne passiones hujus temporis ad futuram gloriam, quæ revelabatur in nobis (Rom. viii).*

VERS. 28. — *Sunt quidam.* Quia rudes erant apostoli, etiam in præsenti vita promittitur eis aliqua consolatio, ut certius credant de futuro. *In regno.* In regno beatitudinis æternæ, vel ostendendo suam potestatem in præsenti Ecclesia.

## CAPUT XVII.

VERS. 1. — *Et post dies,* etc. Idem Marcus dicit, sed Lucas octo. Hi ergo ponunt medios, Lucas addit, etc., usque ad et in futurum omni modo separabuntur, cum abscondet eos in abscondito facient suæ a conturbatione hominum.

*Petrum.* Nomina istorum convenient. Quisque debet esse Petrus, id est firmus in side. Inde Jacobus, id est supplantator vitiorum. Inde Joannes, id est, omnia gratiæ divine ascribens contra superbiam vitæ, quæ solet oriri ex virtutibus.

VERS. 2. — *Transfiguratus est.* Speciem quam habebat per naturam, ostendit non amittens carnem quam assumpserat voluntate. Illud autem corpus quod habuit per naturam, dedit discipulis suis in coena, non mortale, non corruptibile. *Resplenduit facies.* In exemplum future beatitudinis et claritatis, quam videbunt justi, prius sublatis impiis. *Vestimenta autem,* etc. Facta sunt alba quod non ante, quia nondum apparuit quod erimus, sed cum apparuerit, similes ei erimus. Marcus ait, qualia fullo super terram non potest facere. Id est, Deus in hac vita tam claras nequit facere, quia nullus sine peccato. Nullus mundator sui in terra faciet, quod Deus in cœlo,

A mundans vestem suam ab omni inquinamento. Fullo est doctor animarum, vel mundator sui corporis.

VERS. 3. — *Et ecce.* Quales vel quid locuti, Lucas dicit: *Visi in maiestate, et dicebant excessum ejus quem completuras erat in Jerusalem (Luc. ix),* id est, passionem et resurrectionem. Significant oracula, etc., usque ad quod si Petrus, videns glorificatam humanitatem, tanto afficitur gaudio, ut nunquam vesti ab ejus intuitu secerni, quid putandum est de his qui Divinitatem videre meruerant.

VERS. 5. — *Adhuc eo loquente.* Ut discat qui tabernaculum quæsivit, in resurrectione non tegmine domorum, sed Spiritus sancti gratia protegendas esse. *Ecce nubes lucida,* etc. Sicut baptizato Domino, sic et clarificato mysterium sanctæ Trinitatis ostenditur: quia gloriam ejus quam in baptismo constemur credendo, in resurrectione laudabimus vivendo. Spiritus sanctus ibi in columba, hic in nube lucida. Quia qui modo simplici corde fidem servat, tunc aperta visione quod crediderit contemplabitur, et ea gratia qua illustrabitur, protegetur. *Et ecce vox,* etc. Quia imprudenter quæsivit, responsione Domini non meruit: sed vox Patris de Filio testatur, docetque Petrum, et in eo cæteros veritatem. *Hic est Filius.* Moyses et Elias sunt servi, et nobiscum debent in cordibus Domino preparare tabernaculum. *Ipsum audite.* Hoc jam Pater præcipit, quod Moyses in caro mortali testimonium dans prædixit: *Prophetam suscitatibus (Deut. xviii),* etc. Quasi diceret: *Iste est quem Moyses promisit.*

VERS. 6. — *Et audientes discipuli ceciderunt in faciem.* Altorem enim sensu unam utrinque intellexerunt Deitatem. Timuerunt, vel quia se errasse cognoverunt, vel quia nubes operuit eos, vel quia vocem Patris audierunt.

VERS. 7. — *Surgite,* etc. Pulso metu, doctrina datur, quo manente non audiretur.

VERS. 8. — *Levantes autem oculos,* etc. Ablata nube vident Jesum, et Moysen et Elias evanuisse: quia postquam legis et prophetarum umbra discessit, quæ velamento suo apostolos texerat, verum lumen in Evangelio reperitur. *Nisi solum Jesum.* Si enim Moyses et Elias cum Jesu perseverassent, vox Patris videtur incerta, cui potius dedisset testimonium.

VERS. 9. — *Nemini dixeritis nisi,* etc. Ne gloria futuri regni præstensa incredibilis esset, et apud rudes sequens crux scandalum faceret.

VERS. 10. — *Quod Eliam oporteat,* etc. Traditionis Pharisæorum est juxta Malachiam prophetam, quod Elias veniet ante adventum Salvatoris, et reducat corda patrum ad filios et filiorum ad patres, et restituat omnia in antiquum statum. Aëstimant ergo apostoli transformationem gloriose ultimam hanc esse quam viderant et dicunt. Si jam venisti in gloria, quomodo præcursor tuus non appetat, maxime quia et Eliam viderant recessisse.

VERS. 13. — *Tunc intellexerunt,* etc. Ex indicio

passionis suæ quam sœpe dixerat, et præcursoris sui quam completam videbant.

**Vers. 14.** — *Et cum venisset.* Loca rebus concurrunt, etc., usque ad infirmos confortat, docet, castigat. *Quia lunaticus est.* Hunc Marcus surdum et mutum dicit, etc., usque ad per creaturam infamet creatorum.

**Vers. 15.** — *Et obtuli,* etc. Latenter accusat discipulos, cum sœpe impossibilitas curandi non vitio curantium, sed eorum qui curandi sunt, proveniat.

**Vers. 16.** — *Respondens.* Non tædio superatus, qui mitis est in verba erupit, sed sicut medicus ægroto contra sua præcepta agenti.

**Vers. 17.** — *Et increpavit.* Quia iratus est non homini, sed vitio : et per unum hominem Judæos arguit infidelitatis. Unde addit : *Afferte illum huc ad me.* *Et exiit ab eo daemonium.* Marcus dicit, etc., usque ad quæm prius quando possidebat quietus.

**Vers. 19.** — *Propter incredulitatem.* Ecce quando non exaudimur, non est impossibilitas præstantis, sed culpa deprecantis. Nam ex opposito si fides vestram servens esset quam tribulata, magis et magis calesceret. *Sicut granum sinapis.* Fidem perfectam grano sinapis comparat, quæ sit in facie humili, et in pectore servens : viliis videntibus, et nullarum virium apparet, sed pressuris trita, quod intus habet ostendit.

**Vers. 20.** — *Hoc autem genus.* Quomodo protervitas diaboli supereretur ostendit, ut graviora queque sciamus jejuniis et orationibus superanda : et iram Dei in nos hoc remedio posse placari. *Nisi per orationem.* Ista carnalium voluptatum mutabilitas non mutatur, etc., usque ad unde dicitur : *Sine intermissione orate* (*I Thess. v.*).

**Vers. 21.** — *Filius hominis.* Semper latet miscet tristia, ut cum venerint quasi prævisa minus molestæ ferantur.

**Vers. 22.** — *Et contristati.* Hoc non de infidelitate provenit, sed de dilectione : quia nihil humile de eo patientur audire.

**Vers. 23.** — *Et cum venissent Capharnaum.* Per Augustum Cæsarem Judæi facta est tributaria, etc., usque ad utrum reddat tributa, an contradicat Cæsari.

**Vers. 24.** — *Quid tibi ridetur.* Antequam Petrus suggestat, Dominus interrogat ne scandalizentur discipuli ad postulationem tributi, cum videant eum nosse quæ eo absente gesta sunt. *Reges terræ.* Dominus noster, et secundum carnem filius regis erat ex David natus, et omnipotentis verbum : ergo ut filius regum tributa non debebat, sed pro humilitate carnis decet eum implere omnem justitiam.

**Vers. 25.** — *Ergo liberi,* etc. Liberi sunt filii regni in omni regno, tunc multo magis liberi sunt filii illius regni, sub quo sunt omnia regna in quolibet terreno regno.

## CAPUT XVIII.

**Vers. 1.** — *Quis putas,* etc. Ex aequalitate pretii

A qua in tributi redditione Domino fuerat comparatus, arbitrii sunt Petrum omnibus apostolis prælatum. *In regno cælorum.* Vel regnum Dei, doctrina est Evangelii, cui obedire simpliciter et sine ulla retractatione debemus, sicut puer non contradicit doctribus.

**Vers. 2.** — *Et advocans.* Secundum Marcum puerum Jesus complectitur, significans humiles dignos suo complexu et dilectione. *Parrulum,* etc. Parvulum ætate, ut similitudinem demonstraret. Vel se statuit in medio qui non venit ministrari, sed ministrare. Vel *parrulum,* id est, Spiritum sanctum posuit in cordibus eorum, ut humilitate superbiam vitarent.

**Vers. 4.** — *Quicunque ergo humiliaverit,* etc. In B vitat discipulos suos, et omnes alios Dominus, ut quod puer habet per naturam, id est innocentiam et humilitatem, hoc habeant discipuli et omnes alii per virtutem. *Sicut parvulus iste.* Innocens erit sicut iste parvulus, qui non perseverat in ira : Jesus non meminit : visam mulierem non cupit.

**Vers. 6.** — *Qui autem scandalizaverit.* Etsi hoc generaliter dicitur contra omnes, etc., usque ad nos oportet consulere expedit, etc. *Expedit.* Quia multo melius est pro culpa brevem suscipere poenam quam æternis servari cruciatibus. *Non enim judicabit Deus bis in idipsum.*

**Vers. 7.** — *Væ homini.* Quia non judicatur secundum utilitatem quæ inde provenit, sed secundum exitum quem intendit.

**Vers. 8.** — *Si autem manus tua.* Docuit supra ne scandalizemus credentes, etc., usque ad per occasionem pietatis pateas scandalis. *Bonum tibi est,* etc. Melius est vitam solitariam ducere, quam ob vitæ præsentis necessaria vitam æternam perdere.

**Vers. 10.** — *Videte ne coalemnatis.* Sic præcipio vobis severitatem dimittendi omnes amicitias, etc., usque ad salutem infirmorum quantum potestis. *Quia angeli eorum.* Cur non sunt contempnendi ? quia pro eis quotidie mittuntur angeli. (HIER.) Magna dignitas animarum, ut unaquæque habeat ab ortu nativitatis in custodiam sui angelum delegatum. *Semper vident,* etc. Visione Dei manifesta perfruuntur, etc., usque ad intra ipsum currunt qui ubique est.

**Vers. 12.** — *Si fuerint alicui centum,* etc. Dominus centum oves habuit, etc., usque ad quibus ad perfectionem unitas deest. *Nonne relinquet,* etc. (GREG.) Quia seipsorum exinanivit formam servi accipiens, etc., usque ad cum tantum sit si quod male gessit damnat injustus.

**Vers. 13.** — *Gaudebit,* etc. Magis Dominus gaudet de nostra reparatione (quia magis nos gaudere facit) quam de angelorum immutabilitate. Major enim Dei virtus et humilitas in nostra reparatione cognoscitur quam in nostra creatione.

**Vers. 15.** — *Si autem peccaverit in te,* etc. Si enim in Deum, non est nostri arbitrii. Hoc ordine scandala vitare debemus ne quem ledamus : et pec-

cantem zelo justitiae corripiamus, et pœnitenti misericordiae viscera pandamus. *Corripe eum*, etc. Non passim jubet peccanti dimittere; sed pœnitenti. Ita peccat qui videns fratrem peccare tacet: sicut qui pœnitentis non indulget. Nam quod dixit: si pœnitit dimitte, præmisit, si peccaverit inrepa. Nec difficultis sit venia nec remissa indulgentia.

VERS. 17. — *Dic Ecclesie.* Ut detestationi eum habeat, etc., usque ad damnatur humanam sententiam divina sententia corroborari. *Sicut Ethnicus.* Detestabilior est qui sub nomine fidelis agit, etc., usque ad per furta et per perjuria.

VERS. 18. — *Amen dico*, etc. Adeo vestra sententia confirmatur divina vel ad recipiendum pœnitentem, vel ad alijiciendum contumacem.

VERS. 20. — *Si duo.* Typice. Ubi spiritus anima et corpus consenserint, ut non sit inter eos bellum, carne cupiente contra spiritum et spiritu contra carnem, quidquid petunt sicut. Quia si corpus vult quæ spiritus vult, tantum bonarum rerum est pétitio. *Ibi sum in me.* Omnis sermo scilicet ad concordiam provocat et pacem quam adeo commendat, ut dicat Deum in medio esse eorum, quia pax et charitas sedem sibi in pacificis constituit, et unitatis merito omnia petenda impetranda esse confirmat.

VERS. 23. — *Ideo assimilatum.* Ut sciat dimitendum esse conservis, ostendam per similitudinem, quia si ille rex et dominus dimisit servo, multo magis homo conservis suis.

VERS. 25. — *Et uxorem.* Eum non secum populum, sed etiam prælatos et subditos simul cum tota familia vel substantia eorum pro magnitudine delictorum tradidit exteris nationibus: ut quod noluerunt voto, solvant tormento. Jussit pro cupiditate et operibus quasi uxore et filii poenas solvere.

VERS. 27. — *Misertus autem.* Misericors Dominus non solum captivitatem Judaicam absolvit, sed etiam peccatorum omnium veniam in adventu Christi se dare promisit, si persisterent in incepto. *Dimisit ei.* Id est, pondere carnalium observationum absolvit, et debitum dimisit, id est priores transgressiones.

VERS. 28. — *Invenit unum.* Gentilem populum, quasi sibi debitorem fatigabat: gratiam Christi non esse eis ad salutem dicens, carnales observantias ab eis non modo persuasionibus, sed etiam tormentis exspectabat.

VERS. 32. — *Serve nequam.* Sæpe debita dimisi tibi, quando in angustiis rogasti; sed liberatus compassionem non habuisti, quin potius prophetas et apostolos persequeris, et ingratus et de justitia præsumens spensis gentes, indignas tua societate in Christo judicans.

#### CAPUT XIX.

VERS. 3. — *Et accesserunt.* Quasi complexione capiatur. Si diceret: *Dimitenda est quacunque ex causa*, et ducenda alia: pudicitiae predicator contra se facit. Si dicit non est dimitenda, contra doctrinam Moysi et Dei facit. Ideo responsum temperat naturalem legem, primamque Dei sententiam se-

A eundo opponens, quæ non voluntate Dei, sed peccantium necessitate concessa est.

VERS. 4. — *Et feminam.* Non ait feminas, ut unum conjugium sit non plura, quod ex repudio priorum querebatur.

VERS. 5. — *Adhæredit uxori.* Si malum morsibus, si luxuriosa, seu quidlibet hujusmodi sit uxor, veniam nolimus sustinenda est. Cum enim liberi essemus, volentes nos subjecimus servituti. Si ancilla libero, vel servus liberæ supponitur, non reputatur conjugium postquam detectum fuerit: sic et de consanguineis. *Et erunt duo in carne.* Præmium nuptiarum est ex duobus una caro: Castitas conjuncta spiritui unus spiritus efficitur. Salubri consilio Dei factum est, ut portionem sui corporis vir amplectetur in femina, ne a se putaretur diversum esse, quod de se cognosceret fabricatum.

VERS. 6. — *Homo non separat.* Homo separat, quando pro desiderio secundæ primam dimittit: Deus separat (qui et conjungit) quando ex consensu propter cultum Dei, eo quod tempus in arce sit, sie habemus uxores quasi non habentes.

VERS. 7. — *Quid ergo Moyses*, etc. (CHRYS.) Dispicet peccatoribus doctrina, etc., usque ad veritatis interpretatio taceatur.

VERS. 9. — *Et aliam duzeri mœchatur.* Et qui dimissam. Quia poterat accidere, ut aliquis columnam faceret innocentem, et ob secundam crimen impingeret primæ uxori: sic priorem dimittere jubet, ut ea vivente secundam non habeat. Et ne uxor idem faciat viro eadem cautela præcipitur ne secundum habeat virum. Et quia adultera non timet opprobrium, viro dicitur, quod si tales ducit, sub adulterii criminis sit, dicit Scriptura: *Qui adulterauerit stultus et impius est* (Prov. xviii).

VERS. 10. — *Non expedit.* Videbant grave pondus uxorum, quod iracundæ, ebriosæ et hujusmodi, quæ quidem sunt sustinenda, quia, cum essemus liberi, subjecimus nos servituti.

VERS. 12. — *Sunt enim.* Tria sunt genera eumchorum, duo carnalia, eorum qui sie nascuntur, et qui captivitate et deliciis dominarum abscissi sunt. Tertium spirituale, qui, cum possent esse viri, propter Christum continent. *Qui facti sunt.* Inter hos computantur etiam hi qui specie religionis simulant castitatem. *Qui potest.* Vox est hortantis non iubentis, quasi unusquisque vires suas consideret, an queat virginitatis et pudicitiae implere præcepta.

VERS. 14. — *Sinite parvulos.* Si sancti sunt futuri, cur vetatis venire ad patrem? Si mali, cur sententiam profertis ante culpam. *Taliū.* Nam quales sunt modo, meum quidem est, quod honorate: quales post futuri sunt, ipsorum est, quod miscremini. Non ait istorum sed talium: ut ostendant non ætatem regnare, sed mores: et his qui similem habent innocentiam et simplicitatem, præmium promittit.

VERS. 15. — *Et cum imposuisset.* Imponit manus parvulis, quando humilibus auxilium gratiae tribuit.

VERS. 16. — *Et ecce unus.* (BED.) Audierat ille

similes parvulo condignos esse regno, vultque certius non per parabolas sed aperte exponi, quibus meritis vitam possit consequi. (HIER.) Iste adolescens et dives et superbus erat. Et secundum alium evangelistam eum non voto discentis sed tentantis interrogat.

**VERS. 17.** — *Quid me interrogas de bono?* Quia bonum dixit magistrum, et non Deum, vel Dei Filiū confessus est: dicit quemlibet sanctum hominem comparatione Dei non esse bonum. Christus autem non renuit testimonium bonitatis, sed magistri absque Deo excludit errorem. Non se magistrum bonum esse negat, sed magistrum absque Deo nullum bonum esse dicit. *Serva mandata.* Iste quæsierat, quid faciam? contra non ait, disce: quia Deus eum docuerat factor rationalis creature: ostendens quia ille non est bonus qui querit de bono, sed qui facit quod bonum est.

**VERS. 20.** — *Dicit ei adolescens.* (BED.) Non putandus iste (ut quidam aiunt) vel Dominum tentasse, vel de sua vita mentitus esse, sed simpliciter ut vixit, confessus est: alioquin (ut aliis Evangelista ait) non, intuitus arcana cordis ejus, diligere eum diceretur Jesus. Diligit enim eos qui mandata legis custodiunt, sed quod ibi minus est his qui perfecti volunt esse, adjungit; unde sequitur: *Si vis perfectus esse. Omnia hæc.* (HIER.) Mentitur. Si enim diligeret proximum suum sicut seipsum, opere complessset, non esset tristis cum sua pauperibus dare juberetur.

**VERS. 23.** — *Dives difficile.* Divites non manentes, sed qui esse desierunt intrabunt. De omnibus tatuus est, nec habere nec amare divitias.

**VERS. 24.** — *Quam divitem.* (ISID.) Nullus dives intrabit, id est, confidens in divitiis, ut Jesus secundum Marcum exponit.

**VERS. 25.** — *Mirabantur.* Quia in numero divitium deputabant omnes qui amant divitias, etsi non habent. Alter enim cum sit major turba pauperum, non dicent: *Quis poterit salvus esse?*

**VERS. 26.** — *Deum.* Qui ab amore terrenorum ad charitatem æternorum convertit: non quod cupidi et superbi intrent.

**VERS. 28.** — *In regeneratione.* Duæ sunt regenerationes, prima ex aqua et Spiritu sancto, secunda in resurrectione. Ita duæ adoptiones et duæ resurrectiones. *Filius hominis.* Id est, cum servi forma quæ judicata est judiciariam exercuerit potestatem, eritis et vos mecum judicees. *Super sedes duodecim.* Per duodecim sedes, universitas judicantium. Per duodecim tribus, universitas judicandorum intelligitur. Qui reliquerunt omnia, et secuti sunt Dominum, hi judices erunt: qui licita habentes recte usi sunt, judicabuntur, quibus dicetur: *Venite, benedicti Patris mei: Esurivi enim et dedistis mihi manducare.* Duo enim sunt ordines bonorum.

**VERS. 29.** — *Centuplum.* Id est, qui carnalia pre Domino dimiserit, spiritualia accipiet quæ comparatione et merito sui ita erunt, quasi parvo numero centenarius comparetur. Marcus ait: *Centies tantum nunc in tempore hoc cum persecutionibus fratres et*

*A sorores, et in futuro vitam æternam* (Marc. x), id est, in hac vita persecutionibus plena gaudium regni degustant, et omnium electorum sincera dilectione fruuntur. Sed quia multi temescunt vel retrocedunt, subdit: *Multi autem erunt primi* (Luc. xv), etc.

## CAPUT XX.

**VERS. 1.** — *Simile est regnum.* Ostendit per parabolam, quia primi erunt novissimi, et novissimi primi. Pater iste familias conditor noster est, qui habet vineam, universalem Ecclesiam, quæ ab Abel usque ad ultimum electum qui in fine nasciturus est quotquot sanctos protulit, tot palmites misit. Hic pater exiit ad excolandam vineam mane hora tertia, sexta, nona, undecima operarios conduxit a mundi hujus initio usque ad finem: ad erudiendam siderum plebem predicatores mittere non desistit. *Simile est regnum.* Non homini solum, sed toli negotio ab homine gesto, et in similibus similiter. *Primo mane.* Manifeste cœpit a primo justo æterna mercede predicatores ad plantandam Ecclesiam invitare.

**VERS. 2.** — *Convenzione.* Id est, confirmata promissione quod ad imaginem Dei reformandi essent, si Ecclesiam ædificando mandatis decalogi insisterent,

*Ex denario.* (HIER.) Denarius habet imaginem regis, etc., usque ad vel in ultimis resipiscite.

*A novissimis usque, etc.* Quia qui in adventu Domini vocati sunt ad regnum, sine aliqua tarditate perveniunt, aequales his qui ab initio mundi cœperunt, omnes quidem idem cœlum, sed stella differt a stella in claritate. A novissimis incepit, dum prius latronem quam Petrum in paradisum introduxit. Quia prius aliquando remunerant sero venientes, quia prius de corpore exeunt, quam qui in pueritia vocati sunt.

**VERS. 15.** — *Aut non licet.* Stulta quæstio contra bonitatem Dei. Quærendum esset, non si daret quod non deberet: sed si non quod deberet. *An oculus tuus, etc.* Vere Judæi pravam intentionem habuerunt qui prohibuerunt apostolos gentibus loqui, ut salvæ fierent.

**VERS. 16.** — *Sic erunt novissimi primi.* (AUG.) Id est, Judæi de capite vertentur in caudam: et gentes de cauda in caput. Unde Moyses in Deuteronomii libro: *Advena qui tecum moratur, ascendet super te: ille erit in caput, et tu eris in caudam.* Sed tamen nec omnes primi nec omnes novissimi ad numerum electorum pertinent.

**VERS. 18.** — *Ecce ascendimus, etc.* (HIER.) Illoc sœpe eis dixerat, etc., usque ad resurrecturum non dubitent.

**VERS. 19.** — *Ad illudendum, etc.* Ideo Dominus in mundo noluit prosperari sed gravia pati, ut ostenderet nos qui per delectationem cecidimus cum qua amaritudine regire debeamus.

**VERS. 20.** — *Tunc accessit ad eum.* Audita resurrectione putavit eum illico (immemor secundi adventus) regnaturum, et aviditate seminea præsentia cupit, immemor futurorum.

**VERS. 21.** — *Dic ut, etc.* Bonum desiderium, sed

*Inconsiderata petitio.* Et ideo non voluntas, non propositum culpatur, sed ignorantia : et si impetrare non debet simplicitas, non meretur confundi.

**Vers. 22.** — *Nescitis.* Qui sedem gloriæ petitis vel quæreritis, quam nondum meruitis, delectat culmen honoris quos nondum exercuit via laboris. *Potestis.* Et hoc sciebat, quod ejus passionem poterant imitari; sed hoc dicit, ut eo interrogante, et illis respondentibus, omnes audiamus : quia nemo potest cum Christo regnare, nisi passionem ejus sit imitatus.

**Vers. 23.** — *Calicem.* Ut Jacobus ab Herode truncatus, et Joannes in ferventis olei dolium missus, et in Pathmos relegatus, animo non desuit martyrium. *Non est meum dare.* Hoc est regnum celorum non est dantis sed accipientis. *Non enim personarum acceptio est apud Deum :* sed quicunque dignus est accipit, quod non paratum personæ est, sed vitæ. Si itaque tales estis qui consequamini, quod victoribus pater paravit, accipietis. Vel, non est meum dare superbis, quod adhuc estis, sed aliis quibus paratum est. Ergo et vos nolite esse quod estis, sed estote alii, id est, humiliamini qui jam vultis exaltari, et est paratum vobis.

**Vers. 24.** — *Et audientes decem.* Ut illi carnaliter petiverunt esse super omnes, sic et isti carnaliter contristati sunt esse aliquem ante se.

**Vers. 30.** — *Et ecce duo cæci.* De istis unum commemorat Marcus, quia fuerat in illa civitate famosissimus : qui ex magna felicitate ejectus notissimæ erat miseriae. Cæcus nempe et mendicus, unde et nomen ejus memorat, et nomen patris ejus Barthimæus Thimæi filius, quod in aliis non facile occurrit, nisi in Jairo, qui et in illo loco nobilis fuit. Famositas autem illuminati, magnam famam miraculo comparavit. Veniens Jericho unum illuminat quod Lucas ait, quia morti propinquans lumen Evangelii prædicavit Judæis, exiens duos, quia post resurrectionem Judæis, et gentibus. De quibus Marcus unum ponit, qui gentibus scribit.

## CAPUT XXI.

**Vers. 1.** — *Et cum appropinquassent.* Hic prætermittit Matthæus ea quæ facta sunt antequam intraret Jerosolymam, quæ alii prolixius tractant. *Et cum appropinquassent.* Dominus spiritualiter Jerusalem appropinquavit quando incarnatus, Ecclesiam in qua est visio pacis visitavit, quam per confessionem sibi reconciliavit. Bethphage enim domus buccæ dicitur. *Bethphage.* Bethphage erat viculus saecordatum in monte Oliveti, in cuius montis latere est civitas Bethania. Bethphage, domus buccæ. Bethania, dominus obedientiæ. Has Dominus pergens, Jerusalem sua præsentia sublimat, quia multos ante passionem docendo donis piæ confessionis et obedientiæ implevit. Sitæ autem sunt illæ civitates in monte Olivarium, id est, in Christo Domino, a quo unctio et lux omnibus venit; unde : *Non potest civitas abscondi super montem posita.* — *Ad montem Oliveti :* tunc Jesus, etc. Ad sublimitatem misericordiæ respiciens,

A *Deo misericordia* interpretatur. Olei natura lucis ministra est, et laborum et dolorum solamen, et excellit cæteris liquoribus. *Misit.* Quia lucernam quam accepit, non vult sub modio abscondi. *Duos discipulos.* Duo propter scientiam veritatis et munditiam operis, et sacramentum geminæ dilectionis prædictari. Quidam dicunt hos duos Petrum et Philippum, qui primum gentiles ad Christum adduxerunt, Philippus Samariam quam *asinam* interpretantur, Petrus Cornelium quasi Samariæ pullum.

**Vers. 2.** — *Et pullum.* Pullus est populus gentium cui nullus doctorum frenum correctionis impo-  
suit, liber et lascivus, qui et ipse vinculis peccato-  
rum irretitus erat. *Omnes enim peccaverunt et egent  
gratia Dei (Rom. iii).* Alii de solo pullo : Matthæus

B qui Hebreis scribit, et de asina dicit docens non desperari salutem Hebreis si poeniteant. Marcus di-  
cit pullum ante januam in bivio inventum. Janua Christus, extra quam populus gentium stabat ligatus : non in una via fidei, sed in diversis erroribus.

**Vers. 5.** — *Dicite filiæ Sion.* Filia Sion, est Jeru-  
salem sita in monte Sion. Mystice. Ecclesia perti-  
nens ad supernam Jerusalem quæ est mater om-  
nium nostrum, cuius non minima pars tunc erat in  
populo Israel. *Rex.* Ne dicatis : *Non habemus re-  
gem, nisi Cæsarem (Joan. xix).* Tibi. Si credis; con-  
tra te si non credis. *Super asinam, etc.* Non ad  
litteram super utrumque sedit, sed in præcordiis  
utriusque populi. Potuit Dominus super utrumque  
ascendere, descendens de uno, et ascendens super  
alium.

**Vers. 7.** — *Et adduxerunt.* Sic et apostoli mundam  
virtute Christi a potestate diaboli solverunt, et im-  
posuerunt vestimenta super eum. Sed cætera turba,  
id est, Judæi vestimenta, id est, legis mandata sternunt,  
quia a Christianis erant conculeanda, in via,  
id est, in Christo. *Super eos.* Vester apostolorum  
sunt præcepta divina, et gratia spiritualis, quibus  
turpitudo carnis nostræ tegitur. His prius nudi po-  
puli, sed modo per apostolos ornati Christum habent  
sessorem. Minor turba non ponit uestes super asi-  
nam, sed in via nec ubi offendat : quia sancti mar-  
tyres carnem exuentes, simplicioribus viam per  
exemplum suo sanguine parant.

**Vers. 8.** — *Ramos de arboribus, etc.* Ramos vel  
frondes cædunt, quia verba et sententias de libris  
Patrum excerpterunt vel exempla.

**Vers. 9.** — *Osanna.* (HIER.) Osi, id est, salva, sal-  
visca. Anna interjectio deprecantis, quasi salva ob-  
secro. Osanna totum Hebraicum est, et significat  
quod adventus Christi salus mundi sit : unde sequitur : *Benedictus. Osanna,* id est salva. *In excelsis.*  
Quia adventus Christi non tantum hominum sed to-  
tius mundi salus est, terrena conjungens cœlestibus,  
*ut in nomine Jesu omne genu flectatur cœlestium, ter-  
restrium et infernorum (Phil. ii).* *In excelsis.* Quia et  
angelorum salus quorum numerum implet.

**Vers. 10.** — *Cum intrasset.* Frequenter ingressus  
est civitatem Jerusalem, sed non cum his laudibus :

non rex vocatur, quod semper fugerat, nisi modo cum ascendit passurus. Quod ideo factum est, ut amplius illorum adversum se excitaret invidiam, quia jam tempus passionis instabat.

**VERS. 12.** — *Et ejiciebat.* (Avc.) Ejecerat et ante alia vice, quod Joannes solus dicit : sed de hac ultima ejectione dicunt et alii. *Mensas numulariorum.* Quia de omnibus partibus ad templum veniebant, vendebant sacerdotes non habentibus omnia animalia, etiam columbas quas pauperes offerent, ut vendita postea reciperent oblationes. Sed quia aliqui nihil habebant unde emerent, posuerunt numularios, qui mutuo darent : et quia lex vetat usuram, pro ea varias species, id est, poma, uvas et hujuscemodi accipiebant ; hos ejicit. Sic et mystice quotidie de Ecclesia ejicit. Et habet unius criminis reos vendentes et ementes ecclesiastica officia. *Et cathedras vendentium.* Quae magistrorum sunt, id est, sacerdotium eorum destruit qui de impositione manus, per quam Spiritus sanctus datur, pretium accipiunt. Hinc est, quod haeresis Simonis damnatur. Ad litteram autem absurdum est dicere instidores columbarum in cathedralis sedere.

**VERS. 13.** — *Latronum.* Latro est qui lucra sectatur, qui et non dantes corporaliter persecutur, et cunctes necat spiritualiter, et dum lesionem proximi cogitat, quasi latro sedet in spelunca.

**VERS. 14.** — *Et accesserunt.* Mystice. Simplices peccatores ad se per poenitentiam accedentes, prius cæcos in cognitione et cludos in operatione illuminando, et in vitam rectitudinis dirigendo quotidie sanat.

**VERS. 15.** — *Mirabilia quæ,* etc. Ut flagello unius et vilis tot ejici, mensas subverti, quo nihil mirabilius egit. Igneum et sidereum aliiquid radiat ex ejus oculis, luctet in facie majestas deitatis.

**VERS. 16.** — *Dixit eis.* Non patet calumniæ, non, ait, bene faciunt vel male, vel ætati parcite, sed temperat, et se tacente verba puerorum testimonio Scriptura confirmat. *Infantium et lac.* Testes miraculorum Christi infantes dicuntur, non ætate, sed simplicitate. Lactentes quasi lacte, id est, miraculorum suavitatem delectati, quæ dicuntur lac, panis vero doctrina perfecta.

**VERS. 17.** — *Abiit foras.* Quia pauper, nullique adulatus, nullum in tanta urbe invenit hospitem, sed apud Lazarum receptus est.

**VERS. 19.** — *Fici arborem.* Sicut multa dixit in parabolis, ita et fecit. Cur enim in sicu fructum quereret, cuius tempus nondum esse quilibet sciret, et ob id æterna sterilitati damnaret, nisi quia plemenum quam docebat verbo terruit hic facto; ne quis habens folia, id est verba justitiae sine fructu operum, mercatur excidi. *Folia.* Traditiones Pharisæorum sine fructu veritatis, unde alias evangelista : nondum erat tempus salvationis Israel, eo quod populus gentium nondum subintransset, vel quia præterit tempus fidei, cum spretus ad gentes transiit. *Nunquam ex te fructus.* Non facit injuriam creator

A possidenti, si creatura sua ad arbitrium suum utitur, et ad utilitatem aliorum.

**VERS. 20.** — *Et videntes.* Passurus Dominus et scandalum crucis portaturus, discipulorum animos debuit signi anticipatione signare, unde et mirabantur, quod sicut aruit : potuit eadem virtute inimicos siccare nisi per patientiam eorum exspectasset salutem.

**VERS. 21.** — *Fidem.* Perfectam fidem habet, qui per dilectionem operatur : hic potest montes transferre. Alii de peccato veniam obtinent si ipsi aliis dimittunt.

**VERS. 22.** — *Accipietis.* Et si differatur ad tempus opportunum, et si non his quibus petitur tamen qui digne petunt.

**VERS. 24.** — *Interrogabo,* etc. Poterat aperte confutare eos : sed ideo interrogat, ut suo vel silentio vel sententia damnentur, et in qua potestate hoc facit cognoscant per se, secundum illud : *Deus contredit dentes eorum in ore ipsum.*

**VERS. 27.** — *Nec ego dico vobis.* Duabus de causis occultatur veritas, vel quia non sunt capaces auditores, unde : *Habeo multa vobis dicere, sed non potestis portare modo;* vel quia sunt contemptores, unde *Nolite sanctum dare canibus.*

**VERS. 28.** — *Homo quidam habebat duos filios,* etc. Facta sacerdotibus cauta responsione, statim insert parabolam, quæ et illos impieatis arguat, et ad gentes regnum Dei transferendum doceat.

**VERS. 31.** — *Dicunt ei.* In quibusdam codicibus habetur, *pro primus, novissimus.* Intelligunt enim veritatem, sed tergiversando nolunt dicere quod sentiunt, ut de baptismo Joannis.

**VERS. 32.** — *Joannes in via justitiae.* Joannem Judæi contemnentes, nec viam justitiae comprenderunt, nec de operibus malis poenitentiam egerunt. *Vos autem.* (Grec.) Quia aperte solebant respondere sapientiæ, in parabolis capiuntur.

**VERS. 33.** — *Vineam.* De qua Isaías (cap. iv). *Vineam Domini saba,* etc. *Fodit in ea torcular.* In fossione timor notatur, quia præcepta illa legalia non amore sed timore servabant.

**VERS. 34.** — *Tempus fructuum appropinquasset,* etc. Bene tempus fructuum, non fructus : quia nullus fuit in illo contumaci populo.

**VERS. 37.** — *Novissime,* etc. Vide patrisfamilias patientiam qui exspectat ad poenitentiam. *Verebuntur.* Quasi faciam quod meum est, ipsi videant quod suum est.

**VERS. 38.** — *Hic est haeres.* Patet principes sacerdotum non per ignorantiam, sed per invidiam occidisse Jesum, cum scirent eum esse, cui dicitur : *Postula a me, et dabo tibi gentes hereditatem tuam* (Psal. ii) ; unde et consulentes sibi aiebant : *Si dimittimus eum sic* (Joan. ii), etc. *Habebimus hereditatem.* Hereditas Christi quam resurgens possedit, Ecclesia est, quam moliebantur præriore Judæi :

dum fide ejus extincta justitiam quæ ex lege est, A supponit non omnes qui sunt in Ecclesia, esse dignos regno, ne torpeant sui.

**VERS. 39.** — *Ejecerunt extra vineam.* Marcus mutat hunc ordinem, dicens : *Occiderunt et ejecerunt extra vineam* (*Luc. xx*), quasi vite cadaver. In quo notat pertinaciam, quia occiso Domino et resuscitato, a suis finibus eum excluserunt, et gentibus miseruntur.

**VERS. 42.** — *Ædificantes.* Qui de subdita plebe quasi Deo domum struere videbantur.

*Et qui ceciderit*, etc. Qui credit, et tamen peccat : cadit super illum lapis et non conteritur : sed constringitur, quia per patientiam ad salutem reservatur, sed cui lapis irruit, id est, qui negat, penitus conteritur, ut nec testa remaneat ; vel cadit super eum qui modo contemnit et injuriis afficit, neandum penitus interit, sed quassatur ut non ambulet rectus. Cadit super illum lapis, quando veniens in judicio opprimit, cum dicit : *Ite in ignem æternum.*

## CAPUT XXII.

**VERS. 2.** — *Simile factum.* Iterum arguit per parabolam : non tacet quia exasperati sunt, sed pejorem iram Dei per aliam parabolam dicit eis esse ventram. *Nuptias.* Nuptiarum thalamus est virginis uterus. De invitatis ad nuptias solus Matthæus narrat. Aliud simile ex parte Lucas dicit de cœna, id est, æterno convivio, de quo nemo ingressus repellitur, sicut de præsenti Ecclesia.

**VERS. 4.** — *Tauri.* Quia prius prophetæ, et post apostoli ab infidelibus passi sunt : qui vobis modo sunt in exemplum quid sit vobis credendum. Venite, sicut, cæteris concordando. Tauri sunt patres Veteris Testamenti, quibus indulta est licentia inimicos quasi cornu feriendi. Altilia ali alendo, id est pinguis interna charitate præcones Novi Testamenti, contemplationis penna superna petentes. Occisa, vel ab eo quod fuerant, vel per mortem carnis jam in requie positi.

**VERS. 5.** — *Alius in villam.* In villam ire est terreno labore immoderate incumbere. Negotiari vero, terrenis lucris inhiare.

**VERS. 7.** — *Rex autem.* Supra homo dum invitabat et opera clementiæ agebat, nunc in ultione rex tantum. *Et missis,* etc. Missis exercitibus, id est, angelis per quos judicium exercebit, persequentes perdit : et civitatem, id est, carnem in qua habitaverunt cum anima in gehenna cremabit.

**VERS. 8.** — *Nuptiæ quidem paratæ.* Omne sacramentum incarnationis peractum est, nativitas et passio.

*Ad exitus*, etc. Actiones sunt viæ : exitus, defectus actionum : quia plerumque facile convertuntur quos in terrenis actibus prospera nulla comitantur.

**VERS. 11.** — *Ut videret discumbentes.* Id est, videri faciat judicandorum merita, et discernat. *Non restitum reste nuptiali.* Consultatis autem Pharisæis

A supponit non omnes qui sunt in Ecclesia, esse dignos regno, ne torpeant sui.

**VERS. 12.** — *Amice quomodo huc intrasti non habens vestem nuptialem?* Amicus, quia ad nuptias invitatus. *Quomodo,* impudentiæ arguit.

**VERS. 13.** — *Ligatis manibus et pedibus.* Ligantur poena qui hic a malo noluerunt ligari, id est, cohiberi. Manus quæ non extensæ ad eleemosynam. Pedes tardi ad bonum. Ibi singula membra poenis subjiciuntur, que hic singulis vitiis servierunt. *Exteriores,* etc. Quia hic interiores habent tenebras cordis.

**VERS. 14.** — *Multi autem sunt vocati, pauci vero electi.* Repulso uno, in quo omne corpus malorum exprimitur, generalis sententia infertur. *Multi autem sunt vocati.* Quasi dicat : Et si de uno dixi, de multis est intelligendum.

**VERS. 16.** — *Cum Herodianis dicentes.* Tanquam ignotis, ut facilius deciperent, quia timebant turbas. Quod per se non audent, præsidis manibus attenant. *Cum Herodianis.* Id est, militibus Herodis. Sub Cæsare Augusto quando descriptio facta est, Judæa facta est tributaria. His tributis præpositus est Herodes Antipatris filius alienigena et proselytus, rex Judæis ab Augusto constitutus. Erat ergo sedition in populo, aliis dicentibus debere dari tributa, pro securitate et quiete, cum Romani pro omnibus militent. Pharisæis contra nitentibus, non debere populum Dei qui decimas solvit, et cetera que lex dicit, humanis legibus subiaceere. Mittunt igitur Pharisæi si possent decipere.

*Non est tibi cura*, etc. Illuc provocant, ut Deum magis timeat quam Cæsarem : et ideo non debere solvi tributa dicat, ut Herodiani quasi auctorem seditionis teneant.

**VERS. 18.** — *Hypocritæ.* Quia aliud sunt, et aliud simulant.

**VERS. 21.** — *Reddite ergo.* Vel sicut Cæsar exigit impressionem suæ imaginis, sic et Deus animam lumine sui vultus signatam.

**VERS. 23.** — *Sadducæi,* etc. Duæ erant hæreses in Judæis. Pharisæorum qui præferabant justitiam traditionum et observationum : et Sadducæorum, qui et ipsi vindicabant sibi, quod nondum erant, id est justi. Sadducæi namque *justi* interpretantur, qui resurrectionem corporum non credunt, et animas interire putant cum corpore, turpitudinem fabule singunt, que deliramenti eos arguat qui resurrectionem asserunt. Potest autem fieri ut in gente eorum hoc aliquando acciderit.

**VERS. 29.** — *Erratis.* Ideo quia nescitis Scripturas, Unde sequitur, ut nesciant virtutem Dei.

**VERS. 30.** — *In resurrectione.* Resurgent quidem corpora, quæ possent nubere et nubi : quod de his dicitur, qui habent membra genitalia : sed alia ratione non nubent.

**VERS. 31.** — *Non legitis.* In Moyse quem recipitis, alioquin posset apertiora de resurrectione testi-

monia prophetarum dare : sed prophetas Sadducæ A potest enim Christo cœlestia prædicanti credere, qui non recipient.

**VERS. 32.** — *Deus Abraham, etc.* Qui jam mortui erant, quando hæc dicebat, ergo per hoc animas probat permanere post mortem : non enim dicetur Deus non existentium. Et sic introducitur et corporum resurrectio, quæ cum animabus bona vel mala gesserunt : *Deus Abraham, Deus Isaac et Deus Jacob.* Per hoc probat aeternitatem animarum, et statim infert : *Non est Deus mortuorum, etc.*, ut eum probaverit animas permanere post mortem, consequenter introduceretur etiam corporum resurrectio, quæ cum animabus bona vel mala gesserunt.

**VERS. 34.** — *Silentium.* Nota venena invidiæ superari posse, sed difficile conquiescere. *Convenerunt.* Ut multitudine vincerent quem non poterant ratione. In tentando convenienti qui in doctrina contrarii sunt. Jam confutati erant in ostensione denarii, jam viderant etiam Sadducæos obmutescere, sed tamen malevolentia et livor nutrit impudentiam.

**VERS. 35.** — *Tentans eum.* Marcus ait, quod ei sapienter respondenti Dominus dixerit : *Non longe es a regno Dei.* Potuit enim fieri, ut qui tentans venit, responso Dominico conversus sit. Vel tentatio non est mala quasi volentis decipere, sed causa volentis amplius experiri ignotum.

**VERS. 37.** — *Diliges Dominum Deum tuum.* Fictam conscientiam interrogantis Dominus primo responso percudit. *Deus tuus unus est.* Non assumes nomen Dei tui in vanum. *Observa diem sabbati.* Hæc tria ad dilectionem Dei pertinent : Cujus cogites unitatem, veritatem, voluntatem. *Ex toto corde.* Integritas fidei exprimitur. In tota anima, perfecta obedientia, exigitur. In tota mente, perseverantia ostenditur.

**VERS. 42.** — *De Christo.* Sive venit, sive futurum creditis, quem purum hominem asseritis.

**VERS. 44.** — *Dixit.* Istud dicere est æqualem sibi filium generare. *Domino.* Non secundum quod de eo natus, sed quod de patre semper fuit.

**VERS. 45.** — *Quomodo.* Repugnantia sunt hæc secundum vestrum intellectum.

**VERS. 46.** — *Et nemo poterat, etc.* Nota venena invidiæ superari posse, sed difficile conquiescere.

#### CAPUT XXIII.

**VERS. 1.** — *Tunc locutus est.* Illis confutatis qui dolosi sunt, instruit eos qui idonei sunt, nihilominus hortans eos subjici illis propter sacerdotium et nominis dignitatem : non opera, sed doctrinam considerantes.

**VERS. 4.** — *Onera gravia.* Legis mandata permisit suis traditionibus, secundum ea suadentes vivere : et non venire ad facilem et delectabilem gratiam Christi; unde supra : *Venite ad me qui laboratis et onerati estis.*

**VERS. 5.** — *Omnia vero.* Dixit tales doctores audiendos esse, non imitandos : nunc ostendit causam propter quam non possunt credere Christo, id est quia omnia faciunt ut videantur ab hominibus. Non

A potest enim Christo cœlestia prædicanti credere, qui gloriam terrenam cupit.

**VERS. 8.** — *Vos autem.* Dupli ratione ab his attendere jubet, ne eorum simulatione seducamur, vel ne æmulatione inflammemur.

**VERS. 9.** — *Unus est.* Qui illuminat hominem, quod non alias homo, sed tantum exercet, docendo non intellectum præstat. *Pater uester.* Deus dicitur Pater et Magister natura, homo indulgentia. Pater, ut honor ciati deferatur, non ut auctor ritus habeatur. Magister, ex consortio veri magistri tanquam ejus nuntius : et pro reverentia ejus a quo mittitur, honoratur.

**VERS. 13.** — *Clauditis.* Vel malo exemplo, vel mysteria Scripturarum tollendo. Exemplo enim et doctrina eorum qui magistri sunt, alii quidem Christum non recipiunt.

**VERS. 15.** — *Circamitis.* In toto orbe Evangelio detrahitis : et si quis vobis adhæret, duplæ pœnæ filius est : quia neque remissionem peccatorum accipit, et in eorum societatem incidit qui Christum sunt persecuti. Quisquis ejus Filius dicitur cuius opera agit. *proselytum.* Proselyti sunt de gentibus in Synagogam recepti, quorum raritas per unum significatur, quia vix aliquis post Christum.

**VERS. 16.** — *Quicunque.* Pharisæi qui omnia fecerunt propter lucrum dicebant esse etiam sanctiora oblata quam templum vel altare : ut homines promptiores essent ad offerenda dona, quam ad preces fundendas in templo vel justicias faciendas. In quo non Dei timorem, sed suam cupiditatem attendebant. Ideo arguit eos Dominus stultitiae et fraudulentie.

**VERS. 22.** — *In cœlo.* Per creaturam : ubi non putatis perjurium esse, jurat in cœlo, id est, per subjectam creaturam jurat, et per divinitatem præsidentem creature.

**VERS. 23.** — *Væ vobis.* Et hic arguit eos avaritiæ : quia nihil prætermittunt de his quæ ad commodum suum sunt. *Qui decimatis.* Quia Deus præcepit omnium rerum decimas propter alimoniam sacerdotum. Nota quod per eleemosynam aliqua impunitas non emitur in iniquitate manentibus.

*Hæc oportuit.* Ne eleemosynas ruetum terre videretur respuere, hæc addidit.

**VERS. 24.** — *Duces cœci.* Opinione religionis in minimis quæ lucrum habent diligentiam ostenditis : sed magna præcepta de iudicio, fide et misericordia devoratis et negligitis. *Excolantes.* Mystice. Culicis nomine seditus homicida Barabbas signatur : quia hoc animal strepido inquietat et sanguine delectatur. Cameli nomine propter humilitatem ad subeunda onera, Dominus intelligitur. Colunt ergo Judæi culicem, in est, minima observant, quia Barabbas qui non solverat sabbatum, dimiscunt, et camelum glutiunt, id est, majora contemnunt : quia Christum spiritualiter sabbatum insinuantem per iudicium et

misericordiam et fidem (quæ illi contemnunt) occi- A derunt.

**VERS. 25.** — *Vae vobis.* Diversis similitudinibus simulationis et mendacii arguit phariseos qui aliud hominibus ostendunt, aliud domi agunt. *Qui mundatis.* Frustra sanctitatem exterius pretenditis, sicut si quis calicem mundet exterius, intus autem relinquit sordes : cum ejus usus sit interior. Lucas ita. *Stulte, qui fecit quod deforis est etiam id quod intus est, fecit* (*Luc. xi.*) id est, qui utramque naturam hominis fecit, utramque mundari voluit. Nemo igitur putet fornicationem et hujusmodi corporalia vitia solummodo gravia esse, et avaritiam, et superbiam, et iram, et cætera spiritualia levia esse.

**VERS. 26.** — *Calicis.* Per similitudinem, non quod in calice et paropside sit eorum supersticio.

**VERS. 29.** — *Qui ædificatis.* Extruitis memoriam occisorum propter favorem vulgi, ut justi videamini, arguitis etiam facinora patrum vestrorum.

**VERS. 31.** — *Itaque.* Quia scelera patrum detestamini pro specie quidem sanctitatis ; dum Christum persequendo et apostolos eadem facitis, facto probatis vos esse filios non solum carne, sed imitatione iniqua : et patet eos scientes peccare. Id est contra vos loquimini dum patres damnatis : similiter enim facitis.

**VERS. 32.** — *Et vos.* Probato quod filii sunt homicidarum, ponit id ad quod tendebat : *Et vos implete,* quod illis defuit implete, illi prophetas, vos Dominum prophetarum occidite. Non jubet, sed quod facturi sunt ostendit.

**VERS. 33.** — *Quomodo fugietis.* (*HIER.*) Sepulcra sautorum ædificando, an potius corda a malitia mundando. Liberabunt vos sancti, quorum sepulcra ornatis ? Non certe. Sancti non sunt amici inimicis Dei : frusta sanctos honorant, qui sanctitatem spernunt.

**VERS. 34.** — *Sapientes.* Qui sciunt quem proferant sermonem. *Scribas.* In lege peritos.

**VERS. 35.** — *Ut veniat super vos.* Non hos tantum præsentes dicit, sed omnem generationem malorum præcedentem et futuram : quia omnes una civitas sunt, unum corpus diaboli. *Abel justi.* Justitia Abel approbata est per munerum acceptionem. *Usque ad sanguinem.* Cur usque adhuc, cum multi post hunc occisi ante natalem Christi, et Christo nato mox pueri ab hac generatione sunt perempti ? Sed quia Abel pastor ovium fuit necatusque in agro : Zacharias sacerdos necatus est in atrio templi : utriusque gradus martyres et laicos et officio altaris mancipatos, sub eorum voluit intimare vocabulism. Zacharias qui occisus est a rege Joas inter templum et altare, ut historia Regum narrat, filius fuit Joiadæ, et in Evangelio quo utuntur Nazarei, pro filio Barachiae legitur filius Joiadæ. Sed ut justitia Joiadæ sacerdotis prædicetur, ipse Barachias vocatur, id est, benedictus Dominus. Iste Zacharias de duodecim propheticis unus erat, sicut pater Joannis de prophetis unus erat.

A **VERS. 36.** — *Super generationem.* Quæ a primo parricida usque ad ultimum perditionis filium computatur : quasi, similes erunt in poena sicut sunt et in culpa.

**VERS. 37.** — *Jerusalem.* Quasi dicat : Rei estis sanguinis, et merito, quia multoties misi ad vos congregandos, et noluistis. *Quoties.* Ac si dicat : Ego volui, et tu noluisti, et quotquot congregavi mea voluntate semper efficaci te nolente feci, quia semper ingrata fuisti. *Gallina.* Hoc animal magnum affectum habet in filios, ita ut eorum infirmitate affecta infirmetur, et eos alis protegens contra milium pugnet. Sic Dei sapientia per carnem infirmata, protegit nos et defendit a diabolo.

B **VERS. 38.** — *Relinquetur.* Civitas auxilio Dei nuda suæ ditioni relinquetur, quæ bene derelicta est, cum a Deo derelinquitur.

**VERS. 39.** — *Benedictus qui venit.* Hoc turbæ dixerunt Domino venienti Jerusalem. Quod autem his transactis hic Dominus dicit, cogit mystice intelligi de adveuto charitatis suæ, ubi confitebuntur Filium quem crucifixerunt.

#### CAPUT XXIV.

**VERS. 2.** — *Non relinquetur hic lapis super lapidem.* Mystice. Recedente Domino de templo omnia legis ædificia et compositio mandatorum ista destruta est, ut nihil possit a Judæis impleri. Divinitus autem provisum est, ut crescente Evangelii gratia templum illud cum suis cæremoniis tolleretur, ne C quis infirmus in fine illis stantibus Judaismi occasionem haberet. Idem qui comminatus est verbo, ostendit signo, dum egreditur ab illis facta comminatione.

**VERS. 3.** — *Sedente autem.* Ubi Marcus ait, *contra templum.* Sedet contra templum cum de ruina ejus et excidio gentis disputat ut et corporis situs verbis suis congruat. Mystice. Sedet in monte Oliveti, id est in Ecclesia quietus manens superborum detestatur arrogantiam. *Dic nobis.* Quia dixit omnia destruenda, tempus et signa destructionis querunt. Tria querunt : quo tempore destruenda Jerusalem sit ? quo venturus Christus ? quo consummatio sæculi ventura sit ?

D **VERS. 4.** — *Videte.* Cum hæc sient, ne putemus instare diem Domini, cuius signum perspicue ponitur in sequentibus. Preannunt ne turbentur vel desificant per deceptionem, ut per Simonem Magum, vel per tribulationem et persecutionem, ut per Necronem. Nota hæc venientia ante excidium Jerusalem similia sunt et eadem fere cum his quæ sient in consummatione sæculi, et loquitur ita de uno quasi de alio.

**VERS. 5.** — *multi.* Imminente Jerusalem excidio multi fuerunt principes qui se dicenter esse Christos, et tempus libertatis prope esse. Multi in Ecclesia temporibus aposolorum, qui præter alia falsa dicebant instare diem Domini.

**VERS. 6.** — *Audituri.* Hæc in Judea a passione Do-

mini abundaverunt : quibus ne territi apostoli Jerusalēm et Iudeam deserant admonentur, quia non statim finis, sed post quadraginta duos annos.

**VERS. 8.** — *Hæc autem.* Hæc autem omnia sunt initia, non consummatio quasi præconia Antichristi, vel excidii urbis. Hæc partim ad eversionem Iudeorum, partim ad diem judicii pertinent, quia ita apostoli interrogaverunt de utroque.

**VERS. 9.** — *Tunc tradent.* Quo merito hæc Iudeis eveniant subdit, qui post occisionem Christi, nominis et fidei ejus præcones persecuti sunt.

**VERS. 11.** — *Et multi pseudoprophetæ.* Quidam hoc ad eversionem Iudeorum referunt. Sed tunc inter eos, quia nullus erat fidelis, ad quem fieret exhortatio; melius hoc accipitur de hæreticis, quorum primus Simon Magus fuit. Extremus major omnibus, Antichristus est. Diligenter intuendum est, quod signorum ad excidium urbis, quod ad diem Domini referatur. Respondit enim Dominus, quæ ex illo tempore erant secutura sive de excidio Jerusalem sive de adventu suo.

**VERS. 14.** — *Et prædicabitur.* Quia noverat Dominus corda discipulorum de excidio et perditione suæ gentis contristanda, hæc solatio relevat ut scirent multo plures socios gaudii æterni de toto orbe colligidendos. Adhuc tenete hoc signum, quod non instet dies Domini vel desolatio Jerusalem antequam apostoli toto orbe dispersi sint, preter duos Jacobos, qui primitus in Iudea interficiuntur. Dispersi, inquam, ut si dolerent de perditione suæ gentis, solatum habeant plures socios de omni gente collectos.

**VERS. 15.** — *Abominationem,* etc. Vel si de excidio urbis, abominatio, id est idolum. Pilatus enim possit imaginem Cæsaris in templo desolato. Vel hoc dicitur de statua Adriani equestris, quæ in ipso sanctiorum loco longo tempore stetit.

**VERS. 16.** — *Tunc qui in Iudea.* Hæc ad litteram facta sunt, cum, appropinquante exterminio Iudeorum, oraculo moniti omnes Christiani fugerunt in regnum Agrippæ qui parebat Romanis.

**VERS. 22.** — *Et nisi.* Quæ ergo spes electis, nisi gratia Dei, que dat patientiam pii, ut citius demat potentiam impiis? Quanto enim erit hæc tribulatio gravior, tanto erit brevitate moderatior. Vel dierum nomine, ipsa mala significantur. *Breviati fuissent.* Non mensura, sed numero, ne mora temporum fides concutiatur creditum. Erunt enim hæc mala tribus annis, et dimidio tantum. *Ecce hic Christus.* Habet unaquæque hæresis, vel certas mundi partes, unde dicitur: *Ecce hic et ecce illuc.* Vel in occultis aut in obscuris conventiculis curiositatem hominum decipit, unde dicitur: *Ecce in cubilibus, ecce in deserto.* Multi erunt qui non credent Christum esse communem salutem omnium, sed quorundam, unde dicitur: *hic aut illuc.*

**VERS. 24.** — *Si fieri posset.* Id est, si aliquo modo fieri posset, ut Dei præsinitio mutaretur, et ideo non de veris intelligi potest electis. *Electi.* Non quod di-

A vina electio frustretur, sed qui judicio humano vindicentur electi.

**VERS. 26.** — *Ecce in deserto.* Multi etiam credunt non venire in publicum, sed in deserto. Multi credunt Christum dedisse secretiora præcepta fidei aliis, non omnibus, unde dicitur, *in penetralibus.* *Nolite credere,* quod Christus in deserto vel in penetralibus, sed quod fides ejus ab Oriente in Occidentem in catholicis fulget clara et manifesta. Ne ergo credatur schismaticis. Nomine Orientis et Occidentis totum orbem designat.

**VERS. 31.** — *A summis cælorum.* Ne quis putaret a quatuor plagiis terræ, et non a cunctis finibus ejus, simul et mediterraneis regionibus electos esse congregandos, subditur: *A summo terræ usque ad summum cæli,* id est, ab extremis terræ finibus per directum usque ad ultimos terminos ejus: ubi longe aspicientibus circulus cœli terræ videtur insidere.

**VERS. 32.** — *Ab arbore.* Mystice. A populo Israel, in quo cæcitas ex parte contigit: et fuit ficus damnata. Sed cum de arido ligno ramus fidei et charitatis in eo viruerit, et folia, id est, verba prædicationis exorta fuerint, prope est æstas, quæ exspectatur, id est, æterna serenitas et renascentium desiderata novitas. Cum enim tandem ablata perfidia Israel omnis salvus fiet, prope esse diem judicii non dubitandum est.

**C VERS. 35.** — *Cælum et terra.* Innovabuntur, deposita priori forma, permanente autem substantia, unde dicitur: *Terra in æternum stabit.*

**D VERS. 36.** — *De die.* Ne forte auditis signis, quærerent etiam illius diei certum terminum, ait: *De die novissima, post quot annos vel dies ventura sit, nolite esse solliciti, nulli diffinitum est, quod vel in die vel in nocte judicium futurum sit, sed pro manifestatione dicitur dies, vel pro occultatione noctis.* *Nemo scit,* etc. In quibusdam codicibus additur, *neque Filius.* Qui quidem omnia scit cum Patre, sed non facit homines scire, sicut Apostolus ait: *In eo esse absconditos thesauros sapientie et scientie* (II Col. 1). Non facit scire, quia inutiliter sciretur. Sed semper simus incerti de adventu judicis, ut sic quotidie vivamus quasi in alia die judicandi simus. Neque electi angeli quemquam scire fecerunt. Vel nulli sanctorum angelorum concessit Deus notitiam diei bujus, neque filio adoptivo. id est, neque ulli sanctorum hominum.

**VERS. 37.** — *Sicut autem.* Subitum adventus sui diem plurimis affirmat exemplis: nam et fulguri cito omnia transvolanti comparavit et diebus Noe, vel Loth secundum alium evangelistam æquiparat.

**Vers. 38.** — *Comedentes et bibentes, nubentes, etc.* Non alimenta et nuptiae, sed immoderatus licitorum usus arguitur. Post bella, fames, terræmotus, etc., tunc brevis sequetur pax, ut fidelis probetur, an transactis mali speret judicem venturum, unde dicitur: *Cum enim dixerint pax et securitas, tunc repentinus eis superveniet interitus* (I Thess. v).

**VERS. 40.** — *Tunc*, etc. Lucas, in illa nocte, id est, in illa tribulatione qua probantur, in qua alii permanent, alii cadunt. *Duo erunt.* Duæ differentiæ prædictorum sunt in Ecclesia, quasi in agro laborantium, eorum qui sincere Christum annuntiant, et eorum qui verbum Dei adulterant.

**VERS. 41.** — *Duo molentes.* Duæ differentiæ sequentium orbem rerum mobilium, qui feminino genere designantur, quia majorum consilio reguntur feminæ a viris. *Duo in lecto.* Qui otium eligunt et quietem, quæ significantur nomine lecti, nec sacerdibus, nec ecclesiasticis negotiis occupati. *Unus assumetur.* Qui propter Deum continere studet, ut sine sollicitudine vivens cogitet quæ Dei sunt. Qui autem humana laude vel aliqua vitiorum corruptione monasticam vitam elegerit, relinquetur a Deo. Non sunt alia genera hominum, quam hæc tria in Ecclesia. Unde Ezechiel tres viros liberatos vidit, Noe, Daniel et Job, id est rectores ut Noe, continentis ut Daniel, conjugatos ut Job. Et secundum hæc tria genera hominum, tres supponit parabolæ. In prima agit de laborantibus in agro, quod est ubi dicit: *Vigilate ergo.* In secunda agit de existentibus in lecto, quod est ubi dicit: *Simile est regnum cœlorum decem virginibus.* In tertia agit de molentibus in mola, quod est ubi dicit: *Sicut enim homo peregre proficiscens,* etc.

**VERS. 42.** — *Vigilate ergo.* (HIER.) Non dixit quia nescimus, sed quia nescitis, ut ostendat se diem judicii non ignorare.

**VERS. 43.** — *Si sciret,* etc. Nesciente patres familiæ fur domum perfodit, quia dum a sui custodia spiritus dormit, improvisa mors carnis habitaculum irrumpt, et ad supplicium trahit. Furi autem resistet si vigilaret, quia adventum judicis occulte venientem præcavens occurreret pœnitendo.

**VERS. 45.** — *Quis putas est fidelis servus.* Tribus similitudinibus, fulguris, furis, et submersionis Pentapolis, terrem judicij introduxit communiter ad omnes, ut vigilarent et parati essent. Nunc specialiter ad prælatos loquitur qui humiles, prudentes, non appetentes bonum propter lucrum temporale, sed verbo et exemplo et opere debent pascere oves. *Quis putas,* quasi dicat: Admonendi estis. Nam quam rarus est Domino propter Dominum serviens, oves Christi non ad lucrum, sed amore Christi pascens. *Prudens.* In futuro sibi providens. *Quem constituit.* Quam rarus qui sit vocatus a Deo tanquam Aaron et non magis se ingesserit, et qui non magis se pascat quam oves.

**VERS. 46.** — *Beatus ille.* Æterna autem beatitudine glorificandus est qui Domino veniente ad judicium repertus fuerit fideliter annonam verbi ministrans et in cura gregis vigilans. Rarus invenitur fidelis vel prudens, sed qui talis invenitur beatus est.

**VERS. 47.** — *Super.* Id est, super omnia cœlestis regni gaudia, ceteros, id est, bonos auditores faciet discubere, et transiens ministrabit eis.

**VERS. 49.** — *Percutere conservos.* Injuriis afficere

A vel infirmorum conscientias pravo verbo vel exemplo vitiare. Unde Lucas ait *servos vel ancillas* (*Luc. xii*), quorum quanta infirmior est ætas vel sexus, tanto facilior est ruina.

**VERS. 51.** — *Cum hypocritis,* etc. Cum illis scilicet qui erant in agro et qui molebant, et nihilominus derelicti sunt. Qui dicuntur hypocritæ, et in agro, et in mola, id est, qui bona videbantur facere, sed exitus diversæ voluntatis apparuit. *Fletus.* Per similitudinem membrorum magnitudo ostenditur tormentorum.

#### CAPUT XXV.

**VERS. 1.** — *Decem virginibus.* Virgines sunt omnes qui se a luxu sæculi continent. *Et sponsæ.* Omnes simul sunt sponsa quæ modo desponsata est virgo a corruptione sæculi. Nubet, cum mortalis immortali coniungetur.

**VERS. 2.** — *Quinque.* Quia quinquepertita est continentia in carnalibus illecebris, videlicet ut in quinque sensibus contineat se a voluptatibus.

**VERS. 5.** — *Moram autem faciente sposo.* Quia non est parum temporis inter priorem et secundum adventum Christi. *Dormitaverunt omnes et dormierunt.* Quia postea suscitandi.

**VERS. 6.** — *Media autem nocte clamor factus est.* Id est, nullo sciente vel sperante. Unde *Dies Domini sicut fur in nocte veniet.* (*I Thess. iii*).

**VERS. 8.** — *Date nobis de oleo,* etc. Quorum facta aliena fulciuntur, laude eadem subtracta deficiunt, et de consuetudine id semper inquirunt, unde gaudere animus solet. Itaque hominum qui corda non Cvident, testimonium volunt habere apud Deum, qui cordis inspector est.

*Extinguuntur.* Id est, adventu judicis intus obscurantur, et a Deo non habent mercedem, quia recuperant laudem.

**VERS. 9.** — *Ne forte.* Quia quisque pro se rationem redet, nec alieno testimonio juvatur quis apud Deum, cui secreta patent, et vix sibi quisque sufficit ut ei perhibeat testimonium conscientia sua. *Ne forte unusquisque pro suis operibus mercedem suscipiet,* nec possunt in die judicij aliorum virtutes, aliorum vitia sublevare. *Ad vendentes.* Vendentes sunt adulatores, quia dant laudem et accipiunt aliquam mercedem.

**VERS. 10.** — *Dum autem.* Inclinantibus se illis in ea quæ foris sunt, et solita gaudia requirentibus, cum interna non noverunt, venit ille qui judicat. *Clausa est.* Post judicium magna est ejus severitas, cuius est ante ineffabilis misericordia.

**VERS. 11.** — *Novissime vero.* Per veram poenitentiam, per infructuosas lacrymas pulsant foris relictæ. Non dicitur quod emerunt oleum: quia nullo jam remanente gaudio de alienis laudibus, in angustiis redeunt ad implorationem Dei.

**VERS. 13.** — *Vigilate.* Videlicet ut testimonium bonæ conscientiæ nobis præparemus, ne cum satuis virginibus foris remaneamus. *Nescitis diem neque horam.* Non solum diem judicij, sed diem mortis cuiusque, vel horam in qua quæ paratus invenitur,

et tunc paratus invenietur. Et quia paratos nos in- A venire desiderat, subjicit aliam de eadem re para- bolam.

**VERS. 14.** — *Peregre proficiscens vocavit seruos suos, etc.* Locus carnis terra est, ergo Christi car- nem nostram ad peregrina duxit, quando cœlum as- cendit.

**VERS. 15.** — *Et profectus est statim.* Non iocum mutans, sed liberam eis potestatem operandi per- mittens.

**VERS. 16.** — *Operatus est in eis.* A visibilibus se custodiendo, alios pro posse exhortando, ut de vi- sibilibus ad invisibilia transeant. Vel utriusque sexui predicando, et de bonis moribus informando ge- minavit accepta talenta.

**VERS. 19.** — *Posuit autem.* Cœpit singulorum actus discutere accusante conscientia unumquemque vel excusante.

**VERS. 20.** — *Ecce alia quinque.* Quotquot ab er- rore convertit, tot Domino obtulit, testimonium sibi dante conscientia, quod per gratiam sibi datam non tantum sibi profuit, sed etiam quos potuit lucri- fecit.

**VERS. 21.** — *Super pauca.* Pauca sunt bona præ- sentis vitæ quamvis multa videantur, quia non sine alicujus molestiæ admistione sunt. Multa autem bona æterna, quæ sunt sine omni corruptionis molesta. *Intra in gaudium Domini tui.* Admistus cho- ris angelorum : sic intus letare de munere, ut jam non sit quod exterius doleas de corruptione.

**VERS. 22.** — *Qui duo talenta accepérat.* Iste vi- ribus suis quidquid in lege Dei didicerat, in Evan- gelio duplicavit. Sive conscientiam et opera præ- sentis vitæ futuræ beatitudinis typos intellexit.

**VERS. 24.** — *Durus es.* Quia ardua est via quæ ducit ad vitam, et quia quanto gradus altior, tanto casus gravior.

**VERS. 25.** — *Et timens abii,* etc. Et timens ag- gredi altioris vitæ gradum, ne alterius salutem quæ- rents ipse periclitarer. *Abscondi talentum tuum.* Non prædicavi quod te donante intellexi.

**VERS. 26.** — *Sciebas quia,* etc. Quare ista cogita- tio non incussit tibi timorem ut scires me mea dili- gentius quæsitorum? Quod dixit pro excusatione ver- titur in culpam.

**VERS. 27.** — *Nummularis.* Vel cæteris doctoribus, ut apostolis et episcopis. Vel, cunctis creditibus qui possunt pecuniam duplicare.

**VERS. 28.** — *Et date ei,* etc. Hoc in Ecclesia fieri plerumque videntur, quia plerique dum bene mini- strant exteriora quæ accipiunt per adjunctam gra- diam ad intellectum quoque mysticum perduncuntur.

**VERS. 29.** — *Omní enim,* etc. Multi enim natura- licet sapientes et acuti, si sint desides, perdunt ho- num naturæ, et præmium quod erat eis promissum, videtur transire ad alios qui quod habent minus, per naturam acquirunt per industriam. Vel qui habet si- dem et bonam voluntatem, etiam si minus habet in opere dabitur ei a bono judice. Sed qui in fide non

A habet etiam virtutes quas naturaliter habet, perdit sine qua non sunt virtutes. Vel qui habet amorem verbi, datur ei sensus intelligendi. Qui vero non ha- bet, etiam si naturali studio callet, deficit. Vel qui non habet charitatem, amittit omne bonum quod habet. Nota quod hoc quod cuique datur in rebus mundanis vel spiritualibus, pro talento imputatur de quo est rationem redditurus.

**VERS. 31.** — *Cum autem.* Tradendus in proximo cruci præmisit gloriam triumphantis, ut secutura scandalis hac promissione compensaret. Post para- bolas de fine mundi nunc exequitur Dominus mo- dum futuri judicii.

**VERS. 32.** — *Oves ab,* etc. Duo ordines erunt in judicio electorum scilicet et reproborum : sed ele- torum alii judicabunt, quibus dicitur : *Sedebitis et vos super sedes duodecim judicantes tribus Israel.* Alii judicabuntur quibus dicitur : *Esurivi et dedistis mihi manducare.* Item reproborum alii qui extra Ecclesiam sunt, non judicabuntur : alii qui judicabuntur, quibus dicitur : *Esurivi, et non dedistis mihi man- ducare,* etc.

**VERS. 33.** — *Hædos.* Hædus est animal petulcum et olidum, qui pro peccatis offerebatur in lege, et si- gnificat peccatores : nec dicit capras quæ possunt habere fetus.

**VERS. 34.** — *Benedicti Patris.* Beneficio Patris mei promoti ad obtainendam gloriam, in qua sine corru- ptione regnetis, ad quam prædestinati estis a consti- tutione mundi.

**C VERS. 37.** — *Tunc respondebunt.* Non dissidentes de verbis Domini, sed vel stupentes pro magnitudine majestatis regis ; vel quia parum videtur illis omne bonum quod fecerunt, unde dicitur : *Non sunt con- dignæ passiones hujus temporis ad futuram gloriam (Rom. viii),* etc.

**VERS. 40.** — *De his fratribus.* Fratres mei et ma- ter sunt qui faciunt voluntatem Patris mei.

**VERS. 42.** — *Non dedistis,* etc. Quid meretur qui aliena rapuit, si æternaliter damnatur quid de suo non dedit?

**D VERS. 44.** — *Domine, quando,* etc. Excusare se satagunt quasi Deum fallere possint qui homines fahebant. Sed non habent excusationem qui converti- a malis et agere eleemosynas noluerunt ; unde sub- dit : *Quandiu non fecisti uni,* etc.

**VERS. 46.** — *In supplicium æternum.* Frustra ergo Origenes spondet liberationem post multos annos malis hominibus et ipsis dæmonibus. *In supplicium æternum.* (Acc.) Quia in re misericordior profecto fuit Origenes qui et ipsum diabolum atque angelos ejus post graviora pro meritis et diuturniora suppli- cia ex illis cruciatiibus cruentos atque sociandos sanctis angelis credidit. Sed illum et propter hoc et propter alia nonnulla, et maxime propter alternantes sine cessatione beatitudines et miserias et statutis seculorum intervallis, ab illis ad istas itus ac re- ditus interminabiles non immitto reprobat Ee- clesia.

## CAPUT XXVI.

**VERS. 1.** — *Et factum est cum consummasset.* De consummatione sœculi et discretione judicij : vel ab initio Evangelii usque ad passionem omnia faciendo et prædicando compleverat. Post sermonem quo se venturum in claritate prædictis, passurum se ostendit, ut sacramentum crucis admistum esse gloriae æternitatis admoneat.

**VERS. 6.** — *Cum autem.* Habito consilio ordo narrationis illuc transit, *tunc abiit unus de duodecim*, ut factum Judæ conjugatur ad consilium sacerdotum. Redit autem ad eum diem; qui erat ante sex dies paschæ dicens : *Cum autem*, etc. *Simonis.* Permanet pristinum nomen ut virtus curantis appareat. Per eam domum accipe illam partem populi quæ creditum Domino et curata est. *Simon*, id est obediens.

**VERS. 7.** — *Accessit.* (*HIER.*) Diligenter observa, quæ de duabus super caput. Siquidem peccatrix, super pedes, et ea quæ dicitur non fuisse peccatrix, super caput. *Mulier habens.* Maria Magdalena soror Lazari modo justa et familiaris, quæ quandam peccatrix venit et pedes lacrymis lavit, nunc caput et pedes unxit, pedes nunc, ut Joannes dicit. *Unguenti pretiosi.* Marcus : nardi spicati, id est, de spicis et foliis confecti, quod pretiosius est. Joannes nardi pistici, id est, fidelis, non adulterati aliis herbis : *nītīs* Græce, fides Latine. *Mystice.* Hæc devotione Mariæ fidem significat Ecclesiæ, quæ dum deitatem Christi prædicat, caput ungit : dum humanitatem, pedes. De hoc unguento in domo Simonis leprosi in Bethania dicunt, et Matthæus et Marcus et Joannes. Lucas vero aliud dicit simile huic factum ante in domo alterius Simonis pharisei non leprosi, neque in Bethania, sed de eadem muliere quæ tunc accessit peccatrix.

**VERS. 8.** — *Discipuli indignati.* Joannes dicit hæc Judam locutum, et hoc gratia cupiditatis: alii potuerunt verbis ejus consentire, vel etiam idem dicere, sed propter curam pauperum.

**VERS. 11.** — *Me autem*, etc. Corporali præsentia, alioquin dicit alibi : *Ecce ego vobiscum sum omnibus diebus usque ad consummationem sœculi.*

**VERS. 12.** — *Mittens enim.* Oficium est sepulturæ quod vos perditionem esse putatis. Nec mirum, si mihi dat fidei odorem, pro qua mox fusurus sum sanguinem.

**VERS. 15.** — *Quid vultis.* Quasi vile mancipium tradens, ponit in potestate ementium quantum velint dare.

**VERS. 17.** — *Ubi vis*, etc. Non erat eis certa dominus : in quo improbatur ædificatio superfluorum.

**VERS. 18.** — *Ad quemdam.* Eumdem significat, quem Marcus et Lucas dicunt patremfamilias. Qui ergo ait ad quemdam, tanquam ex persona sua (et non Domini) studio brevitatis illum compendio insinuavit. *Ad quemdam.* Non ad quemlibet, sed ad aliquem certum, quem ex persona sua loquens recte posuisset. Modo autem cum verba Domini posuit, *Ite in civitatem*: interponit ipse, *ad quemdam* : non

A quia Dominus hoc dixerit, sed ut ipse nobis insinuat tacito nomine proprio fuisse ibi quemdam ad quem mittebantur.

**VERS. 19.** — *Et fecerunt discipuli sicuti.* In alio Evangelio scribitur : *Invenerunt cœnaculum grande stratum.* Cœnaculum, lex spiritualis est, quæ de angustiis litteræ egrediens in sublimi loco recipit Salvatorem. Nam qui litteram sequitur in imo pascha facit. Sed qui aquæ bajulum, id est præconem gratiae, in domum Ecclesiæ sequitur, hic per spiritum litteram transcedens in alto mentis Christo refectionem parat.

**VERS. 21.** — *Quia unus.* Qui prædictis de passione, prædictis de proditore, ut videns se non latere pœnitentem facti. Mittit crimen in numero, ut agat conscius B pœnitentiam, non tamen designat specialiter, ne impudentior fieret.

**VERS. 22.** — *Cœperunt singuli.* Quia plus credunt magistro quam sibi : et timentes etiam fragilitatem suam, querunt de peccato cujus non habent conscientiam.

**VERS. 23.** — *Qui intingit.* Aliis contristatis et a cibo manum retrahentibus, ea impudentia qua tradidit, manum cum magistro mittit, ut audacia bonam conscientiam mentiretur. Ecce humilitas et patientia, qua proditorem ad mensam admittit. *In paropside.* Marcus : *in catino.* Paropsis est vas escarum quadrangulum a paribus absidibus, id est, ab æquis lateribus dictum : catinum vas fletile aptum ad immitendum liquorem, et potuit fieri ut mensa fletile vas et quadrangulum contineret. Pœna prædictetur, ut quem pudor non vicerat, corrigant denuntiata supplicia.

**VERS. 24.** — *Bonum erat ei.* Multo melius esset omnino non esse quam male esse, usitate et simpliciter hoc dicit. Non potest enim ei bene esse qui non est. An diabolo dicit non nasci ad peccatum : an etiam bonum illi erat ut Christo non nasceretur per vocationem, ne esset apostata per proditionem ? Vel solemus dicere simpliciter, melius esset non esse quam male esse.

**Rabbi.** Alii dicunt, Domine, iste, rabbi. Quasi minus peccatum habens prodere magistrum quam Dominum, vel blandiendo.

**D****VERS. 25.** — *Tu dixisti.* Nec hic aperte dicitur an ipse esset : potest enim intelligi, quasi dicat, non ego dixi.

**VERS. 26.** — *Cœnantibus autem*, etc. Finitis solemnibus gaudiis veteris paschæ quæ in memoriam liberationis populi Dei de Ægypto agebantur, transit ad novum quod in sui memoriam Ecclesiam frequentare volebat. Ut videlicet pro carne agni ac sanguine, sui corporis et sanguinis sacramentum substitueret, ipsumque esse monstraret, cui juravit Dominus et non pœnitibit eum : *tu es sacerdos (Psal. cix)*, etc. *Accepti.* (*HIER.*) Postquam typicum pascha fuerat impletum, et agni carnes cum apostolis comedebat, assumit panem. *Et benedixit ac friguit.* Quia hominem assumptum ita morti subdidit, ut ei immortalitatis

potentiam inesse, et ideo cito resurrectum esse A monstraret. *Fregit*, ut ostendat corporis sui fractio- nem non sine sua sponte fore. Benedixit prius, quia naturam quam assumpsit cum Patre et Spiritu sancto, gratia divinæ virtutis implevit. Ideo post cœnam corpus suum dedit, quia necesse erat pascha typicum prius consummari, et sic veteri paschæ sacramenta post substitui. Nos vero pro reverentia tanti sacra- menti prius resuscitum Dominicæ passionis sacramen- tis, quam corporalibus escis.

**VERS. 27.** — *Gratias egit.* Ostendit quod quisque facere debet in flagello culpæ propriæ, cum ipse æquanimiter tulit alienæ : quia panis corpus confir- mat, vinum sanguinem operatur.

**VERS. 29.** — *Non bibam.* Non delectabor cæremo- niis hujus populi, in quibus sacra paschalæ agni præ- cipua sunt. Post passionem non assumam carnem, donec assumam eam novam quæ modo mortalis est.

*Novum in regno Patris.* Dicens illud *novum*, hoc vetus, ostendit corpus : scilicet, de veteri Adam quod immortalitate immutabitur. *Vobiscum*, per hoc et suis immortalitas promittitur, et si non eodem tempore. *De hoc genimine*, quia eadem corpora re- surrecta. Erit autem dies meæ resurrectionis, cum in regno Dei, id est, immortalitatis gloria sublimatus, de salute ejusdem populi spirituali gratia regenerati, novo vobiscum gaudio perfundar.

**VERS. 30.** — *Et hymno.* Hoc est quod psalmus dicit : *Edent pauperes et saturabuntur* (*Psalm. xxi.*), etc. Vel hymnum secundum Joannem Patri gratias agens cantabat, in quo pro se et discipulis et credituris precabatur. *Exierunt in montem*, etc. Ut per sacra- mentorum perceptionem et suam intercessionem ad altiora charismata quibus corde perungamur nos concendere doceat : ubi laboris refectione, doloris solatium.

**VERS. 31.** — *Omnis vos scandalum pati.* Prædicti illis quid passuri sunt, ut post eum tum non des- perent, sed poenitentia liberentur.

**VERS. 32.** — *Postquam.* Sicut prædictit locum passionis, sic prædictit locum resurrectionis, ut sicut sunt tristes ex passione, sic lætentur glorificati re- surrectione vel visione. *Præcedam vos*, etc. Ut in- firmitatem eorum spōsione reditus sui consola- retur.

**VERS. 33.** — *Etsi omnes.* Non est mendacium nec temeritas, sed fides et ardens dilectio, intantum ut imbecillitatem suam et fidem verborum Dei non contueretur.

**VERS. 36.** — *Et orem.* Proxima morte apte orat in valle pinguedinis, quia per humilitatem et chari- tatis pinguedinem pro nobis subiit mortem.

**VERS. 37.** — *Cœpit contristari.* Non timore pas- sionis, qui ad hoc venerat, sed pro scando apo- stolorum et perditione impiorum. (*HIER.*) *Cœpit con- tristari*, ut veritatem assumpti hominis probaret. Vere contristatus est, sed non passio ejus animo dominatur : verum propassio est, unde ait : *Cœpit*

*contristari.* Contristatur autem non timore patiënti, qui ad hoc vénérat, sed propter infelicem Judam et scandalum apostolorum et ejectionem Judæorum et eversionem Jerusalem

**VERS. 38.** — *Tristis.* Anima est quæ timet et tristatur. Petrus inferior non timet, dicens : *Animam meam ponam pro te* : quia ut homo vim mortis ignorat. Christus timet, quia, ut Deus in corpore constitutus, fragilitatem carnis exponit : qui corpus suscepit omnia debuit subire quæ corporis sunt.

*Usque ad mortem.* (*HIL.*) Non propter mortem, sed donec apostolos sua liberet passione. Non mors, sed tempus mortis in metu est, quia post virtutem resurrectionis, fides est firmando credentium.

**B** **VERS. 39.** — *Si possibile est.* Hoc non pro timore, sed pro misericordia, ne Judæi, qui excusationem ignorantiae non habent, non occidant; unde ait : *iste*, id est populi Judæorum non simpliciter calix : *Si possibile est*, ut sine interitu Judæorum credant gen- tiles, passionem recuso. Sin autem illi excændi sunt ut gentes intrent, fiat non mea, sed tua volunta. *Non sicut ego volo.* (*AUC.*) Transfigurat in se suos, qui nihil aliud vult quam Pater, ut ibi : *Esurivi et dedisti mihi manducare.* *Et quid me persequeris?* Docet autem eos privatam voluntatem corrigere et dirigere juxta divinam. (*AMB.*) Hominem quem veritate corporis demonstrabat, æquabat affectu, ut diceret : *Sed non sicut ego volo, sed sicut tu.* Suscep- tit voluntatem meam, suscepit tristitiam meam. Confidenter tristitiam nomino qui crucem prædico.

**C** **VERS. 41.** — *Caro autem.* Non de se utique hoc di- cit, sed de his qui dixerunt se nunquam negatu- ros.

**VERS. 42.** — *Iterum secundo.* Secundo orat, id est, si non potest Ninive salvari aliter, nisi aruerit cucurbita, id est populus Judæorum, qui prius fuit ejus tabernaculum, ut me occidat.

**D** **VERS. 44.** — *Oravit tertio.* Tribus vicibus oravit, ut et nos a præteritis peccatis veniam, et a poenitentiis malis tutelam, et a futuris periculis cautelam oremus, et ut omnem orationem ad Patrem et Fi- lium et Spiritum sanctum dirigamus. Item sicut est tria tentatio cupiditatis, ita et timoris. Est enim concupiscentia carnis, concupiscentia oculorum et ambitio sæculi. Est et timor mortis, et timor utili- tatis, et timor doloris, contra quæ omnia docet nos debere muniri oratione. Unde et propter triham tentationem passionis potest intelligi Dominus ter orasse.

**VERS. 47.** — *Cum gladiis et fustibus.* Factum con- gruit mutatæ menti. Jam enim venit cum fustibus qui quandiu cum pace fuit tranquillus se egit.

**VERS. 48.** — *Dedit eis signum.* Putabat signa quæ viderat non livinitus, sed magice facta : et quem in monte transformatum audierat, timebat ne tali modo nunc de manibus eorum laberetur : et ideo dabat signum. *Quemcumque osculatus.* Habebat adhuc ali- quid de verecundia discipuli, cum non eum palam tradidit persecutionibus, sed per signum osculi.

**VERS. 49.** — *Et osculatus est.* Suscepit Dominus osculum non quo simulare nos doceat; sed ne prodictionem fugere videatur, unde: *Cum his qui oderunt pacem, eram pacificus* (*Psal. cxix.*).

**VERS. 52.** — *Gladio peribunt.* Gladio illo quo igneus vertitur ante paradisum, id est, divinæ vindictæ, et gladio spiritus, id est, verbi Dei.

**VERS. 53.** — *An putas quia, etc.* Quasi dicat non indigeo auxilio apostolorum duodecim qui possum habere duodecim legiones angelorum, in quibus sunt septuaginta duo millia quibus omnium gentium lingua exprimitur. Innuit autem non esse verendum, si contra Jesum omnes nationes insurgant, cum multo fortiores ipse habeat exercitus angelorum. Aliter: Hic numerus significat omne genus hominum cum Romano imperio contra Judæos certaturum. His sunt angeli Dei, qui post resurrectionem anno quadragesimo secundo, cum Tito et Vespasiano perdidérunt homicidas illos, et civitatem illorum succenderunt.

**VERS. 55.** — *Existis cum gladiis.* Stultum est cum gladiis et fustibus quererere eum qui ultiro se tradit, et in nocte per proditorem investigare quasi latitantem, qui quotidie in templo docebat. Sed in tenebris congregamini, quia potestas vestra in tenebris.

**VERS. 57.** — *Ad Caipham.* Convenit nomen actioni. Caiphas, id est, investigator vel sagax ad implendam, scilicet doli sui nequitiam. Vel vemens ore, quia impudens ad proferendum mendacium et ad petendum homicidium.

**VERS. 58.** — *A longe.* Merito a longe, qui in proximo fuerat negaturus, significat Ecclesiam imitaram passionem Christi longe differenter, quia Ecclesia patitur pro se, sed Christus pro Ecclesia.

**VERS. 64.** — *Tu dixisti.* Marcus: *Ego sum*: quod idem est: Et est similis contra Pilatum et Caipham responsio, ut a propria sententia condemnentur. *Filiū hominis.* Me in forma quam judicatis exaltatum et habentem nomen quod est super omne nomen.

**VERS. 65.** — *Scidit vestimenta.* Furor qui fecit de solio surgere, facit et vestem scindere. Magno mysterio: cum vestis Domini nec a militibus scindi potuit. Significat enim sacerdotium eorum pro sceleribus pontificatum esse penitus solvendum: sed soliditas Ecclesiæ (quæ vestis Dei dicitur) usque in finem saeculi indirupta manebit. Mos est Judæorum cum aliquid blasphemiae audiunt, scindunt vestimenta.

Quod Paulus et Barnabas fecerunt in Licaonia, cum dicti sunt Jupiter et Apollo.

**VERS. 67.** — *Tunc expuerunt.* Sicut tunc consputus est salivis infidelium, ita nunc opprobriis exonoratur falsorum fidelium, et colaphis, id est, blasphemias eorumdem cæditur.

**VERS. 68.** — *Prophetiza.* Dicunt contumeliam ei qui se prophetam haberi voluit a populis. Velaverunt enim faciem ejus secundum Marcum, non ut eorum scelera non videat, sed ut a seipsis gratiam

cognitionis ejus abscondant. Sicut velum fuit super faciem Moysi, quod usque hodie manet.

**VERS. 69.** — *Una ancilla.* Cur prima ancilla profidit cum viri magis poterant cognoscere, nisi ut iste sexus ostendatur in necem Domini peccasse: et per passionem redemptus. Et ideo, mulier prima resurrectionis mysterium accepit: et mandata custodivit, ut veterem prevaricationis aboleret errorem. Sicut per seminam hostis antiquus primum parentem seduxit, ita per mulierem ad magistrum negandum quem Christum Filium Dei confessus fuerat, principem Ecclesiæ compellit.

**VERS. 72.** — *Non novi hominem.* Quam noxia prævorum colloquia, quæ cogunt Petrum negare Christum, vel hominem se nosse, quem confessus est inter discipulos Dei Filium.

**VERS. 73.** — *Qui stabant.* Joannes et Lucas unum dicunt cognatum Malchi. Sed vel est plurale pro singulari. Vel unus erat qui eum viderat, et præcipue dicebat, quem secuti cæteri similiter arguebant.

**VERS. 74.** — *Et continuo gallus cantavit.* Post tertiam negationem sequitur galli cantus. Sacra menta rerum per statum temporum designantur. Media nocte negat, in galli cantu pœnitit, post resurrectionem sub luce quem ter negaverat ter se amare professus est: quia quod in tenebris obliuionis erravit, speratae jam lucis remembrance correxit: et ejusdem veræ lucis præsentia plene quidquid mutaverat, erexit.

**C** **VERS. 75.** — *Recordatus est.* In alio Evangelio dicitur, *Respxit Dominus Petrum* (*Luc. xxii.*), et intuitu provocavit ad lacrymas, quasi in mentem ei reducens quoties negaverat, et quod ei prædixerat, nec potuit in tenebris permanere, quem lux mundi respexit. *Et egressus.* Ab impiorum consilio seclusus culpam lavat, quod non intus. Ob hoc hæsitare permisus est ut in Ecclesiæ principe remedium pœnitentiae conderetur, et nemo auderet de sua virtute confidere.

## CAPUT XXVII.

**VERS. 1.** — *Mane autem.* Matthæus et Marcus conixerunt narrationem de his quæ cum Domino acta sunt usque ad mane, sed postea redeunt usque ad negationem Petri narrandam: qua terminata rediunt iterum ad mane, ut inde cætera conixerent.

**VERS. 4.** — *Peccavi tradens, etc.* Quasi in potestate sua esset mutare persecutorum sententiam: licet autem mutaverit voluntatem, tamen primæ voluntatis exitum non mutavit. *Quid ad nos.* Quid ad nos pertinet de hoc? *tu videris,* tu scias quid fecisti. Vel quid videris pertinere ad nos. Quid ad nos pertinet pretium acceptum: tu istud probaveras, tu inde fac quod vis. Qui ad mortem peccant, tantam habent ignorantiam et cæcitatem, ut nec turbentur in sceleribus suis, nec pœnitentiae dolore crucientur.

**VERS. 5.** — *Et projectis.* Sicut pœnitentia ejus fuit infructuosa, sic et hæc oblatio in templo est execrabilis. *Et abiens.* (*HIER.*) Nihil profuit Judæ egisse pœnitentiam, per quam scelus corrigerere non

potuit. Sed quando frater sic peccat in fratrem, ut emendare valeat quod peccavit, potest ei dimitti. Sin autem permanent opera, frustra voce assumitur poenitentia. Hoc est quod de eo dicitur: *Et oratio ejus fiat in peccatum* (*Psalmus cxi*): ut non solum emendare nequiverit proditionis nefas, sed proprii homicidii scelus addiderit, unde scelestior.

**VERS. 6.** — *Non licet eos.* Vere colentes culicem et camelum gluientes : si enim ideo non mittunt pecuniam in carbonam, id est, in gazophylacium, id est, inter dona Dei, quia pretium sanguinis est, cur ergo ipse sanguis effunditur ? Et quid præmii eis, si inde ager emitur in sepulturam pauperum ?

**VERS. 9.** — *Per Jeremiam.* (Hier.) Hoc non in Jeremia, sed in Zacharia legitur: tamen aliis verbis. Legi nuper Jeremiae apocryphum, in quo haec verba scripta reperi. Sed tamen magis mihi videtur hoc sumptuui de Zacharia more apostolorum, qui verborum ordine prætermisso, sensus tantum de Veteri Testamento proferunt.

*A filiis Israel, etc. A quibus minus oportuerat,  
qui magnificare debuerant.*

Vers. 41. — *Tu es rex Iudeorum.* Secundum Lucam duo objecerant, scilicet quod prohibebat dari censem Cæsari, et quod diceret se regem. De regno ergo Pilatus, quia nescit, interrogat. De tributis: quia audierat eum respondisse: *Reddite quæ sunt Cæsaris Cæsari* (*Zac. ii*): quasi apertum mendacium invidorum neglitit. Unde Marcus: *Et non erant contentientia testimonia eorum* (*Marc. xxiv*). In hoc quod Pilatus nihil aliud criminis interrogat, nisi an sit rex Iudeorum: arguuntur impietatis Iudei, qui nec falso invenire potuerunt quod objicerent Salvatori.

**VERS. 16.** — *Qui dicebatur Barabbas.* Barabbas in Evangelio secundum Hebræos filius patris vel magister eorum interpretatur. Ipse est Antichristus, quem illi Christo præferunt, quibus dicitur: *Vos ex patre diabolo estis (Joan. VIII).* Pilatus qui *os malleatoris* interpretatur, diabolum significat, qui est malleus universæ terre, per quem Dominus vas sua permittit probari: et ad ultimum conterit, quando in extrema damnatione confringet. •

**VERS. 17.** — *Quem vultis.* Populo volens satisfacere dat optionem quanvis non dubitet Christum eligendum sciens per invidiam traditum. Qui dicitur *Christus*. Idem quod Marcus ait : regem Judæorum, auorum rex Christus vocabatur.

**VERS. 19.** — *Pro tribunali.* Tribunal sedes judicium, ut solium regum, cathedra doctorum. *Uxor ejus.* Uxor viri gentilis hoc in visione intelligit, quod Iudei vigilantes intelligere noluerunt. *Nihil tibi.* Nunc demum diabolus intelligens per Christum se spolia amissurum, sicut primum per mulierem morteni intulit; ita modo per mulierem vult Christum de manibus Iudeorum liberare, ne per mortem eius mortis amittat imperium.

VERS. 21. — *Barabbam*, etc. Filium diaboli elegunt pro Filio Dei, ut Salvatorem cum sua salute per-

derent, et proditorem liberarent, quæ sua petitio hodie etiam hæret eis, amissa gente et loco et libertate: quia datorem libertatis perdere voluerunt.

**VERS. 22.** — *Quid igitur faciam de Jesu.* Multas quærebat occasiones, ut eum cum benevolentia populi liberaret. Primo, latronem justo conferens. Deinde : *Quid ergo faciam de Jesu, qui dicitur Christus?* Et cum dicerent : crucifigatur, non statim aciebatur, sed juxta suggestionem uxoris ait : *Quid enim mali fecit?* Quo dicto Pilatus absolvit Christum.

**VERS. 24.** — *Lavit manus. Gentilem populum ab impietate Judæorum alienum designans, qui clama- verunt : Crucifige, crucifige eum.*

VERS. 25. — *Sanguis ejus.* Perseverat usque hodie imprecatio, et sanguis Christi non aufertur ab eis.

**VERS. 26.** — *Tunc dimisit illis Barabbam.* Barabbas latro seditionis et homicidiorum auctor, dimisus est populo Iudaeorum. (Isid.) Diabolus qui jam olim ob superbiam a patria lucis expulsus, et in tenebrarum carcerem fuerat missus. Et ideo Judei pacem habere non possunt, quia seditionum principem eligere maluerunt. Vel Barabbas typum gerebat Antichristi.

*Jesum vero flagelatum.* Ideo credendus est Pilatus Jesum flagellasse et militibus ad illudendum dedisse, ut satiati pœnis ejus et opprobriis, Judæi ejus mortem ultra non sitirent. *Jesum vero.* Serviens Romanis legibus, quæ crucifigendos prius jubent flagellari.

**VERS. 28.** — *Chlamydem coccineam*. (HIER.) Io chlamyde coccinea opera gentium cruenta sustentat. In corona spinea, maledictum solvit antiquum. In calamo, venenata occidit animalia. Vel calamum tenet in manu, ut sacrilegium scriberet Judæorum. In suis vestibus non illuditur, sed in his quæ propter peccata nostra portavit. Cum crucifigeretur suum recepit ornatum statim : quia elementa turban- tur, et Creatori testimonium dat creatura.

VERS. 52. — *Cyreneum.* Ecce non Hebræus, sed alienigena opprobrio Christi subditur, ut plenitudo sacramentorum transire a circumcisione ad præputium ostendatur.

**VERS. 33.** — *Golgotha. Syrum est, et interpretatur Calvariae, non ob calvum Adæ quem mentionatur ibi sepultum, sed ob decollationem damnatorum. Adam iuxta Hebron in libro Iesu locutus sepultus*

- VERS. 34. — *Cum felle mistum.* Alius evangelista dicit *mirrhatum*, id est, amarissimum. Et potuit utraque esse commisio fellis et myrræ. *Et cum gustasset noluit.* Hoc Marcus tacet : *noluit bibere.* Hoc est quod Marcus ait : *non accepit*, scilicet ut biberet.

**VERS. 35.** — *Diviserunt. Hoc Joannes distinctus :* vestimenta in quatuor partes ut Ecclesia in quatuor partibus mundi signetur. Tunica sortita significat omnium partium unitatem vinculo charitatis, quæ sorte, id est, gratia Dei provenit, non humano arbitrio.

VERS. 37. — *Cansam.* Pro qua cum Judæi Pilato

tradiderunt. Rex per crucem non perdidit, sed confirmavit imperium, velint nolint Judæi.

VERS. 38. — *Unus a dextris.* Unus a dextris per quem mortificatio significatur carnis pro cœlesti gloria: unus a sinistris, per quem iterum significatur mortificatio carnis pro aliqua mundi causa.

VERS. 39. — *Blasphemabant.* Prædictum erat in libro Sapientiae (Cap. II): *Morte turpissima condemnemus eum. Erit enim respectus in sermonibus illius. Si enim vere Filius Dei est, suscipiet illum et liberabit illum de manu contrariorum.* Quia ergo crucifigebatur, et non liberabatur, credebat illum non esse Dei Filium: propterea pendent in ligno insultant, et caput agitant:

VERS. 40. — *Si Filius Dei es.* Si insultantibus cœdens descenderet de cruce, virtutem patientiæ non demonstraret.

VERS. 42. — *Et credemus ei.* Fraudulenta promissio: majus facit surgens de sepulcro, et non creditis: si ergo de cruce descenderet, non crederetis. Sed hoc dæmones immiserunt; statim enim senserunt virtutem crucis, et suas vires fractas et hoc agunt ut de cruce descendat. Sed sciens hoc Dominus, permanet ut diabolum destruat.

VERS. 44. — *Idipsum autem et latrones.* Prius uteque blasphemavit, deinde visis signis unus credidit. Ita uteque populus Deum prius blasphemavit: sed alter signis territus pœnituit, et nunc Judæos arguit.

VERS. 45. — *A sexta autem hora.* Nota, sole a centro mundi recessuro crucifixitur Dominus, quia propter peccata moritur, et Adam post meridiem cum peccasset vocem Domini audivit. Et ordo est rationis, ut quo tempore prævaricanti Adæ clausit, eo tempore pœnitenti latroni januam reseret paradisi. Quod Marcus ait hora tertia crucifixisse Dominum, ideo est, ut Judæos qui se excusant, magis crucifixisse ostendat linguis, quam milites quorum manibus factum est: qui hora tertia ut crucifigeretur inclamaverunt. Quando enim crucifixus est, hora erat quasi sexta, id est non adhuc plene sexta.

VERS. 46. — *Et circa horam nonam.* Cum inclinata est dies ad vesperam et tepefactus est sol a fervore, passionem consummat, ostendens se mori propter peccata nostra quibus a divina luce et dilectione in hanc noctem cecidiimus. Mane surrexit Dominus, docens resuscitatos in anima se esse producturum in lucem æternæ felicitatis. *Eli, Eli, lanuia.* Quorum suscipit naturam, eorumdem plorat miseriam. In quo ostendit quantum ipsi flere debent qui peccant. Ne mireris verborum humilitatem et querimonias derelicti, cum formam servi sciens scandalum crucis videas.

VERS. 47. — *Quidam autem.* Non omnes, forsitan Romani, Hebrei sermonis ignorantes proprietatem. Vel aliqui Judæi Christum minorem Elia reputantes, ut ejus auxilium deprecetur.

VERS. 49. — *Sine videamus.* Quia vocem Domini male intelligebant, frustra Eliæ exspectabant adventum.

A. VERS. 51. — *Et ecce velum templi.* Ut arca testamenti et omnia sacramenta legis quæ tegebantur apparent, et ad gentes transeant. Josephus ait virtutes angelicas præsides quandam templi tunc pariter conclamassemus: transeamus de his sedibus. Velum quod dicebatur exterius: quia nunc ex parte videamus; cum autem venerit quod perfectum est, tunc velum interius dirumpetur. *Terra mota est.* Omnia elementa suum Dominum crucifixum demonstrant. Terra movetur, Dominum suum pendentem ferre non sustinet. *Petræ.* Id est corda gentilium, vel vaticinia prophetarum, qui petræ dicuntur a petra Christo, ut quidquid in eis duro legis velamine clausum erat, scissum patret gentibus.

B. VERS. 52. — *Et monumenta.* Et tamen cum monumenta aperta sunt, non ante surrexerunt, quam Dominus resurgeret, ut esset primogenitus ex multis fratribus. *Corpora sanctorum.* Hi credendi sunt cum Domino ascende similiter ascendisse cum corpore.

VERS. 53. — *In sanctam civitatem.* Jerusalem quæ sancta dicitur propter templum, et Sancta sanctorum, quod nulla alia.

VERS. 54. — *Centurio autem.* Hi in scandalo crucis consitentur Deum. Arius in Ecclesia prædicat creaturam, quem cæci Judæi nec tot miraculis credunt. In centurione fides Ecclesiæ designatur, quæ velo cœlestium mysteriorum per mortem Domini reserato, Jesum Filium Dei tacentे Synagoga confirmat.

C. VERS. 55. — *Mulieres multæ.* Matthæus et Lucas dicunt Mariam Magdalenam a longe stetisse. Johannes vero juxta crucem, quia tanto intervallo aberat, ut juxta diceretur: quia præsto erat in conspectu ejus, et longe comparatione turbæ propioris. Possumus etiam dicere quod illæ quæ erant cum matre Domini postquam eam commendavit discipulo, abire coeperint jam, ut a densitate turbæ eruerent se et cætera quæ facta sunt longius intuerentur. *Ministrantes ei.* Consuetudinis Hebraicæ erat, ut mulieres de substantia sua præceptoribus suis ministrarent: quod Dominus accepit, ut exemplum daret apostolis.

VERS. 56. — *Jacobi.* Jacobus Alphæi minor dicitur ad differentiam Jacobi, qui inter primos apostolos vocatus est et electus a Domino.

VERS. 57. — *Homo dives.* Quia ad præsidem nisi dives accedere non poterat, non quod divitias commendet evangelista. Dictus est et decurio, quia fuit de ordine curiæ et officium curiæ ministrabat, per hoc potuit habere facultatem, per hoc quod discipulus, hoc ministerio dignus fuit. *Discipulus erat Jesu.* Hic accessit ad Pilatum. Etsi occultus, vitans prius iniurias Judæorum, in hoc extremo officio nihil curat de illis.

VERS. 59. — *In syndone munda.* Mystice. Sindone munda Jesum involvit, qui pura mente eum suscepit. Hinc etiam mos Ecclesiæ habet, ut sacrificium altaris non serico, non panno tincto, sed puro lineo colebretur.

VERS. 60. — *In monumento suo novo.* Quia si in monumento, ubi alias positus esset, poneretur, aliud

fortasse resurrexisse fingeretur. In petra, ne si ex multis lapidibus ædificatum esset, suffossis tumuli fundamentis ablatus farto diceretur.

**VERS. 61.** — *Erant autem ibi.* Aliis notis Jesu ad sua redeuntibus, solæ mulieres quæ arctius amabant, obsequium funeris inspiciebant, expectantes quod promiserat Jesus : et ideo primæ resurrectionem vident.

**VERS. 63.** — *Post tres.* A parte totum, sexti diei quo crucifixus est cum sua nocte pro uno die. Sabatum integre. Tertius dies a parte prima, id est, nocte totius cum suo diurno, et sic est triduum.

**VERS. 66.** — *Munierunt sepulcrum.* Diligentia eorum nostræ profuit fidei. Nam quanto amplius servabatur, tanto magis virtus resurrectionis ostenditur.

#### CAPUT XXVIII.

**VERS. 1.** — *Vespere;* etc. (HIER.) Quod diversa tempora istarum mulierum, etc., usque ad adire non potuerunt, mane adeunt. *Maria Magdalene,* et altera *Maria.* Duæ unius nominis et devotionis mulieres, duas significant plebes pari devotione Christi passionem et resurrectionem amplectentes.

**VERS. 2.** — *Terræ motus.* Sicut in passione et in resurrectione fit motus terræ : significat autem corda terrenorum per fidem passionis et resurrectionis ad pœnitentiam movenda. *Revolvit lapidem.* Claudio potuit exire sepulcro, qui clauso natus est virginis utero. Revolutio lapidis significat reservationem sacramentorum Christi, quæ velo litteræ tegebantur : quo ablato, resurrectio, mortis abolitio, vita eterna coepit toto orbe prædicari.

**VERS. 3.** — *Sicut fulgor.* In candore vestis significabat blandum justis, in terrore fulgoris, significat terribilem futurum reprobis.

**VERS. 5.** — *Nolite timere.* Quæ vestros concives videtis. Illi timeant qui ad eorum societatem non pertinent.

**VERS. 7.** — *Et cito euntes.* Nec concessum est nobis hoc gaudium occulto cordis tenere, sed similiter amantibus pandere.

**VERS. 8.** — *Cum timore et gaudio.* Duplex est afflatus in eis, timoris et gaudi. Alter de magnitudine miraculi, alter ex desiderio resurgentis, et uteque gradum feminineum concitabat.

**VERS. 9.** — *Et ecce Jesus,* etc. Sic omnibus iter virtutum inchoantibus adjuvando occurrit Christus. *Et tenuerunt.* Superius dictum est clauso exisse monumento, ut immortale corpus intelligeres : hic tenentur pedes, ut veram carnem comprobes. Et quia tantam visionem tremebant, primum pellitur timor : *Nolite timere*, ut mente placida possint audire quæ dicuntur. Istæ tenent pedes quæ adorant resuscitatum : sed illa quæ nesciebat adhuc resur-

A rexisse Filium Dei, audit merito : *Noli me tangere, nondum enim ascendi ad Patrem meum* (Joan. xx).

**VERS. 10.** — *Nuntiate.* Ut mulier mortifera serpentis verba narravit, ita modo verba vivificantis, ut a qua tunc mors, modo ab ea vita. *Fratribus meis.* Ante etiam servos vocavit, modo fratres, ut post resurrectionem eamdem humanitatem resumpsisse, et illos idem sperare doceat.

**VERS. 12.** — *Pecuniam copiosam.* (HIER.) Qui rebus Ecclesiæ abutuntur in aliis rebus quibus suam expleant voluntatem, similes sunt scribarum et Pharisæorum et sacerdotum redimentium mendacium et sanguinem Salvatoris.

**VERS. 13.** — *Furati sunt eum nobis dormientibus.* (AUG.) Si dormierunt, quomodo viderunt ? Si non **B** viderunt, quomodo testes esse potuerunt ? Avaritia quæ captivavit discipulum comitem Domini, decepit et milites custodes sepulcri : et sic Judæos seduxit, unde subdit : *Et divulgatum est.*

**VERS. 16.** — *Abierunt.* A Jerusalem in Galilæam. *In montem :* quia corpus de communi terra susceptum super omnia terrena erat elevatum. Et monet nos, ut si eum videre volumus, ad superna de infimis elevemur. Præcessit Christus primitiæ dormientium, sequuntur alii in suo ordine, et videntes eum adorant, id est, sine fine laudant.

**VERS. 17.** — *Quidam autem dubitaverunt,* ut Lucas ait : existimantes se spiritum videre, quem moriendo tradidit.

**C** **VERS. 18.** — *Et accedens.* Et ideo pius magister et illos ad fidem confortat, et dubios ad fidem vocat, intimans ad quantam pervenerit gloriam. *Data est.* Hoc non de coæterna Patris divinitate, sed de assumptiona dicit humanitate, in qua minor angelis, in qua etiam gloria et honore coronatus est et omnibus superpositus.

**VERS. 19.** — *Euntes.* Qui jam in lucem venit, quod hactenus quibusdam de causis dubium hominibus fuerat. *Docete.* Congruus ordo. Primo enim docendus est auditor. Deinde fidei sacramentis imbuendus, tunc ad servanda mandata instruendus. Quia nisi prius anima fidem recipiat, non est dandus baptismus, nec valet mundari, si post non insistat bonis operibus.

**D** **VERS. 20.** — *Et ecce ego vobiscum sum.* Quæ autem merces pia conversationis, quodve pignus futuræ beatitudinis etiam in præsenti sit fidelibus, subdit : *Ecce ego vobiscum sum,* etc. Quod apostolis per successiones universalis Ecclesiæ promittit. Nota quod usque in finem sæculi non sunt desituri qui diuinæ mansione sunt digni.

(AUG.) Prima sabbati diluculo, etc., usque ad dicente eis angelo : *Sic veniet quemadmodum vidistis eum euntem in cælum* (Act. i).